

Muassis:

O'ZBEKISTON RESPUBLIKASI
XALQ TA'LIMI VAZIRLIGI

O'zbekiston Matbuot va axborot agentligida 2013-yil 25-iyulda
0055-raqam bilan qayta
ro'yxatga olingan

Bosh muharrir:

Bahodir JOVLIYEV

Tahrir hay'ati:

Baxtiyor DONIYOROV
Mamatqul JO'RAYEV
Shahnoza JO'RAYEVA
Islom ZOKIROV
Ulug'bek INOYATOV
Abduhamid MUXTOROV
(Bosh muharrir o'rbinbosari)
Nizomiddin MAHMUDOV
Sirojiddin SAYYID
Ergash UMAROV

Jamoatchilik kengashi:

Muhammadjon ALIYEV
Ergesh ABDUVALITOVA
Manzura DADAXO'JAYEVA
Lutfullo JO'RAYEV
Ehsan TURDIQULOV
Valijon QODIROV

Bo'lim muharrirlari:

Shahnoza JO'RAYEVA
(Til o'qitish metodikasi bo'limi)
Dona XO'JAYEVA
(Adabiyot o'qitish metodikasi bo'limi)

Sahifalovchi:

Husan SAFARALIYEV

Matn teruvchi:

Nodira UMAROVA

Jurnaldan ko'chirib bosilgan maqolalar «Til va adabiyot ta'limi»dan olindi, deb izohlanishi shart.

Jurnalda nashr etilgan maqolalarda mualliflarning tahririyat nuqtayi nazariga muvofiq kelmaydigan fikr-mulohazalari bosilishi mumkin.

Tahririyatga kelgan qo'lyozmalar taqriz qilingan maydi va muallifga qaytarilmaydi.

Bosmaxonaga 23.10.2014-yilda topshirildi. Ofset usulida chop etildi. Qog'oz bichimi 60x84¹/₈. Shartli bosma tabog'i 6,0. «Times» garniturasi. 10, 11 kegl. «SANO-STANDART» MCHJ bosmaxonasida chop etildi.

Manzil: Toshkent sh. Shiroq ko'chasi, 100.
Buyurtma № Adadi 7000 nusxa.



2014-yil. 10-son.

TIL VA ADABIYOT TA'LIMI

LANGUAGE AND LITERATURE TEACHING

O'ZBEKISTON RESPUBLIKASI
XALQ TA'LIMI VAZIRLIGINING ILMIY-METODIK
JURNALI

1991-yildan chiqa boshlagan.

MUNDARIJA**21-OKTABR – «DAVLAT TILI HAQIDA»GI QONUN QABUL QILINGAN KUN**

Nizomiddin Mahmudov. Til – bemisil va muhtasham sinoat 3
**YAGONASAN, MUQADDAS VATANIM, SEVGI VA SADOQATIM
SENGA BAXSHIDA, GO'ZAL O'ZBEKISTONIM!**

Luqmon Bo'rixon. ...Ulug' eldir bu! 6

DARS – MUQADDAS

Zeboxon Saidahmedova. Ko'p bilmoq ilmi 8

Mahmuda Jo'ramirzayeva. Adabiyotimiz siymolari – faxrimiz 10

Dono Bekchanova. Aziz asrimizning aziz onlari 13

ILG'OR PEDAGOGIK TEXNOLOGIYALAR

Aziza Seytniyazova. Elektron darslik – ta'lim samaradorligini oshiruvchi vosita 15

Mahkamoy Tursunova. Mashrabni o'rtagan ishq 17

LET'S LEARN ENGLISH

Lutfullo Jo'rayev. Keling, ingliz tilini o'rganamiz! 19

TEACHING ENGLISH

Storytelling. 22

ADABIY TAQVIM

Ibrohim Haqqul. Tafakkur va ma'no yulduzi 23

TAHLIL

Yusuf Hamdamov. Ommaviy axborot vositalari tilidagi o'ziga xosliklar 27

TADQIQOTLAR

Shohista Maxmaraimova. Teomorfik metafora nima? 29

Shodiya Ganiyeva. Frazemalarning shakl va ma'no munosabati 31

Baxtiyor Abdushukurov. «Qisasi Rabg'uziy»da harakat fe'llari 33

Ernst Begmatov. Motivlari o'z elida qolib ketgan ismlar 35

Sayyora Azimova. Tarjima asar tahlilida detalning o'rni 38

ASLIYATDAN TARJIMA

R.B. Pandey. «Rigveda» – hind adabiyoti va madaniyatining asosi 40

ABITURIYENTGA YORDAM

Yorqinjon Odilov. Test – to'g'ri yechiladigan savollar to'plami 43

«HOSHIYADAN TASHQARI»

Uldona Abdurahmonova. Xalq qalbidan kuch olgan adib 45

Tahririyat manzili:

100129, Toshkent shahri, Navoiy ko'chasi, 30-uy. Telefon: (8-371) 244-04-18,
244-04-15. e-mail: til@sarkor.uz veb-sayt: www.tilvaadabiyot.uz

MILLATNING MUQADDAS MAYOG'

Til – mo'tabar ne'mat. U ellarni birlashtiruvchi muqaddas mayoqdir. O'zbek tilining qonuniy muhofazasi "Davlat tili haqida"gi Qonunning qabul qiliishi bilan bog'liq, albatta. Har yili oktabr oyida yurtimizda ushbu qutlug' sana munosabati bilan ona tilimizga bag'ishlangan ilmiy-amaliy anjumanlar, adabiy kecha va tadbirlar bo'lib o'tadi.

Joriy yilning 17-oktabrida O'Z FA Alisher Navoiy nomidagi Til va adabiyot instituti va O'zbekiston Milliy universiteti umumiy tilshunoslik kafedrasi bilan hamkorlikda "O'zbek tilshunosligini rivojlantirishning dolzarb masalalari" mavzuidagi ilmiy-nazariy konferensiya bo'lib o'tdi. Anjumanni Til va adabiyot instituti direktori, professor N.Mahmudov kirish so'zi bilan ochib, respublikamizning turli viloyatlaridan kelgan til ilmi mutaxassislarini, OAV xodimlari va barcha ishtirokchilarni o'zbek tiliga davlat tili maqomi berilganligining 25 yilligi bilan qutladi. Tilshunos olim tilning inson kamolidagi o'rni, ahamiyati ulkan ekanligini ta'kidlar ekan, uni tadqiq va targ'ib etish bugungi tilshunoslikning dolzarb masalalaridan biri ekanligiga e'tibor qaratdi.

O'Z FA vitse-prezidenti, professor B.Abduhalimov davalimiz tomonidan ona tili ta'limi masalasiga qaratilayotgan e'tiborning ahamiyati haqida so'zladi. Shundan so'ng anjumanning ilmiy-nazariy qismi boshlandi.

Anjumanda yosh tadqiqotchilarning ilmiy izlanishlariga ham alohida e'tibor qaratildi. Jumladan, filologiya fanlari nomzodi G.Ismoilovning (TAI) "Frazeologizmlardagi "rang" etnokulturemasining konseptual talqini" nomli ma'ruzasida iboralarining lingvokulturologik aspektidagi tahlili, I.Azimovaning dolzarb neyrolingvistik tadqiqoti, D.Andaniyozovaning onomastik birliliklarning lingvopoetikasiga bag'ishlangan ma'ruzasi eshitildi.

Tilshunos olim N.Mahmudov anjumanga yakun yasan ekan, bugungi o'zbek tilshunosligining dolzarb masalalarini o'zida aks ettirgan har bir ma'ruzanining ahamiyatiga yuksak baho berib, bu kabi izlanishlar ona tilimiz ravnaqiga munosib hissa qo'shishga ishonch bildirdi.

Yorqinjon ODILOV

RUH QUVVATI

YUNESKO ma'lumotlariga ko'ra, hozirda dunyoda mavjud 7 mingga yaqin til va lahjaning qariyb yarmi yo'qolib ketish xavfi bor. Har uch tildan bittasining yozuvni bo'lmay, faqat og'zaki nutq shakliga ega. Dunyo tillaridan faqat 40 tasi og'zaki va yozma jihatdan mukammal shakllangan. Ular orasida o'zbek tilining ham borligi bizga nafaqat faxr-iftixor, balki zimmamizga katta mas'uliyat ham yuklaydi.

1989-yil 21-oktabrda, hali yurtimiz va xalqimiz to'la mustaqil bo'imagen murakkab bir sharoitda davlatimiz rahbari Islom Karimov tomonidan «Davlat tili haqida»gi Qonun qabul qilindi. Bu – juda katta ma'nnaviy jasorat ifodasi edi.

1992-yil 8-dekabrda qabul qilingan O'zbekiston Respublikasi Konsitutsiyasida davlat tilining maqomi huquqiy jihatdan aniq belgilanib, mustahkamlab qo'yildi. Natijada o'zbek tili mustaqil davlatimizning bayrog'i, gerbi, madhiysi qatorida turadigan, qonun yo'li bilan himoya qilinadigan muqaddas timsollaridan biriga aylangan.

Har yili 21-oktabr — o'zbek tiliga davlat tili maqomi berilgan kun arafasida mamlakatimizdagi umumiy o'rta ta'lim makkablarida ochiq dars, uchrashuv, viktoria va tanlovlardan tashkil etilishi yaxshi an'anaga aylangan.

Shu munosabat bilan poytaxtimizning Mirzo Ulug'bek tumanidagi 248-umumiy o'rta ta'lim maktabida ham «Yuragimda ungan gulim – ona tilim» mavzusida adabiy-musiqiy kecha bo'lib o'tdi. Tadbir Respublika ta'lim markazi, Toshkent shahar xalq ta'limi bosh boshqarmasi va tuman xalq ta'limi muassasalarini faoliyatini metodik ta'minlash va tashkil etish bo'limi hamkorligida tashkil etildi.

Mazkur mакtab direktori Zohida Ismoilova til millatning o'zligini namoyon qiluvchi asosiy vositalardan biri, milliy madaniyatning ulkan yutug'i ekanligini, u millatga ma'nnaviy kuch-quvvatu, faxr-iftixor bag'ishlashini ta'kidladi.

Tadbirda o'quvchilar o'zbek tili faniga oid bilimini namoyish qildi. Jumladan, Muxlisa Abdumalikova, Ruqya Ulug'xo'jayeva, Maqsuda Qora-xo'jayeva, Madina Turdiyevaning til to'g'risida aytgan she'r, maqollari, Ibrat Muslimbekov, Javohir Rustamov ijrosidagi "Alisher Navoiy va Husayn Boy-qaro suhbat" sahna ko'rinishi, o'quvchilar jo'rligida kuylangan "Ona tilim – jon-u dilim" qo'shig'i va qizlar ijo etgan raqsolar kechaga yanada fayz kiritdi.

– Tilimiz qadim madaniyatimiz, tariximiz, buyuk ajoddolarimiz merosi bilan

chambarchas bog'liq, shu bois ham uning hayotimizdagli o'rni va ahamiyati bediyosdir, — deydi Mirzo Ulug'bek tumanı Xalq ta'limi muassasalarini faoliyatini metodik ta'minlash va tashkil etish bo'limi ona tili va adabiyot fani metodika birlashmasi rahbari Nodira Umarova. — Ayni paytda o'tkazilayotgan «Ona tili va adabiyoti fani oyligi»da mintazam ravishda tumanimizda taniqli shoir va adiblar bilan uchrashuvlar uysushtirilayotir. Bundan tashqari, «Ona tilim – onadek aziz», «Til – fikr libosi», «Ona tilim – jon-u dilim», «Til – ma'naviyat ko'zgusi», «Til boyligi – el boyligi» kabi mavzularda davra suhbatlari, madaniy tadbirlar tashkil etilmoqda.

Shuningdek, tadbirda tuman tasarrufidagi barcha umumta'lim makkabining ijodiy ishlari ko'rgazmasi tashkil etildi. Ko'rgazmadan o'quvchilar tomonidan tayyorlangan devoriy gazetalar, foto bukletlar, qo'l mehnati namunalari va o'qituvchilarning noan'anaviy dars, tadbir ishlanmalari, ko'rgazmali qurollar o'rin olgan.

Tadbir haqiqiy ziyo, ma'rifat va ma'naviyat kechasiga aylanib ketdi.

Uldona ABDURAHMONOVA,
«Til va adabiyot ta'limi»
jurnali muxbirini



Низомиддин МАҲМУДОВ,

Ўзбекистон Республикаси Фанлар академияси
Алишер Навоий номидаги Тил ва адабиёт институти
директори, филология фанлари доктори, профессор

ТИЛ – БЕМИСЛ ВА МУҲТАШАМ СИНОАТ

Тил ва унинг аҳамияти ҳақида гап кетганда, энг аввало, унинг кишилар ўртасидаги энг муҳим алоқа воситаси эканлигини зўр бериб уқтириш тил илмидаги урғулардан бури эди. Ўзини дунёни алғов-далғов қилиш “назарияси”нинг пири деб ҳисоблаган бир “даҳо”нинг “Тил кишилар ўртасидаги энг муҳим алоқа воситасидир” деган гапи ҳам яқин ўтмишишида “донопик”нинг нодир намунаси сифатида кўп бор тилга олинган. Қизил истиббод исканжасидаги миллий республикалардаги ижодкорлардан ҳатто “шаклан миллий, мазмунан социалистик маданият” яратиш талаб қилинган.

Бу талаб моҳиятидаги мантиқнинг палағадалиги шундаки, шакл ва мазмун бирлиги, мутносиблиги ҳақидағи фалсафий қонуниятга тамоман зид ўлароқ шакли бошқа, мазмуну бошқа муаллақ бир маданиятни барпо қилиш вазифаси қўйилган. Бошқача қилиб айтганда, ўзбекча ёзсанми, қозоқча ёзасанми ва ёки ёқутча ёзасанми, фарқи йўқ, фақат мазмуни “қизил” бўлса бўлди, шундай бўлиши шарт.

Бундай асоссиз ақиданинг асосини ҳам “тил – фақатгина алоқа воситаси, шунчаки шакл” деган бир ёқлама, ўта чекланган қараш ташкил этади. Гўёки бу “алоқа воситаси”нинг қандай бўлиши, қайси бир халқнинг тили бўлиши ҳеч қандай аҳамиятга эга эмас, гўёки бу воситани бошқасига алмаштиришнинг ҳам писта пўчоқчалик қиммати йўқ, гўёки барча халқларни бирлаштириб, бир олонга айлантириб, бир “хўжа” тил восита қилиб белгиланса ҳам, кишилар ўртасидаги алоқа ноқис бўлиб қолмайди, ҳеч ким ҳеч нарсани йўқотмайди, гўёки тил шунчаки восита, холос...

Муайян бир мазмунни, ҳар қанча хоҳиш ва ҳаракат бўлганда ҳам, барча тилларда айнан бир хил, тамоман адекват тарзда ифодалашнинг асло имкони йўқ ва бўлиши ҳам мумкин эмас, чунки ҳар бир халқнинг бошқаларга ўхшамайдиган тафаккур тарзи, менталитети, руҳияти мавжудки, ҳар бир тилда уларни акс эттиришга, нафақат акс эттиришга, балки уларни инкишоф қилишга ихтисослашган хилма-хил ва фарқи бирликлар, имкониятлар бисёр. Президентимиз айтганидай, “Мисол учун, тилимиздаги меҳр-оқибат, меҳр-муҳаббат, меҳр-шафқат, қадр-қиммат деган, бир-бирини чукур маъно-мазмун билан бойитадиган ва тўлдирадиган ибораларни олайлик. Қанчалик ғалати туюлмасин, бу ибораларни бошқа тилларга айнан таржима қилишнинг ўзи мушкул бир муаммо. Шуни айтиш лозимки, бу тушунчалар кимдир шунчаки ўйлаб топган ширин калом, кулоққа хуш ёқадиган сўзлар эмас. Бундай тушунчалар асрлар мобайнида эл-юртимизнинг дунёқарashi, маънавий ҳаётининг

негизи сифатида вужудга келган, онгу шууримиздан чукур жой олган буюк қадриятларнинг амалий ифодасидир”.

Таассуф билан айтиш лозимки, тилни фақат “кишилар ўртасидаги энг муҳим алоқа воситаси” деб ҳисоблаш она тили ва, умуман, тил таълимими нинг сифати ва самарадорлиги учун ҳам фойда келтирмади. Мазкур нуқтаи назар ҳукмрон бўлганилиги учун ҳам узоқ ийлар мобайнида тил таълимида “грамматизм”га устуворлик берилди, норматив шаклда, асосан, тил системаси ва структураси ўргатилди. Аммо бу система ва структура тил эгасидан ажратилган ҳолда таҳсил обьекти бўлди, чунки тил атиги восита мақомидагина эди.

Бугун таълимда, хусусан, тил таълимида туб ислоҳотлар амалга оширилди, ўқитишдан кўзланган бош мақсадга эришишнинг энг оптималь ва янги йўлларини топиш ҳамда жорий қилиш борасида кўламли ишлар олиб борилмоқда. Ўқувчининг тил компетентлилигини шакллантириш ва ривожлантириш борасидаги илмий-методик тадбирлар

алоҳида диққатга молик. Энди тилни фақат алоқа воситаси сифатидагина эмас, балки уни бениҳоя серқирра моҳиятга эга ҳодиса сифатида ўқитиши ва ундан фавқулодда мақсадга мувофиқ тарзда фойдалана билиш малакаларини тарбиялаш тамойили барқарорлашмоқда.

Бу, албатта, тил таълим мининг бош мақсадига тамоман уйғун кела-диган мақбул тамойиллар, чунки “...тил фақат кишилар ўртасидаги оддийгина алоқа воситаси эмас, балки тил эгаларининг ўзини қуршаб турган оламини билиш, кўлга киритган билимларини келажак авлодга етказиш воситаси ҳамdir... Агар сўзловчи лисоний структураларни ўзлаштиrsa-ю, аммо улардан қандай ва қайси ўринларда фойдаланишини

билмаса, лисоний қобилиятга тўлиқ эгалик ҳақида фикр юритиб бўлмайди. Шунинг учун ҳозирги кунда лисоний қобилияти кучли шахсни тарбияламоқ учун таълим жараёнида ўқувчиларнинг асосий эътиборини тилнинг соғички тузилишини билишдан ташқари уларнинг ҳар биридан қайси вазиятларда қандай фойдаланишни билишига ҳам қаратиши лозим бўлади”².

Таъкидламоқ жоизики, тилнинг муайян бир вазифасига асосланган ҳолда унинг яхлит моҳиятини белгилаб бўлмаслиги табиий, чунки тил кўп вазифали ҳодисадир. Аммо дунё илмий тилшунослигида ҳам ана шундай бир ёқлама йўлдан ҳам юрилди, яъни “систем-структур тилшунослик” номини олган ва анчайин кенг тарқалган парадигма тилнинг айнан алоқа воситаси бўлиш – коммуникатив вазифасигагина суюниш асосида юзага келди. Аслида коммуникатив вазифа билан бир қаторда “til дунёни билиш, билимларни тўплаш, сақлаш, кейинги авлодларга етказиш, руҳий муносабатларни акс эттириш, гўзаллик категорияларини воқеълантириш каби бир қанча вазифаларни бажаради... Тилни фақат кишилар ўртасидаги алоқа воситаси сифатидагина талқин этиш инсоннинг табиий тилини, бу бениҳоя мураккаб ва муҳташам ҳодисани, энг ками, жўнлаштиришдан, аниқ бир миллӣ қиёфа ёки миллӣ-руҳий заминдан мутлақо мосуво бўлган сунъий тилга (масалан, эсперанто каби) тенглаштиришдан, йўл ҳаракатини тартибга солиш мақсадида яратилган шартли “til”га бараварлаштиришдан бошқа нарса эмас”³.

Систем-структур тилшуносликда тил имманент ҳодиса сифатида эгасидан, сўзловчидан ажратилиб ўрганилди, унинг кўпдан кўп ва хилма-хил вазифалари эътибордан соқит қилинди. Тил чинакам бемисл ва муҳташам ҳодиса сифатида, соҳиби мутлақо аниқ феномен сифатида антропоцентрик тилшунослика тадқиқ обьектига айланди. Тилга антропоцентрик ёндашув гарчи XX аср охири – XXI аср бошида янгидан пайдо бўлган эса-да, унинг илдизлари немис олими В. фон Гумбольдтнинг машҳур ғояларига бориб тақалади. Унинг “Тил ҳалқлар руҳининг худди зоҳирий намоён бўлишидир: ҳалқнинг тили унинг руҳидир ва ҳалқнинг руҳи унинг тилидир, булардан-да бир-бирига айнан мос бошқа бирор нарсани тасаввур қилиб бўлмайди”;

“Тилларнинг хилма-хиллиги товушлар ва белгилардаги фарқлар туфайлигина эмас, балки дунёни кўришнинг ўзидағи фарқлар туфайли ҳамдир”; “Турли тиллар миллатлар учун

Тилни фақат кишилар ўртасидаги алоқа воситаси сифатидагина талқин этиш инсоннинг табиий тилини, бу бениҳоя мураккаб ва муҳташам ҳодисани, энг ками, жўнлаштиришдан, аниқ бир миллӣ қиёфа ёки миллӣ-руҳий заминдан мутлақо мосуво бўлган сунъий тилга (масалан, эсперанто каби) тенглаштиришдан, йўл ҳаракатини тартибга солиш мақсадида яратилган шартли “til”га бараварлаштиришдан бошқа нарса эмас”.

Уларнинг оригинал тафаккури ва тасаввuri ор-ганлари эканлигини умумэтироф этилган деб ҳисоблаш мумкин”; “Тафаккур умуман тилга шунчаки боғлиққина эмас, у муайян даражада ҳар бир алоҳида тил билан шартланган ҳамдир”; “Характер яратиш учун энг қулай восита тилдир; бутун миллӣ характер фақат тилда муҳрланган”; “Миллатнинг характерини ахлоқ, одат, хатти-харакатидан кўра, тилига қараб осонлик билан билиш мумкин”⁴ каби фикрларида алломанинг, таъбир жоиз бўлса, лингвоантропологик фалсафаси ўзининг очиқ ифодасини топган.

Тилнинг теран антропоцентрик мағзу моҳияти мұхтарам Юртбошимиз томонидан мана бундай таърифланган: “...Ўзликни англаш, миллӣ онг ва тафаккурнинг ифодаси, авлодлар ўртасидаги руҳий-маънавий боғлиқлик тил орқали намоён бўлади. Жамики эзгу фазилатлар инсон қалбига, аввало, она алласи, она тилининг бетакор жозибаси билан сингади. Она тили – бу миллатнинг руҳидир”⁵.

Кўринадики, антропоцентризм тилнинг бевосита асосига даҳлдор ҳодисадир. Рус тилшуноси Т.Б.Радбиль антропоцентризм тилнинг фундаментал, базавий хусусияти эканлигини атрофлича ёритар экан, Ю.С.Степановнинг “til инсон андазасида яратилган ва бу ўлчам тилнинг тузилишининг

“Тил ҳалқлар руҳининг худди зоҳирий намоён бўлишидир: ҳалқнинг тили унинг руҳидир ва ҳалқнинг руҳи унинг тилидир, булардан-да бир-бирига айнан мос бошқа бирор нарсани тасаввур қилиб бўлмайди”;

ўзида муҳрланган, шунга мувофиқ тил ўрганилмоғи ҳам керак”, деган гапларини келтиради⁶. Тилдаги сонсиз-саноқсиз метафораларни эсга олгандаёқ инсон ташки дунёни ўз ўлчови, ўз андазаси билан идрок этишини осонлик билан тасаввур қилмаслик мумкин эмас: дарахтлар кўз ёш тўқди, мезонлар кезар, асаблар тупроққа чўккан эди тиз, ожиз жасорат, саратон мудрайди, ҳайратдан пол қотган оғтоб, шуълалар ўйнайди, бироевдан хижолат бўлган тол, еллар ҳам ўйғонди ишқалаб кафтин, майса силкитади бош, ҳөвлиқма жилғалар чопар, азалий ҳукмини ўқиди ҳаёт, баҳор келаётир, иеирсир баҳор, гул ўқиб турар

байт, майса ўйғонар, ел кезар, учқур замон, номард табиат, ўйғонгувчи боғлар, қуёш чекар оҳ, шамоллар ўйнайди, тўлқинлар қутурсинг, доно табиат,

қаҳқаҳа уради қадим бу ҳаёт (А.Орипов). Ташкин оламдаги сифат-хусусият, ҳаракат-холатларни инсон “ўз танасидан ўтказиб”, ўзига хос нигоҳ тарзидан келиб чиқиб, гўё ўзига нисбатлаб баҳолайди ва номлайди, мазкур метафораларнинг асосида инсон турганлиги кўриниб турибдики, уларнинг моҳият-мантигини инсондан тамоман ажратиб изоҳлаш фоятда мушкул эканлигини таъкидлаш лозим.

Тилнинг ана шундай объектив хусусиятига мувофиқ равишда тилни тадқиқ қилишда ва тушуниришда инсон феномени асосий ўринда туриши, тил эса инсон шахсини, демакки, миллат, ҳалқ тушунчаларини таркиб топтирувчи бош унсур деб қаралиши зарур. Мутахассислар таникли рус адаби С.Довлатовнинг “инсон шахсиятининг 90 фоизини тил ташкил қиласди”, деган ҳикматомуз гапини тилга оладилар. В.А.Маслова таъкидлаганидай, инсон ақлини, инсоннинг ўзидаидай, тилдан ва нутқ яратиши ҳамда нутқни идрок қилиш қобилиятидан ташқарида тасаввур этиб бўлмайди. У ўринли кўрсатиб ўтганидек, кейинги ўн йилликларда ҳозирги тилшуносликда мазкур парадигма доирасида шаклланган когнитив тилшунослик ва лингвокультурология (лисоний маданиятишнунослик) йўналишлари тилдаги маданий омил ва инсондаги лисоний омилга қаратилган бўлиши лозим. “Лингвокультурология тилни маданият ҳодисаси сифатида ўрганади. Бу дунёни миллий тил призмаси орқали ўзига хос тарзда кўриш бўлиб, бунда тил алоҳида миллий менталликнинг ифодачиси сифатида иштирок этиди”⁷.

Бугун лингвокультурология рус ва бошқа хорижий тилшуносликда алоҳида лингвистик йўналиш сифатида шаклланди ва ривожланиб бормоқда, ўқув фани сифатида филологик олий таълим тизимиға кириб ҳам бўлди. Мамлакатимизда ҳам антрополингвистик, хусусан, лингвокультурологик йўналишдаги тадқиқотлар, асосан, қиёсий аспектда бўлса-да, бошланган. Лингвокультурологияни ўқув фани сифатида филологик таълимга олиб кириш юртимизда етук фило-

лог-мутахассислар тайёрлаш ишига фойда келтиришини таъкидламоқ жоиздир.

Тил дунёни ўзига хос тарзда кўриш, билиш, идрок этиш ва англаш, айни пайтда бошқаларга таъсир этишнинг қудратли куроли экан, бу қуролга чинакам ва садоқатли соҳиб бўлмоқ инсонлик рутбаси ва ягона қавмлик туйғусининг тириклиги учун мустаҳкам заминдир. Тил миллатнинг тафаккур тарзини, тахайюл

интизомини тайин этар экан, бу тарз ва интизомнинг барқарорлиги, демакки, одам боласининг ақлий ва руҳий камолоти шу тилга муҳаббат билан пойдордир. “Миллий онг”, “миллий тафаккур”, “миллий маданият”, “миллий маънавият”, “миллий менталитет”, “миллий характер” каби бугун кенг истеъмолда бўлган жуда кўплаб залворли истилоҳларнинг мантиқий мағзини, табиийки, тил ташкил этиши ҳақиқатдир. Ана шуларга кўра ҳам тил – бемисл неъмат, муҳташам синоат, мустаҳкам хилқат.

Бугун ўзбек тили ўттиз бир миллионли Ўзбекистоннинг ардоқли тилидир. Чорак асрdirki, бу тил мустақил мамлакатнинг давлат тили сифатида, миллатидан қатъи назар, барча фуқароларни бирлаштириб, жипслаштириб келади. Гўзал юртимизнинг буюк келажагини барпо этмоқ масъулиятини елкага олган барча ватандошларимиз конституциямиз, байробимиз, гербимиз, мадҳиямиз каби мустақил давлатимизнинг муқаддас тимсолларидан бирига айланган ўзбек тилига эҳтиром кўрсатадилар. Юртбошимиз раҳнамолигида шаклланган одил ва холис тил сиёсати боис кўп миллатли мамлакатимизда барча тилларнинг ривожи ва ўрганилиши учун тегишли шароит яратилган, бугунги кунда мактабларда таълим етти тилда олиб

Бугун ўзбек тили ўттиз бирillionli Ўзбекистоннинг ардоқли тилидир. Чорак асрdirki, бу тил мустақил мамлакатнинг давлат тили сифатида, миллатидан қатъи назар, барча фуқароларни бирлаштириб, жипслаштириб келади.

борилмоқда, бир тилларда оммавий аҳборот воситаларининг фаолияти йўлга қўйилган. Турли миллат вакиллари томонидан миллий маънавиятнинг асос устуни сифатида она тили ва айни пайтда муқаддас тимсол сифатида давлат тилини ўрганиш юртимиздаги адолатли тил сиёсатининг намоёнидир.

¹И.Каримов. Юксак маънавият – енгилмас куч. Т.: Маънавият, 2008. 8-бет.

²А.Нурмонов, Г.Зиёдуллаева. Ўқувчиларнинг тил компетентлигиги шакллантириш ва ривожлантириш муаммолари // Маърифат, 2014 йил 18 июнь.

³Н.Маҳмудов. Маърифат манзиллари. Т.: Маънавият, 1999. 44-бет.

⁴В.Гумбольдт. Избранные труды по языкоznанию. М.: Прогресс, 1984. С.68, 167, 303, 317, 319, 324.

⁵И.Каримов. Юксак маънавият – енгилмас куч. Т.: Маънавият, 2008. 83-бет.

⁶Т.Б.Радбиль. Основы изучения языкового менталитета. М.: Флинта: Наука, 2009. С.89.

⁷В.А.Маслова. Лингвокультурология. М.: Academia, 2001. С.8.

Luqmon BO'RIXON,

O'zbekistonda xizmat ko'rsatgan madaniyat xodimi

...ULUG' ELDIR BU!

O'tgan asrning saksoninchi yillarda, sho'ro tuzumi chok-chokidan so'kilib borayotgan chog'lar mamlakatga Janubiy Osiyoning eng nufuzli davlatlaridan birining rahbari tashrif buyuradi. Moskvadagi tantanali tadbirlar tugagach, mo'tabar mehmon musulmon olamining yirik allomasi Ismoil al-Buxoriy qabrini ziyorat qilish niyati borligini sho'ro rahbarlariga bildiradi. Dahrenilik g'oyasi bilan qurollangan arboblar bunday kutilmagan istakdan bezovtalanib qolishadi. To'g'rirog'i, ular bunday alloma haqida eshitishmagan, qabri qayerdaligini bilishmas ham edi.



Talablar ortidan talablar, buyruqlar ketidan buyruqlar jaranglaydi. Xullas, ancha so'rab-surishtirishlardan so'ng chindan ham Ismoil al-Buxoriy nasabli bir ulug' zot tarixda bo'lgani, uning qabri Samarqand yaqinidagi qishloqlardan birida ekani aniqlanadi. Ammo bu joy qarovsiz, chakalakzor, vahimali bir maskan ekan.


Arboblar zudlik bilan ziyoratgohni tartibga keltirishni buyurishadi. Lekin vaqt juda qisqa edi. Ulgurishmaydi. Shunda rahbariyat xorijlik davlat arbobti tashlandiq qabristonni, vayrona maskanni kunduzi ko'rishini istamay, o'zlaricha nayrang ishlashadi, ya'ni yuksak martabali mehmonni ziyoratga tunda olib kelishadi. Shu alfozda go'yoki sharmandagarchilikdan qutulib qolishadi.

Albatta, bugungi yoshlarga, mustaqillik ma'naviyati ong-shuurini tongdek tozalagan avlodga o'sha davring ayanchli voqealari mubolag'ali bir ertakdek tuyuladi. Aytsangiz, hatto ishonmasligi mumkin. Lekin bu haqiqat. Achchiq haqiqat. Zero, davlat manfaati har qanday inson manfaatidan ustun qo'yilgan, xalq orzuistiklari, huquqlari, uning qadriyatları poymol etilgan, tarixi, ma'naviy-madaniy merosi oyoqosti qilingan va buning barchasi chiroyli shiorlar-u balandparvoz hayqirqlar ortiga yashirilgan mustabid tuzumdan boshqa hech narsa kutib ham bo'lmasdi. Bu haqda muhtaram Prezidentimiz o'zining "Yuksak ma'naviyat – yengilmas kuch" asarida shunday yozadi:

"Uzoqqa bormasdan, xalqimiz o'z boshidan kechirgan mustamlaka davrini bir ko'z oldimizga keltiraylik. Qariyb 150 yil davom etgan, tariximizning tom ma'nodagi qora kunlari bo'lmish o'sha zamonda bir paytalar o'zining qudratli davlatchiligi, buyuk farzandlari, yuksak ilm-u madaniyati, obod shahar va qishloqlari bilan dunyoni hayratda qoldirgan el-yurtimiz qanday og'ir mashaqqatlarga duchor bo'lganini yaxshi bilamiz".

Ha, Istiqlolgina bizlarni bunday isnoddan, badnomlikdan xalos etdi. Ozodlikning yorug' tonglarida biz haq-huquqimizni, qadr-qimmatimizni qayta tikladik. Bugun mustaqil O'zbekiston dunyoga tanildi! Uning boy tarixi, shonli buguni tillarda doston bo'lib turibdi. Bugun butkul boshqacha manzaralarning guvohi bo'lib turibmiz. Bir paytalar tashlandiq, xaroba holiga tashlab qo'yilgan Ismoil al-Buxoriy ziyoratgohi obod, muhtasham go'shaga aylantirilgan. Bu yerdan yuzlab, minglab ziyoratchilarning, chet elliq sayyoohlarning qadami tun-u kun uzilmaydi. Albatta, bunday ulkan islohotlarni, ta'mirlangan, qayta tiklangan tarixiy obidalarni, muqaddas qadamjolarni, yurtimizda kamolga yetgan ulug' allomalarining yodgorliklarini bugun mamlakatimizning har bir shahar va qishlog'ida uchratishimiz mumkin. Zero, o'z ulug'larini ulug'lagan elgina ulug'likka munosib bo'ladi. Yaqindagina Samarqand shahrida bo'lib o'tgan "O'rta asrlar Sharq allomalari va mutafakkirlarining tarixiy merosi, uning zamonaviy sivilizatsiya rivojidagi roli va ahamiyati" mavzusidagi xalqaro konferensiya ham fikrimizning yaqqol tasdig'idir. Ushbu anjumanning ochilish marosimida qatnashgan davlatimiz rahbarining quyidagi so'zlar qaddimizni, qadr-qimmatimizni yana bir pog'ona yuksaltirdi, deya bemalol aytishimiz mumkin.

"Bugungi konferensiyamizning maqsadi – O'rta asrlarda Sharq olamida yashab ijod etgan buyuk alloma va mutafakkirlarning ilmiy merosini chuqrus muhokama



lar zamonaviy ilm-fan va taraqqiyot uchun naqadar dolzarb va zarur ekanini ochib berishning ahamiyati ham shunchalik muhim deb hisoblayman".

Darhaqiqat shunday. Bizning zaminimizda unib-o'sgan, ijod qilgan ko'plab fozil va oqil insonlar jahon ilm-u faniga, dunyo tamadduniga ulkan ulush qo'shganlar. Jumladan, zamonaviy matematika, trigonometriya va geografiya fanlari taraqqiyotiga beqiyos hissa qo'shgan *Muhammad ibn Muso al-Korazmiy*, "Astronomiya asoslari" asarining mualifi *Ahmad Farg'oniy*, ulug' qomusiy alloma *Abu Rayhon Beruniy*, "Tib qonunlari" deb atalgan bebaho asar mualifi *Abu Ali ibn Sino*, buyuk olim va davlat arbobi *Mirzo Ulug'bek* kabi ajdodlarimiz nomlarini faxr bilan tilga olamiz. Bugungi kunda ularning zakovati, insonorvarligi oldida jahon ahli bosh egib turibdi desak, aslo mubolag'a bo'lmaydi. Ular qoldirgan ilmiy-madaniy meros YUNESKOning Madaniy meros ro'yxatiga kiritilgani, Buyuk Britaniya, Fransiya, Germaniya, Ispaniya, Misr, Eron kabi ko'plab mamlakatlardagi kutubxonalarining "oltin fond"ini tashkil etishi fikrimizning yaqqol daliidir. Shuningdek, dunyoning Rossiya, Latviya, Fransiya, Misr singari qator mamlakatlarda bizning ulug' alloma ajdodlarimizga yodgorliklar o'rnatilganini ham mammuniyat bilan ta'kidlab o'tish joiz. Nazarimda, Samargandda bo'lib o'tgan nufuzli anjuman tag'in bir yorqin, farahbaxsh haqiqatni dunyo hamjamiyatiga yana bir karra eslatganday bo'ldi. Jahonning eng yetakchi mamlakatlari kechasi, buguni va ertasi bilan maqtana olishi mumkin, xolos. Lekin ular ichida uzoq o'tmishimi, unda yashab o'tgan ajdodlari qoldirgan ilmiy, madaniy meros bilan g'ururlana oladiganlari kamdan-kam topiladi. Yaratgan bizni bunday baxtdan qismagan. Biz xuddi bugunimiz, kelajagimiz kabi uzoq o'tmishimiz, bobolarimiz-momolarimiz bунyod etgan, asrlar osha



*Yagonasan, muqaddas Vatanim, sevgi va sadoqatim
senga baxshida, go'zal O'zbekistonim!*

yashab, dunyo tamadduniga hissa qo'shib kelayotgan ilmiy, ma'nnaviy asarlar, bitiklar ila boshimizni baland tutib faxr-iftixorga to'lib-toshib gapira olamiz. Ammo bugun zamona zayli juda tez evrilmoqda. Jahon ilm-u fani yangidan-yangi ilmiy kashfiyotlarni, tafakkur mevalarini kutmoqda. Modomiki shunday ekan, bugun ajdodlar yaratib ketgan mo'jizalar, ulug'vor ishlar bilan faxlanib o'tirishgina kifoya qilmaydi. Balki ularning buyuk faoliyatini davom ettirish, yurtimiz nomini olam uzra yanada tanitish har birimizning burchimizdir. Shu sababdan ham bugun mustaqil mamlakatimizda ma'naviyat-ma'rifat, ta'lim-tarbiya ishlari alohida e'tibor berilmoqda. Yurtimizda keng ko'lamli islohotlar, buniyodkorlik ishlari amalga oshirilgandan buyon oliy o'quv yurtlari soni ikki barobarga oshdi, bugungi kunda 60 ta universitet va institutda 230 ming nafardan ziyod talaba tahsil olmoqda. Shuningdek, ko'pgina yoshlarimiz eng ilg'or, taraqqiy topgan xorijiy davlatlarning ilm maskanlarida saboq olishib, tajriba orttirib, yetuk mutaxassislar bo'lib yetishishga intilishmoqda. Qolaversa, bugun O'zbekistonda Yevropa va Osiyoning bir qator yetakchi oliy o'quv yurtlarning filiallari, jumladan, Vestminster universiteti, Singapur menejmentni rivojlantirish instituti, Turin politeknika universiteti, Rossiya neft va gaz universiteti, Moskva davlat universiteti, Rossiya iqtisodiyot universiteti filiallari faoliyat yuritib turibdi. Joriy yilning oktabr oyidan boshlab esa Janubiy Koreyaning Inxa universiteti filiali ular safiga qo'shildi. Bu oliy o'quv yurtida talabalar axborot-kommunikatsiya texnologiyalari, kompyuter muhandisligi sohalarida tahsil olishadi. Shuni alohida ta'kidlash

joizki, har qanday mamlakatda ilm-u fanning rivojlanishi, ta'lim-tarbiya ishlarini yuksak darajada tashkil etilishi uchun, eng avvalo, tinchlik, xotirjamlik, ertangi kunga ishonch zarur. Ne baxtki, biz bugungi kunda osoyishta hayotimiz, farovon turmushimiz, kelajakka bo'lgan ishonch-u umidimiz bilan ham haqli ravishda g'ururlana olamiz. Farzandlarimizning qismati shunday ulug' yurt, shunday ulug' xalq bilan bog'liqligi yuraklarimizga bitmas-tuganmas iftixor, shodlik bag'ishlaydi. Barhamizni buniyodkorlik ishlari alohida kamarbasta bo'lishga undaydi.



Zeboxon SAIDAHMEDOVA,
Respublika ixtisoslashgan musiqa va san'at
akademik litseyining ona tili va adabiyot fani o'qituvchisi

KO'P BILMOQ ILMI

Darsning mavzusi: So'z birikmasini mustahkam-lash.

(8-sinf, I chorak)

Darsning maqsadi:

- o'quvchilarning so'z birikmasi yuzasidan o'z-lashtirgan bilimlarini umumlashtirish;
- o'quvchilar ongiga hamkorlik, insoniylik, do'stlik tuyg'ularini singdirish;
- o'quvchilarda matn yaratish ko'nikmasini rivojlan-tirish.

Darsning turi: bilim, ko'nikma va malakalarni umumlashtirish.

Darsning usuli: reproduktiv, induktiv, aralash.

Darsning jichozi: mavzuga oid ko'rsatmali va tarqat-ma didaktik materiallar.

Darsning borishi:

Dars o'quvchilarni uch guruhga bo'lishdan boshla-nadi. O'qituvchi uy vazifasini tekshirish hamda bugungi bajariladigan vazifa, topshiriqlar so'z birikmasini mu-stahkamlashga qaratilganligini aytadi.

Uyga berilgan 68-mashq har bir guruhdan 1 tadan o'quvchiga o'qitiladi. So'z birikmalari, teng va tobe bog'lanish izohlanadi. Javob bergen o'quvchilarga rag'bat kartochkasi beriladi.

Darslikdagi 1-topshiriq mustaqil yoki og'zaki bajariladi. Bunda guruhlarga bajarilgan gapni teng

bog'lanish va tobe bog'lanishga ajratish vazifasi top-shiriladi. 2-topshiriqn ni o'quvchilar daftarlarda bajari-shadi. Ular berilgan so'z birikmalarini birikish usullari bo'yicha guruhlashadi. Tayyor guruh qarsak chaladi.

1-guruuh (bitishuv): *Zavq olish, tez yugurdi, ayyor tulki, katta tanaffus, qizg'in suhbat, yangi ko'ylik, hay-dalgan yer, g'ishtli imorat, oltin yaproq.*

2-guruuh (boshqaruv): *raqsga tushish, kutubxonaga kirish, ukasi uchun olmoq, she'r yodlamoq, ko'klamda unmoq, qalam bilan yozmoq, so'qmoq orqali yurmoq.*

3-guruuh (moslashuv): *o'quvchilarning barchasi, daftar varag'i, shahar ko'chalari.*

Topshiriqn tez va to'g'ri bajargan guruuh rag'bat kar-tochksiga ega bo'ladi.

Shundan so'ng guruhlarga testlar tarqatiladi:

1. Qaysi qatorda hokim so'zi sifat bilan ifodalangan so'z birikmalarini berilgan?

1) sevimli qo'shiq; 2) hayoti achinarli; 3) otdan ba-land; 4) ukamdek ishchan; 5) gul chiroyli; 6) gulning chiroyi;

- A. 2, 3, 4, 5, 6
- B. 2, 3, 4, 5
- C. 2, 3, 4
- D. 3, 4

2. Ikki qavatli uy birikmasidagi tobe so'z qaysi qa-torda to'g'ri ko'rsatilgan?

- A. Uy
- B. Qavatli uy
- C. Ikki
- D. Ikki qavatli

3. Quyidagi so'z birikmalaridan qaysi biri qaratqichli birikma hisob-lanadi?

- A. Oltin soat
- B. Yurtimiz yoshlari
- C. Uzum edi
- D. Peshin chog'i

4. So'z qo'shilmasidagi teng bog'lanishni aniqlang.

- A. Baland uy
- B. Maktabga bormoq
- C. Shahar va qishloq
- D. Qizil olma

5. Bitishuvli so'z birikmasini toping.

- A. Qiz husni



- B. Ukam uchun olmoq
- C. Birdan gapirmoq
- D. Ukamdan olmoq

6. Moslashuvli bog'lanishda egalik qo'shimchasi, odatda, qaysi so'z tarkibida bo'ladi?

- A. Bosh so'z tarkibida
- B. Ergash so'z tarkibida
- C. Bosh so'z yoki ergash so'z tarkibida
- D. So'z birikmasida qaysi so'z oldin joylashsa, o'sha so'z tarkibida

Topshiriqni tez va to'g'ri bajargan guruhga rag'bat kartochkasi beriladi.

So'ngra o'quvchilarning bilimlarini tekshirish maqsadida "**Rost, yolg'on**" o'yini o'tkaziladi. Bunda o'quvchilar qog'ozga yozilgan birikmalarning rost yoki yolg'onligini aniqlab, doskaga yopishtirishadi.

ROST

- Mehnat (ning) gashti – moslashuvli birikma (+)
- Barkamol avlod – bitishuvli birikma (+)
- Kitob va daftar – teng bog'lanish (+)
- So'z birikmasi – nutq birligi (+)
- Sinfimiz o'quvchilari – moslashuvli birikma (+)
- Raqsga tushish – boshqaruvli birikma (+)

YOLG'ON

- Quyosh nuri – bitishuvli birikma (-) – moslashuv.
- Qizargan olma – boshqaruv (-) – bitishuvli birikma.
- Maktab sari ketmoq (-) – moslashuv – boshqaruv.
- Hayot uchun – boshqaruvli birikma (-) – birikma emas.

Ohangdor qo'shiq – boshqaruvli birikma (-) – bitishuv.

Gap – til birligi (-) – nutq birligi.



O'quvchilarni ona tili faniga yanada qiziqtirish maqsadida "**Anogramma o'yini**"dan foydalilanadi. Bunda o'quvchilar adashgan harflarni tiklab so'z hosil qilishlari kerak bo'ladi. Ular quyidagi so'zlarni topishadi:

Iamoshuxum-xushmuomala
Isoyqeb-beqiyos
Rubatojav-ajabtovor


So'ng o'quvchilarga yuqorida so'zlardan foydalaniib, gap tuzish topshiriladi. Ular bu vazifani mumtoz kuy sadolari ostida bajarishadi.

Inson xushmuomala, beqiyos fazilatlarga ega ekan, u ajabtovor mo'jizalar ummonida erkin suza oladi.

O'quvchilarning tuzgan gaplaridan so'z birikmasi aniqlanadi.

Dars so'nggida rag'bat kartochkalarining soniga qarab g'olib guruh aniqlanadi, faol o'quvchilar baholanaadi.

Uyga vazifa sifatida darslikdag'i 5-topshiriq beriladi.



Mahmuda JO'RAMIRZAYEVA,
 Namangan viloyati Uchqo'rg'on tumanidagi
 34-ixtisoslashtirilgan umumiy o'rta ta'lim mabtabining
 ona tili va adabiyot fani o'qituvchisi,
 O'zbekiston Respublikasida xizmat ko'rsatgan
 xalq ta'limi xodimi

ADABIYOTIMIZ SIYMOLARI – FAXRIMIZ

Mavzu: Adabiyotimiz siymolari.

Kesim va uning ifodalanishi

(9-sinf, o'zbek tili darsi, II chorak)

1-dars.

Darsning maqsadi:

– o'quvchilarda adabiyotga bo'lgan muhabbatni oshirish, ularni adabiyotimizning yorqin siymolari ijodi bilan yaqindan tanishtirish, kesim va uning ifodalanishi yuzasidan grammatik ma'lumotlar berish;

– o'quvchilar ongiga milliy qadriyatlarga hurmat, ajdodlar merosini asrab-avaylash kabi tushunchalarni singdirish;

– o'quvchilarni mantiqiy, mustaqil fikrashga o'rganish, ularning og'zaki va yozma nutqini o'stirish.

Darsning jahozi: darslik, rangli rasmlar, slaydlar.

Darsning usuli: taqdimot, "TSMU" usuli.

Darsning shiori: Ozod yurting istiqbolli yoshlari ga iqbol yor bo'lsin!

Darsning borishi:

Dars o'quvchilarning uyda yozib kelgan «Yaxshilik bu....» mavzusidagi kichik hikoyalarni o'qitib tahlil qilish, ta'il taassurotlari haqida suhbatlashishdan boshlanadi.

So'ng o'quvchilar maxsus (rasm yoki geometrik) belgilari asosida quyidagi guruhlarga bo'linadi:

1-guruhi: «Istiqlol».

2-guruhi: «Istiqlol».

Yangi mavzu bayoni:

O'qituvchi o'quvchilarga bugungi dars mavzusini aytib, yozuv taxtasi va o'quvchilar daftariiga sana va yangi mavzuni yozdiradi.

Har ikkala guruhga quydagicha savol beriladi:

1. Adabiyot nima?

1-guruhi o'quvchisi: Adabiyot – so'z san'atidir. U arabcha "adab", ya'ni "odob" so'zidan tashkil topib, odob-axloqni o'rgatadi.

2. Adabiyotimiz siymolari deganda kimlarni tushunasiz?

2-guruhi o'quvchisi: She'r va nasriy asarlarni yozgan shaxslar adabiyotimiz siymolaridir.

So'ngra o'qituvchi o'quvchilar javobini umumlashtiradi:

Bizning adabiyotimiz ko'p asrlik tarixga ega, shuning uchun adabiyotimiz siymolari va ular yaratgan asarlarni bosqichlarga bo'lib o'rganamiz.

O'quvchilar diqqati ekranda ko'rsatilgan quyidagi adabiyot bosqichlariga qaratiladi:

1. Mumtoz adabiy asarlar va ularning mualliflari faoliyati (X–XIX asrlar).

2. XX asr adabiyoti vakillari va ularning asarları.

3. Mustaqillik davri adabiyoti vakillari va ularning asarları.

Har bir davr haqida o'qituvchi qisqacha ma'lumot beradi.



Monitor orqali A.Navoiy, Mashrab, Nodirabegim, A.Qodiriy, Said Ahmad, A.Oripov suratlari ko'rsatiladi va har bir guruh o'quvchilari o'zi tangagan davrga mos adabiyot siymolari haqida bilganlarini taqdimot qilishadi.

"Istiqlol" guruhi o'quvchilari mumtoz adabiyot vakillari haqida taqdimot o'tkazishadi. O'quvchilar maxsus belgilari orqali baholanib boriladi.

1-o'quvchi: O'zbek she'riyatining sultonasi, buyuk mutafakkir va davlat arbobi, ma'rifatparvar shoir Alisher Navoiy Xirot shahrida tavallud topgan. U turkiy va forsiy tillarda ijod qilgan. Shoir to'rt kitobdan iborat "Hazoyin ul-maoniy" she'riy to'plami, beshta mustaqil dostonidan iborat "Xamsa"ni yaratgan. U o'z dostonlarida falsafiy hamda tarbiyaga oid qarashlarini bayon etgan.

2-o'quvchi: Boborahim Mashrab hijriy 1050-(milodiy-1640) yili Namanganda kosib Valibobo bo'zchi xonardonida tug'ildi. U otasidan yosh yetim qoldi. Boborahim maktab ta'lими Namanganda olgach, Qashqar, Yorkent, Bog'dod kabi shaharlarni kezib, u yerdagi mashhur kishilar bilan muloqotda bo'ldi. Mashrabning adabiy merosi bizgacha alohida va mukammal devon holida yetib kelmagan. Shoir g'azal, mustazod, murabba', musaddas kabi mumtoz adabiyot



janrlarida ijod qilib, ularda insonparvarlik g'oyalarini tarannum etgan.

3-o'quvchi: Mohlaroyim (Nodira) mashhur shoira, davlat arbobi, madaniyat va adabiyot horiysi idir. Shoira 1792-yili Andijon hokimi Rahmonqulliboy oilasida tug'ildi. O'tkir zehni Mohlaroyim Sharq mumtoz adabiyotini jiddiy o'rgandi, she'rlar mashq qilib yoshligidanoq shoira sifatida tanildi. Mohlaroyimning bizgacha o'zbek va fors-tojik tillarida "Nodira", "Komila" va "Maknuna" taxalluslari bilan yaratgan lirik asarlaridan iborat katta merosi yetib kelgan.

"Istiqlol" guruhi o'quvchilar XX asrda ham, mustaqillik davrida ham ijod qilgan shoir va yozuvchilar haqidagi taqdimot qilishadi.

1-o'quvchi: O'zbek romançilik mактабини boshlab bergan tаниqli yozuvchi Abdulla Qodiri Toshkent shahrida tug'ilgan. Uning "O'tkan kunlar", "Mehrobdan chayon" romanlari, "Obid ketmon" qissasi, "Uloqda" hikoyasi o'zbek adabiyotining eng yorqin asarlari qatoridan joy oлган. 1937-yilda Abdulla Qodiri "temir tuzum" tazyiqi ostida qamoqqa olindi va 1938-yil 4-oktabrda otib o'ldirildi.

1990-yilda Respublika Prezidenti Farmoni bilan Abdulla Qodiri nomidagi Davlat mukofoti ta'sis etildi. 1991-yilda esa A.Qodiri ijodi A.Navoiy nomidagi Davlat mukofotiga sazovor topildi. Respublikamizda 1994-yil yozuvchining 100 yillik yubileyi keng nishonlandi.

2-o'quvchi: O'zbek adabiyotining eng yirik yozuvchilaridan biri Said Ahmad Xusanxo'jayev 1920-yili Toshkent shahrida ziyoli oilasida dunyoga keldi. U o'rta maktabda o'qib yurgan kezlaridayoq adabiy to'garaklarda ishtirok etib adabiyotga ixlos qo'ydi.

S.Ahmad ijodini hikoya janrida boshlab, bir necha matbuot nashrlarida faoliyat olib bordi. U hayoti davomida ko'plab feleton, ocherk va hikoyalar yozdi. Adibning "Sher yurak" (1942), "Farg'ona hikoyalari" (1948), "Muhabbat" (1949) kabi to'plamlari nashr etilgan. Adibning "Ufq" nomli roman-trilogiyasi o'zbek romançiligiga katta hissa bo'lib qo'shildi. O'zbekiston xalq yozuvchisi S.Ahmad mohir dramaturg sifatida ham tanildi.

3-o'quvchi: A.Orlov 1941-yil 21-martda Qashqadaryo viloyati Koson tumani Nekuz qishlog'ida oddiy dehqon oilasida tug'ildi. Serfarzand oila ning kenjası bo'lgan A.Orlov yoshligidanoq o'tkir zehni va qobiliyati bilan ajralib turardi. U 1958-yilda Toshkent davlat universitetining filologiya fakulteti jurnalistikা bo'limiga o'qishga kirdi. Uning dastlabki "Umr duch kelarkan", "Hali oldindadir go'zal kunlarim", "Sendan yiroqda" she'rlari talabalik davrida matbuotda




e'lон qilindi. Uning "Onajon", "Ruhim", "O'zbekiston" she'rlarini barcha sevib o'qiydi. A.Orlov mustaqil O'zbekiston Respublikasining madhiyasini yozgan va O'zbekiston Yozuvchilar uyushmasiga ko'p yillar raislik qilgan tаниqli shoirdir.

Shundan so'ng o'quvchilar diqqati darslikka qaratiladi.

"Istiqlol" guruhi o'quvchilar darslikdagi 1-topshiriq «Zahiriddin Muhammad Bobur» matnini ifodali o'qiydi. O'qituvchi Zahiriddin Bobur suratini doskaga ilib qo'yadi.

"Istiqlol" guruhi o'quvchilar o'qilgan matn asosida savol tayyorlaydi.

So'ngra o'quvchilarga 1-slayd namoyish etiladi. Ikkala guruh o'quvchilar tarmoqlar usosida gap bo'laklari va ularning turlarini izohlashadi.



Guruhanlari bilan quyidagicha savol-javob o'tkaziladi:


1. Gap bo'laklari deb nimaga aytildi?

1-guruh o'quvchisi: Gapda biror so'roqqa javob bo'lgan va o'zaro tobe bog'langan so'z yoki so'z birikmasi gap bo'lagi deyiladi.

2. Gap bo'laklari necha turga bo'linadi va ular qaysilar?

2-guruh o'quvchisi: Gap bo'laklari 2 guruhga bo'linadi: bosh bo'laklar va ikkinchi darajali bo'laklar. Bosh bo'laklar, ya'ni ega va kesim gapning grammatisk asosini tashkil qiladi. Ikkinchi darajali bo'laklar: to'ldiruvchi, aniqlovchi, hol gapda bosh bo'laklarni to'ldirib, aniqlab, izohlab keladi.

2-slayd.



2-slayd bo'yicha ham guruhanlari bilan quyidagicha savol-javob o'tkaziladi:

1. Kesim deb qanday gap bo'lagiga aytildi?

1-guruh o'quvchisi: Gapning markazini tashkil etib, boshqa bo'laklarni o'z atrofiga birlashtirib nima qildi? nima qiladi? nima qilyapti? kimdir? nimadir? qandaydir? nechta? kabi so'roqlarga javob bo'ladigan bo'lak kesim deyiladi.

2. Kesimlar qanday turlarga bo'linadi?

2-guruh o'quvchisi: Kesimlar qaysi so'z turkumi bilan ifodalanishiga qarab ot-kesim va fe'l-kesim turlariga bo'linadi.

Shundan so'ng o'qituvchi ot-kesim va fe'l-kesim deb nimaga aytilishini tushuntiradi. Ot-kesimning ifodalanishi 3-slayd orqali namoyish etiladi.

1. Ot-kesim va uning ifodalanishi. Bosh, jo'natish, o'rin-payt, chiqish kelishigidagi otlar bilan: O'zbekistonning poytaxti – Toshkent. Bu sovg'a ukamga. Uning kaliti onamda. Bularning hammasi sevinchdan.
2. Sifat bilan: Shahar go'zal.
3. Olmosh bilan: Bu narsa o'z-o'zimniki.
4. Otlashgan son bilan: O'nning yarmi besh.
5. Ravish bilan: Dangasaning vaji ko'p.
6. Undov so'z bilan: Buyruqni bajarmaganning holi voy.
7. Modal so'z bilan: Uning ezgu niyati bor.

O'quvchilar slayddagi har bir berilgan misolni o'qib izohlashadi. So'ngra o'quvchilar diqqati darslikdagi "Bilib oling" rukni ostida berilgan grammatik qoidaga qaratiladi va o'qitib izohlanadi.

Yangi mavzuni mustahkamlash:

1. O'quvchilar darslikdagi 1-mashqni sharti bo'yicha bajarishadi (1-guruhga 1–2 gap, 2-guruhga 3–4 gap).

2. 2-mashqda berilgan hikmatlar guruh o'quvchilarini tomonidan o'qitilib, mazmuni izohlanadi.

3. Lug'at bilan ishslash.

Lug'atda berilgan so'zlar o'quvchilarining lug'at dafтарига yozdiriladi va ular ishtirokida gaplar tuzdiriladi. Har bir guruh lug'atdagi 2 tadan so'z ishtirokida gap tuzadi.

4. 2-topshiriq asosida o'quvchilar savollarga javob berishadi.

5. 3-topshiriq sharti asosida bajariladi. 2-guruh matnni ifodali o'qiydi. 1-guruh matn mazmunini so'zlab beradi.

6. "TSMU" usuli asosida dars yakunlanadi. 1-guruh o'quvchilari leksik mavzu yuzasidan, 2-guruh o'quvchilari esa grammatik mavzu yuzasidan o'z fikr va mulohazalarini bildirishadi.

T – o'tilgan mavzu yuzasidan fikringizni tushuntiring.

S – sababini ko'rsating.

M – misollar keltiring.

U – umumlashtiring.

«Istiqlol» guruhi o'quvchilari bu topshiriqni quydagicha bajarishadi.

1-o'quvchi: Men bugungi darsda adabiyotimning buyuk siymolari bo'lmish A.Navoiy, Z.M.Bobur, Mashrab, Nodirabegim, A.Qodiri, S.Ahmad, A.Oripov kabi shoir va yozuvchilarining

hayoti bilan tanishdim. Ular yaratgan ma'nnaviy merosdan boxabar bo'ldim. Ayniqsa, Bobur ijodi menda katta taassurot qoldirdi.

2-o'quvchi: Adabiyotimiz siymolarining asarlarini o'qib dunyoqarashim kengayishiga, so'z boyligim oshishiha erishdim.

3-o'quvchi: Menda A.Navoiy va Mashrab, Nodirabegim g'azallarini, Z.M.Boburning "Boburnoma" asarini, A.Qodiriyning "O'tkan kunlar", S.Ahmadning "Ufq" romanini, A.Oripov she'rlarini o'qish ishtiyoqi uyg'ondi.

«Istiqlol» guruhi o'quvchilarining fikrlari esa quydagicha bo'ldi.

1-o'quvchi: Gap bo'laklari, ularning turlari, kesim va uning turlari, ot-kesimning ifodalanishi haqidagi bilimga ega bo'ldim.

2-o'quvchi: Fikrni ifodalashda, gap tuzishda, gap bo'laklarining o'rni, ayniqsa, kesim gapning markazini tashkil etishini, usiz fikr ifodalab bo'lmashligini tushundim.

3-o'quvchi: O'zbekiston – jannatmakon diyor. Adabiyotimiz siymolari – bizning faxrimiz.

O'qituvchi o'quvchilarining fikrlarini umumlashtirib, darsni quydagicha yakunlaydi: Aziz o'quvchilar! Bugun biz adabiyotimizning yorqin siymolari haqida so'z yurtdik. Jannatmakon yurtimiz nafaqat adib-u shoirlari, balki buyuk allomalari bilan ham jahonga mashhur. Joriy yilning 16-mayida Samarqand shahrida o'tkazilgan "O'rta asrlar Sharq allomalari va mutafakkirlarining tarixiy merosi, uning zamonaliv sivilizatsiya rivojidagi roli va ahamiyati" mavzusidagi xalqaro konferensiya buning yaqqol missolidir.

O'rta asrlarda bu zamindan minglab olim-u shoirlar, buyuk mutafakkirlar yetishib chiqqan. Ularning matematika, fizika, kimyo, astronomiya, etnografiya, tibbiyat, tarix, adabiyot, axloq, falsafa kabi ko'plab sohalarga oid asarlari, Samarqand, Buxoro, Xiva, Toshkent, Shahrisabz, Termiz va boshqa shaharlardagi qadimiy obidalar butun bashariyatning ma'nnaviy mulkidir. Xorazm Ma'mun akademiyasidan yetishib chiqqan Abu Nasr ibn Iroq, Abu Rayhon Beruniy, Abu Ali ibn Sino, Mahmud Xo'jandi, Ahmad ibn Muhammad Xorazmiy va Ahmad ibn Hamid Naysaburiy kabi qomusiy olimlarning umumbashariy tafakkur rivojiga qo'shgan hissasi beqiyos.

Biz ana shunday ajodolarning avlodlari ekanligimizdan faxlanishimiz, ular qoldirgan adabiy va ilmiy merojni asrab-avaylashimiz, shuningdek, ilm-fanga o'z hissamizni qo'shishimiz kerak.

Dars so'ngida guruhdagi o'quvchilar to'plagan belgilari asosida baholanadi va g'olib guruh e'lon qilinadi.

Uyga vazifa: Sharq allomalari haqida kichik matn tuzish, matndagi ot-kesimlarni aniqlash va izohlash.

Dono BEKCHANOVA,

Toshkent shahar Uchtepa tumanidagi 116-umumiy o'rta ta'lif maktabining ona tili va adabiyot fani o'qituvchisi

AZIZ ASRIMIZNING AZIZ ONLARI...

G'afur G'ulom she'riyati. "Vaqt" va "Sog'inish" she'rlari tahlili
(8-sinf, III chorak)

Darsning maqsadi:

a) **ta'limi maqsad:** o'quvchilarni G'afur G'ulom ijodi bilan yaqindan tanishtirish, uning she'rlarini tahlil qilish;

b) **tarbiyaviy maqsad:** o'quvchilarda she'rlarni erkin tahlil qila olish, bahsga kirisha olish ko'nikmalarini shakllantirish;

d) **rivojlantiruvchi maqsad:** o'quvchilarda og'zaki muloqot, tezkorlik va mustaqil fikrashni rivojlantirish.

Darsda foydalilaniladigan usullar: interfaol: muammoli ta'lif, "Xronikal sintez", "Aqliy hujum", "Klaster", "BBB" texnologiyasi, "Blits-so'rov" mashqi.

Darsda foydalilaniladigan jihozlar: darslik, G'. G'u-lomning she'riy to'plami, portret, audio eshittirish, suratlar, kompyuter, multimedia, ekran, slayd, A4 qog'oz.

Darsning borishi:

Dastlab o'quvchilar guruhlarga bo'linadi: "Ezgulik", "Yaxshilik", "Tinchlik".

Dars muammoli ta'lif usulida boshlanadi. Slayd orqali o'quvchilarga savol beriladi va fikrlar eshitiladi. Bu usul o'quvchilarni fikrash, muammoni yechish va o'z fikrlarini himoya qilishga o'rgatadi.

Abdulla Oripov – shoir! Xudoyerberdi To'xtaboyev – adib!
Naim Karimov – adabiyotshunos!
G'afur G'ulom kim?

O'quvchilar quyidagicha javob berishlari mumkin:

"Ezgulik" guruhi: G'afur G'ulom – shoir! U "Sog'inish", "Vaqt", "Sen yetim emassan", "Alisher" kabi ko'plab she'rlar yozgan.


"Yaxshilik" guruhi: G'afur G'ulom – adib! U "Shum bola", "Yodgor", "Netay" kabi qissalari bilan o'zbek qisachiligi rivojiga salmoqli hissa qo'shgan.

"Tinchlik" guruhi: G'afur G'ulom – adabiyotshunos! U Navoiy, Mashrab, Muqimiy, Furqat kabi ko'plab adiblar haqidagi maqolalar yozgan. Xususan, "Folklorni o'rganaylik", "Shoir ayblaydi" (Furqat haqida), "Oybek – yozuvchi va olim" kabi ilmiy-publisistik maqolalari mavjud. Shuningdek, ikki jildlik "Adabiy-tanqidiy maqolalar" (1971, 1973) to'plami adibning adabiyotshunos sifatidagi ilmiy izlanishlari mahsulidir.

Fikrlar eshitilgach, o'tilgan mavzuni mustahkamlash uchun o'quvchilar bilan "Aqliy hujum", "Klaster" usulida dars davom ettiriladi.

O'quvchilar adib hayoti va ijodi yuzasidan bilgan ma'lumotlarini aytishadi. Doskada G'afur G'ulomning hayoti va ijodi davrlarga bo'linib o'qituvchi tomonidan izohlanadi. Bunda "**Xronikal sintez**" usulidan foydalilanadi. Ijodkor haqidagi ma'lumotlar yil ketma-ketligida oldindan tayyorlab qo'yiladi. Qaysi yo'nalishga javob berilsa, o'quvchi ma'lumotlar yozilgan materiallarni

shu yo'nalish qatoriga ilib qo'yadi. Bu metod orqali o'quvchilar xotirasini mustahkamlanadi, qo'shimcha ma'lumotlarga ega bo'ladi, ijodkor hayoti va faoliyatini oson o'zlashtiradi.



Yangi mavzudan oldin "**BBB**" so'rovnomasini o'tkaziladi. O'qituvchi bu so'rovnoma orqali o'quvchilarni ijodkorning aynan qaysi jihatlari qiziqtirishini, qanday yangiliklarni egallashga intilayotganliklarini aniqlab olishi, shu asosda darsni tashkil qilishi mumkin.

Bilaman	Bilmoxchiman	Bilib oldim
"Vaqt", "Sog'inish" kabi she'rlarini bilaman.	"Sen yetim emassan" she'rinining yozilish tarixini bilmoxchiman.	"Vaqt" she'riни jivaniga yozilganini, "Sog'inish" "Kuzatish" she'ringin mantiqiy davomi ekanini bilib oldim.

Yangi mavzu bayoni:

G'afur G'ulomning "Sen yetim emassan" she'ri eshitiladi va o'quvchilarning fikrlari tinglanadi. She'r mohiyati "**Klaster**" usuli orqali o'quvchilar bilan tahlil qilinadi.

So'ng "**Aql charxpalagi**" usuli qo'llaniladi. O'qituvchi quyidagi savollar asosida mavzuni tushuntiradi:

– Dunyoda kasblar ko'p. Lekin insonlar umrining oxirigacha bir kasbni bajarib o'tadi. Bu qanday kasb?

– Har biri jarohatlaydi, ammo so'nggisi halok etadi? Nima deb o'ylaysiz? Gap nima haqida ketmoqda?

*U senga qil bo'lmash aslo,
Undan kutma muruvvat, ta'ma
Sig'in unga, yolvorjin, avra,
Bir amallab vujudga qama.
Qil bo'lmash senga, baribir,
U hamisha hushyor, jangari,
Yorib tashlar jismingni nogoh,
Chiqib ketar sendan tashqari.*

Bu misralar Shavkat Rahmon qalamiga mansub. Aytingchi, shoir bu she'rida nimani ta'riflamoqda?

"Ezgulik" guruhi: Hayot – teatr, insonlar esa undagi aktyorlardir!

"Yaxshilik" guruhi: Soat.


"Tinchlik" guruhi: Vaqt.

O'qituvchi: Yuqoridagi mantiqni bekorga keltirmadik. G'afur G'ulom har bir soniyaning, lahzalarning qadrini oltin tarozilar va olmos toshlardan-da afzal bilib, "Ko'plarning baxtiga o'znikin jamlab, Shu ulug' binoga bir g'isht..." qo'ya oldi, umr daftarini shoh satrlar-la bezadi, adabiyot ixlosmandlarining qalbidan joy oldi.

Qisqacha ma'lumotdan so'ng darslik bilan ishlarnadi, "Vaqt" she'ri ifodali o'qiladi, o'quvchilar bilan birgalikda avval she'r tahsil qilinadi, so'ng vaqt va lahma tushunchasining mohiyati haqida bahs yuritiladi.

Doskaga "Vaqt" she'rida lahzanining mohiyatiga singdirilgan g'oyalar guruhlarning xulosalari asosida "**Klaster**" usulida to'ldiriladi, har bir guruh o'z xulosalarni tahsil qilib berishadi. She'r asosida bahs-munozara tashkil qilinadi.

Guruqlar "Sog'inish" she'rining yozilish tarixi haqidada yiqqan ma'lumotlarini o'zaro o'rtoqlashadi. So'ngra she'rdan parchalar ifodali o'qildi. She'r yuzasidan



slayd orqali savollar beriladi, javoblar og'zaki tarzda tinglanadi.

Eng kichik zarradan Yupitergacha kim murabbiy? (quyosh)

Uzilgan nima abad yo'qolmaydi? (kiprik)

Xoki anjir tugab, nima g'arq pishgan? (govun)

Shoir "iblisning g'arazi" deganda nimani nazarda tutadi? (urush)

"Sog'inish" qahramonining "xazinayi umridagi olmos"i kim edi? (o'g'li)

She'rda qaysi shoir tilga olinadi? (Bedil)

Hasharchi qo'shni qiz kim? (yigitning sevgani)

Shafaqday nimpushti, sarin, beg'ubor, deya shoir nimani ta'riflamoqda? (shaftoli)

Yangi mavzuni mustahkamlash:

"Blits-so'rov" mashqi o'tkaziladi.

"Vaqt" she'ri yuzasidan savollar beriladi:

	Kapalak umriga	Oltindan tarozu, olimosdan tosh	Lahzalarda	Har damni	Har lahzaga	Uch sekundda	Mehnat, muhabbat	Ming yulduzning
<i>She'rda "G'uncha ochulguncha o'tgan fursat" nimaning umriga qiyos etilgan?</i>	+							
<i>Ba'zida bir nafas olgulik muddat nimaning so'nishi uchun yetgulik?</i>							+	
<i>"Bir onning" bahosin o'chamoq uchun nimalar kerak?</i>		+						
<i>Tirklikning ko'rkni nimada deb o'ylaysiz?</i>						+		
<i>Asrlar taqdiri nimalarda hal bo'lmoxda?</i>			+					
<i>Nemis generali necha sekundda qo'l qo'ydi?</i>						+		
<i>Bu hayotda adib nimani g'animat deb biladi?</i>				+				
<i>She'rda nimaga abadiy haykal qo'yildi?</i>					+			

"Blits-so'rov" javoblari slayd orqali ko'rsatiladi, o'quvchilar natijalarini "Tengdoshlar" tizimi asosida tekshiradilar.

"Vaqt" va "Sog'inish" she'rlari yuzasidan tarqatma savollar beriladi.

1. "Vaqt" she'ri nechanchi yilda yozilgan? (1945-yilda)
2. She'r nima munosabati bilan bitilgan? (g'alaba)
3. She'rda nimaning mohiyatiga nazar tashlangan? (lahza, sekundning)

4. G'afur G'ulomning "o'zbek otasi" timsoli aks etgan she'rining nomini ayt. ("Sog'inish")

5. "Sog'inish" she'ri qachon yozilgan? (1942-yilda)
6. Qofiya deb nimaga aytildi? (Qofiya (arabcha so'zdan olingan bo'lib, ergashish, izidan borish ma'nosini bildiradi) deb she'riy misralarning muayyan ornida ohangdosh so'z yoki so'z birikmalarining izchil takrorlanib kelishiga aytildi. Qofiya she'rning mazmuni, janri, shakli va kompozitsiyasida muhim o'rinn egallaydi. Qofiya hosil qiluvchi so'zlarning ohangdoshligi o'zak bilan o'zak yoki qo'shimcha bilan qo'shimcha o'rtasidagi uyg'unlik tufayli yuzaga keladi.)

Baholash va rag'batlantirish: O'quvchilar 5 ballik tizim asosida guruhlardagi va yakka tartibdagisi ishtirokiga ko'ra yiqqan ballari natijalariga qarab baholadili.

Uyga vazifa: G'afur G'ulomning darslikda berilmagan she'rlarini topib yodlab kelish.

Aziza SEYTNIYAZOVA,

Toshkent oliy umumqo'shin qo'mondonlik bilim yurti dotsenti,
O'zbekistonda xizmat ko'rsatgan xalq ta'limi xodimi

ELEKTRON DARSLIK – TA'LIM SAMARADORLIGINI OSHIRUVCHI VOSITA


Bugungi kunda mustaqil taraqqiyot yo'lidan borayotgan mamlakatimizning uzlusiz ta'lim tizimini yangi sifat bos-qichiga ko'tarishda axborot-kommunikatsiya texnologiyalarining ahamiyati katta.

Jumladan, Toshkent oliy umumqo'shin qo'mondonlik bilim yurtidagi o'zbek tili mashg'ulotlariada kursantlariga o'zbekcha harbiy termin (atama)larni o'rgatishda, grammatikadan o'zlarida bor bilimlarini mukammallashtirishda o'rni bilan turli mavzularga oid elektron prezentatsiyalar, audio va video qo'llanmalar, internet, kompyuter va boshqa axborot-kommunikatsiya texnologiyalarini qo'llash o'z natijasini bermoqda. Masalan, o'qituvchi mavzular rejasida ko'rsatilgan "Kirish kursi", "O'zbekiston" va harbiy sohaga taalluqli matnlar, shuningdek, grammatik mavzular bo'yicha kompyuterda tayyorlangan slaydlarni ekranga tushirish uchun videodeoprojektoridan foydalanadi.

Oliy harbiy bilim yurtlari uchun tayyorlangan "O'zbek tili" o'quv qo'llanmasining elektron varianti kompyuterda kiritilgan. Mavzularda berilgan rangli rasmlar izohini so'rash va rasmlar asosida gap tuzdirish, sxema, jadvallar bilan ishlash kursantlarni mustaqil ishlashga o'rgatadi, ularning fikrlash qobiliyatini takomillashtiradi.

Mashg'ulotlarda foydalanish uchun animatsiya tarzida taqdim etiladigan matnlar, mashqlar, topshiriqlar avvaldan kompyuterda dasturlangan bo'lishi kerak. O'qituvchi mashg'ulot maqsadiga ko'ra kursantlarni yangi axborot bilan tanishtiradi, tarjima malakalarini nazorat qiladi va berilgan gaplardan tushirib qoldirilgan so'zlarni topish vazifasini beradi. Masalan, o'qituvchi "O'zbekiston" mavzusi bo'yicha tayyorlagan prezentsiya slaydlari yordamida 1-mashg'ulotda mavzuni yalpi kiritadi. Slaydlarni birma-bir ko'rsatib, kursantlar bilimini aniqlash maqsadida savollar beradi. Kursantlar javobini tinglaydi, talaffuziga e'tibor qaratadi. So'ngra H.Olimjonning "O'zbekiston" she'rini videoproyektor orqali ko'rsatadi va eshitiradi, kursantlarga quyidagi cha topshiriq beradi:

1. She'rni diqqat bilan eshitib, she'r nomini toping.
2. "O'zbekiston" she'rining muallifi kimligini ayting.
3. O'z so'zingiz bilan she'r mazmunini aytib berung.



Vodiylarni yayov kezganda
Bir ajib his bor edi menda...
Chappar urib gullagan bog'in
O'par edim vatan tuprog'in.
Odamlardan tinglab hikoya
O'sar edi shoirda g'oya.
Daryolardan kuylab o'tardim,
Ertaklarga quloq tutardim.
Hammasini tinglardim, ammo
O'xshashini topmasdim aslo.
O'xshashi yo'q bu go'zal bo'ston,
Dostonlarda bitgan guliston –
Uni sevib el tilga olur.

O'qituvchi yuqorida keltirilgan usul yordamida kursatlarni she'r matnining yozilishiga e'tibor berishga hamda eshitib tushunishga o'rgatadi, ularning fikrlash qobiliyatini va monologik nutqini rivojlantiradi.

"Davlat ramzları", "O'zbekiston", "Toshkent" matnlari va sifat, olmosh kabi grammatik materiallar o'rganilayotganda quyidagi slaydlardan o'rni bilan foydalangan o'qituvchi mashg'ulotda yuqori samara va kursantlarning faoliygiga erishadi.



DAVLAT GERBI

Davlat gerbi 1992-yil 2-iyulda qabul qilingan.



DAVLAT BAYROG'I

Davlat bayrog'i
1991-yil 18-noyabrda qabul qilingan.

**O'ZBEKISTON**

1991-yil 31-avgust kuni Respublika Oliy Kengashining navbatdan tashqari 6-sessiyasida o'z mustaqilligini e'lon qildi. O'zbek xalqining muqaddas, tarixiy orzusi ushaldi. O'zbekiston tinch parlament yo'li bilan o'zining haqiqiy davlatchiligiga erishdi.

**TOSHKENT**

Toshkent – O'zbekiston Respublikasining poytaxti. U O'rta Osiyoning eng yirik sanoat-transport markazi hisoblanadi, aholisi 2,5 milliondan ortiq, shaharda 11 ta tuman bor.

Toshkent – qadimiy shahar, zamonaviy binolar bilan bir qatorda madaniy obidalar ham uning ko'rkiga ko'rk qo'shib turibdi. U V–VIII asrlarda Choch, Shosh, Shoshkent, Binkent deb atalgan, XI asrdan boshlab esa Toshkent nomini olgan.

TOSHKENT TARIXI

XVIII asr o'ttalarida Toshkent to'rtta qismga – Shayxontohur, Sebzor (Qaffoli Shoshiy), Ko'kcha (Shayx Zayniddin), Beshyog'och (Zangiota) dahalariga bo'linib, ularning har birini mustaqil hokim boshqargan. Shu davrda shahar uzunligi 14 kilometrik devor bilan o'ralib, uning 12 ta darvozasi bo'lgan. Toshkent darvozalarining nomlari: Samarqand, Beshyog'och, Ko'kcha, Chig'atoj, Sag'bon, Labzak, Taxtapul, Qorasaroy, Kamolon, Qo'ymas, Qo'qon, Qashqar.

Kishilik olmoshlari:
birlik ko'plik
men biz
sen siz
u ular

O'zlik olmoshi:
o'z

Ko'rsatish
olmoshlari:
u, bu, shu, o'sha,
ana shu, mana shu

So'roq olmoshlari:
kim, nima, qanday,
qanaqa, qaysi,
qancha, necha,
nechanchi, qayer

Olmoshning
turlari

Gumon olmoshlari:
allakim, kimdir,
allakimdir, allaqaysi,
qaysidir, allaqaysidir

Belgilash olmoshlari:
har kim, har nima, har qaysi, har
qancha

Bo'lishsizlik olmoshlari:
hech bir, hech narsa, hech
kim, hech nima, hech
qaysi, hech qayer, hech
qancha

**Olmoshlarning turlanishi
Birlik**

Bosh kelishik	men – я sen – ты u – он
Qaratqich kelishigi	meñing – мой señing – твой uning – ero (её)
Tushum kelishigi	meni – меня seni – тебе uni – ero (её)
Jo'nalish kelishigi	menga – мне senga – тебе una – ему (ей)
O'rin-payt kelishigi	menda – у меня senda – у тебя unda – у него (у неё)
Chiqish kelishigi	mendan – (с)от sendan – от undan – от (от неё) меня тебя него

Ko'plik

Bosh kelishik	biz – мы siz – вы ular – они
Qaratqich kelishigi	bizning – наш sizning – ваш ularning - их
Tushum kelishigi	bizni – нас sizni – вас ularni – их
Jo'nalish kelishigi	bizga – нам sizga – вам ularga – им
O'rin-payt kelishigi	bizda – у нас sizda – у вас ularda – у них
Chiqish kelishigi	bizdan – от нас sizdan – от вас ulardan – от них

Kodoskop eng qulay texnik vosita bo'lib, undan foydalanish uchun mavzular yuzasidan slaydlar tayyorlanadi. Masalan, mavzu bo'yicha yangi so'zlar lug'ati yozilgan slayd kodoskop yordamida ekranga tushiriladi. So'zlarni o'qituvchi o'zbek va rus tilida o'qib beradi, kursantlar so'zlarni eshitib, ekranidan kuzatib borishadi. So'ngra o'qituvchi kursantlarga so'zlarni o'qitadi, ularning talaffuzini eshitadi va to'g'rilaydi. O'qituvchi slayd yordamida o'zbek tilidagi so'zlarni rus tiliga yoki rus tilidagi so'zlarni o'zbek tiliga tarjima qildiradi, yangi o'rganilgan so'zlar ishtirokida o'zbek tilida gaplar beradi. Masalan:

1. O'zbekiston – suveren demokratik Respublika.
2. O'zbekiston Respublikasining davlat tili o'zbek tilidir.
3. O'zbekiston o'z davlat ramzlariga ega.

Magnitofon ham o'quv texnika vositalari sirasiga kiradi. O'qituvchi mashg'ulotlarda magnitofon orqali audioyozuvlarni eshittiradi. Bu usul yordamida kursantlar mavzuni eshitib, tushunishga o'rgatiladi va matn mazmunini so'zlatish bilan ularning monologik nutqi muammallashtiriladi.

Xulosa shuki, mavjud zamonaviy axborot-kommunikatsiya texnologiyalaridan unumli foydalangan holda dunyoda bo'layotgan o'zgarishlarga moslasha oladigan, tanqidiy fikrlaydigan, o'z sohasining bilimdoni, komillikka intiluvchan yosh ofitserlar avlodini tayyorlash olyi harbiy ta'lim muassasalari komandirlari, o'qituvchilarini oldida turgan muhim vazifadir.

Foydalanilgan adabiyotlar:

1. "Ta'lif texnologiyalari" jurnali. 2012. 1–3 soni.
2. "XXI asr texnologiyalari" jurnali. 2013.

Mahkamoy TURSUNOVA,
Samarqand davlat universiteti dotsenti

MASHRABNI O'RTAGAN ISHQ

Adabiyot darslarida mumtoz she'riy asar tahlili alohida e'tibor talab etadi. Bu jarayonda nafaqat o'qituvchi, balki talabalar ham mumtoz asar lug'atlari, iboralar va ular ishora qilayotgan rivoyatlarning kelib chiqish tarixi bilan yaqindan tanish bo'lishlari lozim. Chunki mumtoz asarlar so'zlarini turli xil ma'noda qo'llash orqali ma'no yangicha ko'rinishlarda namoyon bo'ladi. Ushbu maqolada oliv o'quv yurtlarida Mashrabning "o'rta" radifli g'azalini tahlil qilish xususida so'z yuritiladi.

Dastlab g'azal ifodali o'qiladi. Shundan so'ng O'zbekiston xalq hofizi Murodjon Ahmedov ijrosidagi "O'rta" qo'shig'i eshittiriladi. Mashg'ulotni bu tarzda boshlashdan maqsad talabalarni g'azal matniga yaqinlashtirish, bajarilishi lozim bo'lgan topshiriqqa ruhan tayyorlashdan iborat.

Shundan so'ng o'qituvchi tomonidan Mashrab lirikasi xususida so'z yuritiladi:

Ma'lumki, Mashrab she'riyati o'zining badiiy yusakligi bilan alohida ajralib turadi. Uning g'azallari samimiyyati bilan olmosday tovlanib, o'z muxlisini sehrlaydi. Mazkur g'azallarda isyonkorlik ruhi ham ko'zga tashlanib turadi. Umuman, Mashrab she'riyatida tafakkur durdonalari, odam va olam haqidagi mushohadalar, hayotiy xulosalar o'ziga xos tarzda talqin etiladi.

Mashrabning «o'rta» radifli g'azali ham inson iztiroblari, his-tuyg'ularini to'la namoyon etadigan g'azallardan biridir. Shu bois bu g'azal asrlar davomida o'z muxlislarini rom etib kelmoqda. Mazkur g'azal bugungi kunga qadar xonandalar tomonidan ijro etilmoqda.

Mashg'ulotning qisqa kirish qismidan so'ng har ikki talabaga bir baytdan g'azal matni tarqatiladi. Ma'lumki, adabiy o'qitish bilan bog'liq mashg'ulotlarda talabalarning og'zaki nutq madaniyatni muhim ahamiyatga ega. Shu bois tajriba sinov-mashg'uloti jarayonida talabalarning og'zaki nutq madaniyatiga, fikrni izchil, ravon ifodalashiga alohida e'tibor beriladi. Maxsus ajratilgan tajriba-sinov guruhidan ikkita iqtidorli talaba tanlab olinadi. Ulardan biriga talabalar qo'llagan so'zlar sonining umumiy miqdorini, ikkinchisiga talabalar noo'rin qo'llagan so'zlar miqdorini aniqlash vazifasi topshiriladi. Mashg'ulotning keyingi bosqichida talabalar g'azalning har bir bayti ustida ishlab, quyidagi topshiriqni bajarishga kirishadilar:

1. G'azal radifini aniqlang va izohlang.
2. G'azaldagi qofiyadosh so'zlarni aniqlang.
3. G'azal aruz vaznining qaysi bahrida yozilgan? Chizmada izohlab bering.
4. Tushunilishi qiyin so'zlar lug'atini tuzing va sharhlang.
5. G'azalda qo'llanilgan badiiy san'at turlarini aniqlang.

6. G'azalning shoh baytini aniqlang va sharhlang.
7. G'azaldagi shoir shaxsiyatiga ishora qiladigan so'z, ibora, baytni aniqlang.
8. Ma'shuqa timsoli qaysi baytlarda tasvirlangan?
9. Sizningcha, g'azalda bir o'zakdan yasalgan so'zlar (ishtiqqoq) bormi?

10. Shoirning taxallusi haqidagi fikringizni izohlang. Tajriba-sinovning birinchi bosqichida talabalar savollarga yozma tarzda javob qaytaradilar. Ikkinci bosqichida esa guruh bilan birgalikda og'zaki tarzda tahlil qilinadi va munozara o'tkaziladi.
1. G'azalning radifi «o'rta» bo'lib, u 9 baytdan iborat.
2. G'azaldagi qofiyadosh so'zlar: *jahon, xonumon, giryon, chunon, fig'on, zabon, nihon, osmon, bayon, ustixon, jovidon...*

3. G'azal aruz vaznining hazaj (hazaji musammani solim) bahrida yozilgan. Chizmada quyidagicha izohlanadi:

A-gar o-shiq-/ li-g'im ayt-sam, / ku-yub jo-nu / ja-hon o'r-tar,/ V - - - / V - - - / V - - - / V - - - / Bu ishq sir-rin / ba-yon et-sam, / ta-qi ul xo- / nu-mon o'r-tar./ V - - - / V - - - / V - - - / V - - - /

4. Tushunilishi qiyin bo'lgan so'zlar izohi:

taqi – tag'in, yana

xonumon – uy-joy

bexonumon – uy-joysiz (fors-tojikcha)

giryon – yig'lovchi, yig'lab turuvchi, yig'ichi

so'ngak – suyak

zabon – til (fors-tojikcha)

jovidon – abadiy, doimiy, mangu

nihon – yashirin (fors-tojikcha)

behish – jannat

ustixon – suyak (fors-tojikcha)

mahshar – qiyomatda qayta tiriladigan joy

5. G'azalda qo'llanilgan badiiy san'at namunalari: *Na qattig' kun ekan, dilbar, visolingdin judo bo'limoq, Mening ohim o'tig'a bul zamin-u osmon o'rta.*

Shoir bu baytda **mubolag'a san'atini** qo'llagan, ya'ni lirik qahramonning oh-u fig'onlari o'tidan yer-u osmon o'rta ni shoir bo'rttirib tasvirlangan. Bu hol esa badiiy qahramonning ichki iztiroblarini yaqqolroq namoyon etishda muhim vosita vazifasini bajargan.

Mashrab yana bir necha o'rinda *jahon o'rta, xonumon o'rta, nihon o'rta, osmon o'rta, ustixon o'rta* kabi birikmalarni ham keltiradi. Shoir «o'rta» so'zini insonga xos xususiyat sifatida qo'llasa-da, ammo ma'noni kuchaytirish maqsadida jonsiz narsalarga (*jahon, xonumon, so'ngak, osmon, ustixon*) inson xususiyatlarini ko'chirib, **tashxis san'atini** qo'llaydi, ya'ni narsalarni shaxslantiradi, odamga aylantiradi. G'azalning 6-baytida esa **tazod san'atini** qo'llaydi: *zamin-u osmon so'zi qarama-qarshi ma'noni ifodalaydi*.

6. G'azal aslida shohbayt bilan boshlangan bo'lib, unda ishq mavzusi ohib berilgan. Keyingi baytlarda esa mazkur mavzu yanada teranroq yoritilgan.

7. G'azalda shoir shaxsiyati, ya'ni «men»i birinchi baytdayoq o'quvchi ko'z oldida namoyon bo'ladi. Chunki g'azaldagi oshiq – shoirning o'zi. U o'z oshiqligini bayon etish bilan g'azalni boshlaydi. Oshiqlikning sabablarini, oqibatlarini boshqalarga ham tushuntiradi. Bu hol ikkinchi baytda juda chiroyli ifodalangan. Shoirning shaxsiyati (*men*) *nechuk toqat qilay* – (*mening*) *g'amim*, (*mening*) *yuragimni*, (*meni*) *bexonomon*, (*men*) *bayon aylay*, (*mening*) *tilim lol*, *ko'zim giryon*, (*mening*) *ohim*, (*menda*) *qolmadi toqat*, (*men*) *bu dard ila xarob bo'ldim*, (*mening*) *unum chiqsa*, (*men*) *oh ursam kabi birliklarda aks etadi*.

8. G'azalda ma'shuqa timsoli quyidagi birikmalar orqali namoyon bo'ladi: (*sening*) *firoqingda*, (*sening*) *shavqingdin*, (*sen*) *ey jono*, *sening vasfing bayon aylay*, (*sen*) *dilbar*, (*sening visolingdin* *judo bo'lmoq*), (*sen*) *kelib holimni so'rmassan*. G'azalda ma'shuqa timsoli shoirning ishqiy iztiroblarini yorqin ifodalaydi.

9. Ma'lumki, **ishtiqoq san'ati** «so'zdan so'zni ajratmoq» degan ma'noni anglatadi. She'r baytlarida o'zakdosh so'zlarni qo'llash Mashrabning «o'ttar» radifli g'azalida ham uchraydi. Masalan, *oshiq – ishq, g'am – alam, dard – firoq – judo*.

10. Shoir taxallusi uning xarakter xususiyati, taqdiri, mayli, ruhiy holati, kayfiyati hisobga olingan holda tanganlangan.

Mashrab – arabcha so'z bo'lib, *tabiat, xarakter, odat, xulq, ravish, bahra, nasiba, g'oya, maslak, sharob ichish joyi* kabi ma'nolarni anglatadi. Ayrim o'rnlarda shoirning tasavvufiy g'azallari mazmunidan kelib chiqib «*ilohiy sharobga yetishmoq*» kabi ma'noga ham nisbat berilgan. Bundan tashqari u Rindiy, Uman, Mahdiy, Zinda kabi taxalluslar bilan ham she'rlar yozgan. Shoir «Mashrab» taxallusini qo'llaganligini quyidagicha izohlaydi: «*Har kishi manga rafiq bo'lsa, man anga rafoqat qilurman. Har qozonga tushsam qaynaydurman, aning uchun otim Mashrab qo'ydum*» («Qissayi Mashrab», 32-bet).

G'azal matnidagi asosiy izohtalab so'zlar, adabiy-ilmiy ishtibohlar aniqlangach, g'azalning nasriy bayonini izohlashga kirishiladi.

Mashrab g'azalining shohbaytida o'z oshiqligining sabablarini ifodalashni maqsad qilgan. Uning ishq dardi nihoyatda iztirobli, azobli, uni tinglaganning jon-u jahoni o'tanib ketadi. Chunki uning ishqqi shu qadar sir-asrorga to'laki, bu ishq uning xonumonini, borlig'ini, vujudini o'rtaydi. Shoir ishqni olovga, otashga qiyoslaydi. Agar otash ishqning kichik bir zarrasi kishi qalbiga yetsa, u o'zini qo'yarga joy topolmay, har tomonga uradi, ya'ni giryon bo'ladi. Besabr-u betoqat bo'lib, yurak-bag'ri azobdan o'tanadi. Bu og'ir dardga qanday toqat qilishga bardoshi yetmayotganligini do'stlariga bayon qiladi. Shoir keyingi misrada g'amni alohida, alamni alohida ta'riflar ekan, fig'on chekmoq, faryod chekmoq kuchli azob ekanligini alohida ta'kidlaydi. G'azalning keyingi bayti yanada iztirobli bo'lib, o'zining yolg'izligini, uy-

joysiz qalandar ekanligini, bu ham yetmaganday, ayrliq azobi uni qiyayotganligini bayon etadi. Oshiq ma'shuqasining ismini aytса, shu so'zning otashi uning tilini o'rtaydi.

Keyingi baytda shoir o'z ma'shuqasidan iltijo qilib, qaysi til bilan uning visoli vasfini (ta'rifini) bayon qilishni so'raydi. Chunki oshiqning bayon qiluvchi tili lol, ko'zi namli, vujudida sirli azob yashirin. Lirik qahramon uchun ma'shuqasidan ayrılgan kun og'ir kun sanaladi. U fig'on qilsa, oh ursa, uning tutunidan yer-u osmon larzaga keladi. Oshiqning dardi, g'ami shu darajada qatma-qatki, natijada sabr-toqati qolmaydi. Shu o'rinda lirik qahramon o'z ma'shuqasidan gina qiladi, bu ishq dardi uni xarob qilayotganini, uning ahvoldidan xabar olmaganligi tufayli o'tanayotganligini iltijoli tarzda bayon etadi.

G'azalning so'nggi baytida oshiq Ollohga murojaat qilib, uning qalbidagi dardni hech kimning boshiga solmasligini iltijo qiladi.

G'azalning nasriy bayonini yaratish jarayonida taba lirik qahramon ruhiy manzaralarining eng yuk-sak cho'qqisi ifodalanganligini anglaydi. U tasavvuf g'oyalarini targ'ib qiluvchi yetuk mutafakkir, mutasavvuf shoir bo'lish bilan birga oddiy insoniy kechinmalar kuychisi sifatida ham ko'z oldimizda namoyon bo'ladi. Shoir mahorat bilan qalb sirlarini oshkor etadi va o'quvchining yaqin suhabatdoshiga aylanadi. Bir so'z bilan aytganda, Mashrabning «o'ttar» radifli g'azalining badiiy tahlili talabalarga shoir shaxsi, dunyoqarashi, falsafasi, she'riyatining mohiyatini qisman bo'lsa-da, ohib berishga asos bo'ladi.

Baytma-bayt qilingan g'azal tahlilidan so'ng talabalar umumiylar xulosalarini quyidagicha ifodalash mumkin:

1. Boborahim Mashrabning «o'ttar» radifli g'azal tasavvufiy yo'nalishda bo'lib, unda Ollohga bo'lgan ishq kuylangan.

2. Oshiq ishqni nainki jon, balki jahonni o'rtaydigan darajada kuchli.

3. Agar Olloh ishqidan loaqal bir zarrasigina inson ko'ngliga tushsa, shu zarraning o'ziyoq Ollohga yetishmoq yo'lida uni besabr, betoqat qilib qo'yadi.

4. Lirik qahramon, ya'ni shoirning o'tanayotganligi sababi uning yuragiga jo bo'lgan nihon – yashirin kuchqudrat. Bu kuch-qudrat esa Olloh ishqidir.

G'azal tahlili jarayonida g'azalning biror baytida ham tasavvufiy so'zlar uchramaganligi sababli talabalar g'azalda oshiqning ma'shuqaga aytilgan dunyoviy muhabbatni madh etilyapti, degan mulohazalarni ham bildiradi. Muhimi, g'azal matni asosida olib boriladigan mashg'ulotda qizg'in muhokama va munozaralardan so'ng talabalar Mashrabning iste'dodli shoir ekanligini his qiladilar, «o'ttar» radifli g'azali misolida shoir ma'naviyatidan, maqsadidan, mahoratidan xabardor bo'ladi.

Ana shunday o'limas, umrivoqiy asarlarni tahlil qilish bugungi yoshlarning komil inson bo'lib voyaga yetishishlarida muhim manba bo'lib xizmat qilishiga aminmiz.

КЕЛИНГ, ИНГЛИЗ ТИЛИНИ ЎРГАНАМИЗ!

Lesson 27 Let's talk about the cinema! (Келинг, кино ҳақида гаплашамиз!)

Эслатма: Ҳурматли журналхонлар! Журналнинг аввалги сонларида инглиз тилини ўрганиш юзасидан эътиборингизга ҳавола этилган дарслар давомида мухим грамматик маълумотлар ҳақида сўз юритилган эди. Куйида келтирилаётган материалларни тушуниш хамда янги грамматик маълумотларни изчил ўрганиб бориш учун уларни яна бир марта тақрорлаб олишингизни, шунингдек, айрим нотаниш сўзларнинг маъносини билиб олиш учун ёнингизда бирор луғат бўлишини тавсия этамиз.

1a Match the British prices (1-5) with how you say them (a-e).

Example: 1)b

- | | |
|----------|----------------------------|
| 1) £2.50 | a) one pound ninety-nine |
| 2) 75p | b) two pounds fifty |
| 3) £1.99 | c) four pounds twenty-five |
| 4) £4.25 | d) ten 'p' |
| 5) 10p | e) seventy-five 'p' |

1b Work in pairs. Read, listen and repeat the prices in 1a.

Ёдда туминг: «£» белгиси Буюк Британия фунт стерлингини англатади (1 фунт стерлинг = 100 пенс) ва [paʊd] деб ўқиласди. «р» белгиси эса «рентс» сўзининг кискартмаси бўлиб, [ri:] деб ўқиласди.

2a Read the phrases and match them with their Uzbek translations.

Example: 1b

- | | |
|--|--|
| 1) cartoon [ka:tʊ:n] | |
| 2) horror film [hɔrə 'film] | |
| 3) action film ['ækʃn 'film] | |
| 4) comedy film [kɒmədɪ 'film] | |
| 5) science fiction film [saɪəns fɪkʃn 'film] | |
| 6) western ['westen] | |
| 7) feature film [fi:tʃə 'film] | |
| a) ковбойча фильм | |
| b) мультфильм | |
| c) жангари фильм | |
| d) комедияли фильм | |
| e) илмий-фантастик фильм | |
| f) бадиий фильм | |
| g) кўркинчли фильм | |

2b Work in pairs. Read, listen and repeat the phrases in 2a.

3a Read the grammar rules with your partner.

Грамматик маълумотлар

Феъллар: like (ёқтиримок), love (жуда яхши кўрмок, севмок) ва hate (жуда ёмон кўрмок, нафратланмок)

Like [laɪk], don't like [dəʊnt laɪk], love [lʌv] ва hate [heɪt] феълларидан кейин от (noun) сўз туркуми ишлатилади.

Бу феъллардан кейин феъл (verb) ишлатиладиган бўлса, у куйидаги жадвалда келтирилганидек, “-ing” кўшимчаси билан ишлатилади.

Subject/verb	+ noun
I love	discos.
I don't like	science fiction films.
I hate	horror films.
Do you like	cartoons?

Subject/verb	+ -ing
I love	dancing.
I don't like	watching science fiction films.
I hate	watching horror films.
Do you like	going to the cinema?

Куйидагича тузилишга эга феълларга “-ing” кўшимчаси кўшилганда ёзувда ўзгаришлар кузатилмайди:

1) кўпчилик феъллар, жумладан, “у” ва “w” харфлари билан тугаган феълларга, м-н: go – going, play – playing, draw – drawing;

2) икки унли + бир ундошдан иборат бир бўғинли феълларга, м-н: wait – waiting; rain – raining;

3) бир унли + икки ундошдан иборат бир бўғинли феълларга, м-н: help – helping; climb – climbing;

Аммо куйидаги ҳолларда ёзувда ўзгаришлар кузатилиши мумкин:

1) ўқилмайдиган “е” харфи билан тугаган феълларга “-ing” кўшимчаси кўшилганда “е” харфи тушиб қолади, м-н: **danc**e**** – dancing;

2) бир унли + бир ундошдан иборат бир бўғинли феълларнинг охирги ундоши “-ing” кўшимчаси кўшилганда иккиланади, м-н: **run** – running; **plan** – planning;

3) кўп бўғинли феълларнинг охирги бўғини ургуланган бўлса ва шу бўғин **бир унли + бир ундошдан** иборат бўлса, “-ing” кўшимчаси кўшилганда сўз охиридаги ундош иккиланади, м-н: **admit** – admitting, **refer** – referring.

3b Work in pairs. Listen and repeat the examples in 3a.

4 Work in pairs. Ask and answer the question: What films do you like?

5 Read the dialogue and translate.

John: I love going to the cinema. I go every week.

Sue: Me, too. I like feature films but I hate horror films.

John: Here we are. What do you want to see?

Sue: Er, well, not the new ‘Star Wars’. I don’t like science fiction films.

John: Hey, the new Schwarzenegger film is on.

Sue: No, I hate action films. Do you like Julia Roberts?

John: Yes, she’s really good.

Sue: OK. How much is it?

John: Four pounds fifty.

Sue: Right. And then we can go to a disco - you know I love discos!

6 Do you like these things? Write six sentences. Use *love*, *like*, *don't like* or *hate*.

Coke, dancing, football, mathematics, reading, science fiction films

7a Write five questions about the cinema.**Examples**

Do you like westerns?

Do you like Dilnoza Kubayeva?

7b Now work in pairs. Ask and answer your questions.**Example**

A: Do you like westerns?

B: No, I don't like westerns. And you?

A: I love westerns.

8a Read the grammar rules with your partner.

Грамматик маълумотлар
Йўналиши предлоги — to

Аввалги дарсларда «from», «at», «in», «on», «near» ўрин предлоглари, «on», «in», «at» пайт предлоглари ҳакида ўргангандан эдингиз. Мазкур дарсда эса «to» йўналиш предлоги ҳакида маълумотга эга бўласиз.

«to» йўналиш предлоги бирор нарсанинг бошқа бир нарса томонга йўналганлигини айтишда ишлатилади ва ўзбек тилида «-га» деб таржима қилинади.

I go **to school** on the bus. (Мен **мактабга** автобусда бораман.)

I go **to the coffee bar** for lunch. (Мен тушликка **кавахонага** бораман.)

Эслатма: «go home», «go dancing», «go fishing», «go swimming» каби ибораларда «to» йўналиш предлоги ишлатилмайди.

8b Translate the sentences.

- 1) Do you want to go to the cinema?
- 2) I go to bed at 10.30.
- 3) We go to the sports centre for tennis classes.
- 4) My brother goes to university.
- 5) He goes home for lunch.
- 6) She goes dancing every Friday.
- 7) I go fishing every week.

Кўшимча грамматик машқлар**1 Complete the sentences with the verbs in the Present Simple.**

- 1) My mother _____ (work) in a bank.
- 2) I _____ (listen) to the radio every morning.
- 3) What _____ (you/have) for breakfast?
- 4) He _____ (not play) the piano.
- 5) _____ (they/get up) early on Sundays?
- 6) She _____ (love) dancing but she _____ (not like) pop music.
- 7) We _____ (not go) to school on the bus.
- 8) Where _____ (he/play) tennis?
- 9) She _____ (have) lunch at home every day.
- 10) _____ (he/read) the Sunday newspapers?

2 Put the words in the correct order to make questions.

- 1) you/do/like football?

- 2) he/does/play?/what
- 3) live?/they/do/where
- 4) she/go/does/to university?
- 5) finish/does/early?/it
- 6) do/they/go out?/when

3 Match the verbs and the activities.

- | | |
|---------------|-----------------|
| 1) do | a) breakfast |
| 2) have | b) a magazine |
| 3) go | c) the shopping |
| 4) meet | d) the Internet |
| 5) play | e) a friend |
| 6) read | f) swimming |
| 7) surf | g) television |
| 8) watch | h) the piano |
| 9) take | i) photos |
| 10) collect | j) music |
| 11) listen to | k) stamps |

4a Write these prices in words.

£3.50 / £6.99 / 50p / £12.75 / 20p / £1.75 / £15.99 / 68p / £50.27

4b Circle the correct form.

- 1) 25p
twenty-five pence / twenty-five pounds
- 2) £1.50
one pound fifty pence / one pound fifty
- 3) £17.35
seventeen pounds thirty-five / seventy pounds thirty-five
- 3) £48.50
forty-eight pounds fifteen / forty-eight pounds fifty
- 4) £99.99
ninety-nine pounds / ninety-nine pounds ninety-nine

5a Listen and repeat the words.

[æ] bank, piano, sandwich, stamps, taxi
[ɑ:] can't, half, park, past, tomato

5b Now listen and repeat the sentences.

- 1) It's half past ten.
- 2) A cheese and tomato sandwich, please.
- 3) He can't play the piano.

6 Write sentences with *like/likes + noun*.

- 1) I/football
I like football.
- 2) You/tennis
- 3) My friend/school
- 4) She/milk
- 5) My brother and I/sandwich
- 6) My parents/music

7 Complete the sentences with *don't/doesn't like*.

- 1) I *don't like* dogs.
- 2) My sister _____ science fiction films.
- 3) My friends and I _____ history lessons.
- 5) You _____ coffee.
- 6) They _____ classical music.
- 7) He _____ American films.

8 Write Yes/No and Wh-questions.

- 1) you/school?
Do you like school?

- 2) What/lessons/you?
What lessons do you like?
 3) your friend/sport?
 4) your parents/the cinema?
 5) What films/you?
 6) your friends/computer games?

9 Complete the text with the correct form of *like* or short answers.

Malik: Do you *like* music?

Lola: Oh, yes, I _____.

Malik: What music _____ you _____?

Lola: Well, I listen to Uzbek music and I also ____ pop music.

Malik: And rock?

Lola: Oh, no! I _____ rock. It's terrible! But my brother _____ it. He listens to rock music every day.

Malik: _____ your parents _____ rock?

Lola: No, they_____. They _____ classical music.

10 Write the -ING forms.

go – going	make –
dance –	get –
run –	read –
play –	swim –
write –	take –
collect –	draw –

11 Complete the sentences with the correct form of *LIKE* and the -ING form of the following verbs:

play, have, write, collect, watch, dance

- 1) I *like* playing sport.
 2) My friends and I _____ at the disco.
 3) He _____ letters to his penfriend.
 4) My brother _____ stamps.
 5) My parents _____ lunch in a restaurant at weekends.
 6) You _____ action films.

12 Write sentences with *like/don't like + ing*.

1) I/like/swim (✓) /I/like/play tennis (✗)

I like swimming but I don't like playing tennis.

2) We/like/listen to music (✓) /we/like/watch TV(✗)

3) He/like/use his computer (✓) /he/like/surf the Internet (✗)

4) They/like/watch videos (✓) /they/like/go to the cinema (✗)

5) My sister/like/swim (✓) /she/like/dive (✗)

6) You/like/draw (✓) /you/like/paint (✗)

13 Write questions and true short answers.

- 1) you/like/study?
Do you like studying?
Yes, I do. / No, I don't.
 2) your friend/like/go to museums
 3) your parents/like/watch videos
 4) you/like/buy clothes
 5) you and your friends/like/do athletics
 6) you/like/draw

14 Complete the sentences with *to* or no preposition.

- 1) I want to go *to* the museum.
 2) We don't go _____ bed early.
 3) My dad goes _____ fishing every week.
 4) I go _____ swimming once a week.

- 5) My friends go _____ the city centre on Saturdays.
 6) We go _____ school at 8.30 a.m.
 7) I go _____ home at 4.30.
 8) They go _____ the cinema every week.
 10) She goes _____ dancing after school.

15 Underline the adjectives in these sentences.

- 1) I like historic cities and interesting museums.
 2) There is a new cinema and a fantastic sports centre.
 3) Do you like English or American music?
 4) Have you got any T-shirts? Small or large?
 5) I think rock music is horrible and classic music is great.

16 Correct the spelling mistakes.

- | | |
|----------------|-------------|
| 1) foto | 6) kithen |
| 2) sandwichtch | 7) booksop |
| 3) architect | 8) lunsh |
| 4) chower | 9) alfabet |
| 5) graf | 10) T-shirt |

17 Complete the Present Simple questions.

- 1) How often _____ (you/go) to the cinema?
 2) _____ (they/get up) early at weekends?
 3) What _____ (Bahrom/study) at university?
 4) When _____ (we/have) lunch?
 5) _____ (she/use) a computer at school?

18 Complete the sentences with the correct form of the verbs in brackets.

- 1) _____ she _____ classical music? (like)
 2) I _____ basketball. (not like)
 3) We love _____. (dance)
 4) Do you like _____ to the theatre? (go)
 5) The children hate _____ early. (get up)

19 Rewrite the expressions.

- 1) one day in a week = *once*
 2) two times in a month =
 3) all the days in a week =
 4) all the months in a year =

20 Circle the correct word in Dialogues 1 and 2.

Dialogue 1

Farida: Hi! My name's Farida. I'm *a/the* student at the university.

Farrukh: Oh, I *goes/go* to the university, too. My name's Farrukh.

Farida: *What/Where* do you study?

Farrukh: Maths. And you?

Farida: English literature. My brother *study/studies* maths.

Farrukh: Oh, what's *her/his* name?

Farida: Richard Evans.

Dialogue 2

Farrukh: I want to buy *any/some* books. *Are/Is* there any good bookshops *near/to* the university?

Farida: Yes. "Kitoblar" bookshop is very good. It *has/have* got hundreds of new books and *their/they're* all cheap.

Farrukh: Great! Is *it/she* open now?

Farida: Yes. It's open *once/every* day from 9.00 to 6.00. What books do you want to buy?

Farrukh: Books about the cinema. I love *watch/watching* films. Do you *like/liking* the cinema?

Farida: Oh, yes. *It's/Its* great!



Storytelling

This series of articles from the British Council aims to help you think about *your* teaching and bring new ideas and activities into your classroom. The series covers topics including homework, working with large classes and finding resources. Today we look at **storytelling**.

Read these comments from teachers.

Do you agree?

I don't feel confident telling stories to young children.

Juan, Venezuela

I'm not sure how to use stories with older learners. Do they want to listen to stories?

Jagan, India

How can we use storytelling effectively in class?

Young children usually love listening to stories.

- Introduce a story with **props**. Use the cover of a storybook, puppets (use an old sock or a face on a stick) or simple drawings on the board.
- A picture book can be in any language – just use the pictures. Remember to hold up a book for all to see.
- Get the children's attention by saying and **miming** "Eyes on me. Ears open. Mouths closed!"
- By telling a story with feeling you can really bring it alive for the students so that they feel they are in the story. Use different voices and actions. Practice your story before presenting it.
- Encourage children to join in with actions and repeated phrases. Translate or explain new words if necessary.
- Draw the main characters on the board, each time the children hear the name they have to point to the character.
- Mime closing a book (or close a real one) for silence.
- What did the students like about the story? Do they have any similar stories to tell?
- Retell a story in a future lesson and encourage the children to join in a little bit more each time you read it. Read stories with repeated phrases like "The Three Little Pigs" and "The Very Hungry Caterpillar".

Older learners need a reason to listen to a story.

- Tell students three stories about your life, two true and one false. They listen and decide which story is false.
- We can give two different endings and the students discuss which is correct.
- Students can listen to a story then try to retell it in groups, each person takes turns to say one sentence.
- Give students questions to answer before they hear a story (for example, "Why is a boy sitting outside the principal's office?" "Who's wearing a pink bow tie?..."). They invent a story through their answers (for example, "A boy is waiting to be punished by the principal. The maths teacher is wearing a bow tie"). Students want to hear the "real" story after inventing their version.
- Reading stories or novel extracts can be part of a **project**. It could include finding information about the author, writing a book review, talking about favourite types of books, making a quiz about the characters in a story, and writing a short story.

Storytelling doesn't need lots of resources but it can provide lots of language practice for all age groups.

What do you think?

Sharka from Czech Republic writes:

Practise telling stories for young children in front of a mirror. You need to find the right pace and know which words to emphasize (and maybe which to translate or explain!) to bring the story alive.

Telling stories and anecdotes forms an important part of our everyday communication; what we did at the weekend, the latest news, talking about films.... Everyone loves a good story – children, teenagers and adults.

A classroom activity – story grid

This is a low preparation activity to use with teens and adults. Students create a short story in small groups. They don't write it.

- Draw a 4x4 grid on the board and then put one word in each box, for example:

jungle	plane	Amazon	crash
Tony	survive	insects	snakes
Jayne	lost	knife	run
criminal	Ben	biologist	rescue

- Include people and place names, verbs, nouns, adjectives etc. Add some words to make story more exciting such as 'crime', 'love', 'hate', 'murder', 'robbery', 'brokenhearted', 'treasure'.
- In small groups students create a story. They can use any language they want to but they have to include all the words in the story grid.
- Give help to the groups as they create their stories.
- They can retell their story to you, the rest of the class or to other groups.
- Have a class vote on the best story.

Tip: Note errors to write on the board for class correction later.

Glossary

Miming is demonstrating something using actions, not words.

Props are things you can use in your classroom to help you tell a story or set the scene for an activity.

A project is a series of activities where students work together on a specific topic. For example, a group of teenagers produce a poster and give a talk about using social networks such as Facebook.

Think about

- Which stories do parents tell to their children? Could you borrow picture books (it doesn't matter what language the words are in) to use for storytelling in class?

- Ask other teachers which stories their students have enjoyed. Do they have a copy you could borrow?

Иброҳим ҲАҚҚУЛ,
филология фанлари доктори,
Ўзбекистон Республикаси Фанлар академияси Тил ва
адабиёт институти бўлим мудири


ТАФАККУР ВА МАЪНО ЮЛДУЗИ

Мирзо Абдулқодир Бедил таваллудининг 370 йиллигига

Башариятнинг энг қадим маданият, илм-фан ва санъат бешикларидан бўлган Ҳиндистон турли дин, хилманил мазҳабга мансуб кишилар яшаган ва яшаётган бир заминдири. Ислом динининг кенг тарқалиши ва мусулмонлар сонининг ортиб бориши билан бу муҳташам ўлкада форсий ҳамда туркий тилдаги адабиёт ҳам тараққий этиб борган. Шу адабиётларнинг дунёга машхур бир неча вакилларининг ота-боболари эса турли сабаблар туфайли Ҳиндистонга Ўрта Осиёдан бориб қолишган. Лекин улар сўнгги нафасигача ота юртларини қўмсаб, ватан соғинчида ўртаниб, ёниб ижод қилганлар. Жаҳонга “Абулмаъни” – “Маъно отаси” деб танилган Мирзо Абдулқодир Бедил ана шундай ижодкорлардан бири. Кейинги илмий маълумотларга кўра унинг аждодлари аслан Самарқанддан, барлос уруғидан бўлишган. Улар шайбонийлар билан сафавийлар ўтасидаги курашлар пайтида она диёрни тарк этишган.

Абдулқодир Бедил 1644 йилда Бенгал вилоятининг Азимобод шаҳрида туғилган. Гўдаклик чоғларида отасидан ажralиб, онасининг кўлида қолган. Бедилнинг ҳаёти – катта-катта йўқотиш, оғир ҳасрат ва жонга ўт ёқувчи изтироб таъсирида илгарилаган бир ҳаёт эди. Онасининг ўлимидан кейин уни амакиси Мирзо Қаландар тарбиясига олади. Бедилнинг хотирлашича, Мирзо Қаландар шижаотли, мустаҳкам иродали, ахлоқи тоза одам бўлган. Ҳарбий хизматчилигига қарамай, у яхшигина шоир ва чинакам донишманд, дўст киши эди¹.

Амакисининг маслаҳати билан Бедил мадрасани тарк этиб, мустаҳкам ўқиш, изланиш, энг муҳими, ҳаёт сабоқларини чукур ўзлаштиришга киришади. Илмнинг бир неча соҳаларини ниҳоятда қунт билан ўрганиб, яхши натижаларга эришгач, тоғаси Мирзо Зариф уни ўз замонасининг машхур руҳшунос олими Шоҳқосим Ҳуваллоҳий билан таништиради. Ҳуваллоҳийнинг таҳсили ва ундан сўнг тариқат арбоби Шоҳ Қобулий деган дарвешнинг сухбатлари ўспирин шоирнинг дунёқараши ва кўнгил ҳаётига



алоҳида таъсир ўтказади. Бу йиллар Абдулқодирнинг руҳ ва тафаккур оламидаги юксалишнинг бошланиши эди. У давр ва замондан, ижтимоий муҳит ва омма турмушидан, зоҳирий ва ботиний воқеа-ҳодисалардан маъно ахтарарди. Бедил Саноий, Аттор, Румий, Жомий сингари буюк мутасаввифлар ижодиётини жуда қисқа муддатда ўқиб ўзлаштирган эди. Шеър ёзишга қизғин киришиб кетаркан, Бедил бадиий ижодда мустаҳкам йўлни ҳам танлаганди. Бу йўл – адабиётни моддий куч-куватни тамсил этувчиларга тобелиқдан, хушомад, мадҳиябозлик, умумий урфга айланган тақроргўйлик оғатларидан қутқазишга қатъий аҳд илиа одим ташланадиган йўл

эди. Беназир бедилшунос адиб Садриддин Айнийнинг: “Мирзо Бедил бой қалб соҳиби, олижаноб бир зот бўлиб, ағниё ва умаро эшигига ҳеч яқинлашмас, билъакс улар Мирзонинг ҳузурига келурлар ва уни таъзиму тақдир этарлар”, – деган сўзлари ҳам мазкур ҳақиқатни англатишига хизмат қиласи. Накл қилинишича, бой-бадавлат амалдорлардан бириси мактуб ёзиб, шоирни уйига даъват этганида, Бедил унга шундай байт билан жавоб қайтарган экан:

Дунё агар дуҳанд, нахезам зи жои хеш,
Ман бастаам ҳинои қаноат ба пои хеш.

Мазмуни: Менга агар дунё қадар молу мулк берсалар ҳам ўрнимдан қимирламайман, чунки мен оёғимга қаноат хиносини боғлаганман.

Сабр-қаноат бир шоир шахсиятининг куч-куватга тўлишига қанча имкон ва имтиёз бериши мумкин бўлса, Бедил шундан тўла-тўқис фойдалана билган. Шунинг учун унинг Шахси фавқулодда тоза, ҳеч туганмас илҳом ва ижод манбаига айланганки, бунақаси адабиётда ниҳоятда кам кузатилган.

Абдулқодир анча эрта – тахминан ўн ёшларида кичик ҳажмдаги шеърлар ёза бошлаган. Бедил дея ўзига тахаллус танлаган шоир шеър ёзиш тажрибаси ортиши билан катта-катта асарлар устида меҳнат қиласи. Унинг маснавий шаклида ёзилган ilk асари “Тилсими ҳайрат” деб номланган. Маснавий яратил-

ган пайтларда Бедил ҳақиқатда оламни дарвешлик ҳоли билан идрок айлаб, мажзублик ҳайратлари ичидаги яшаган. Ўттиз ёшида яралган “Мұхити аъзам” (Улуғ денгиз) номлы навбатдаги китоб эса Бедилнинг тасаввуф денгизида янада теранрок шўнғишини акс эттиради. 1681 йил Бедил нисбатан узоқ муддатли сафарга чиқади. “Тури маърифат”га шу сайри саёҳат таассуротлари асос бўлади. Муаллиф дунёқарашининг ҳаётга яқинлашуви ҳам худди шу асарда ёрқин кўринган.²

Шоир 1685 йил Дехлига бориб муқим ўрнашгач, мемуар ҳарактердаги энг улкан асари – “Ирфон” ва “Чаҳор унсур” (Тўрт унсур)ни яратади. Булардан ташқари сергайрат шоир “Фазалиёт”, “Рубоийёт”, “Руқаот” (Мактублар) каби чинакам ижод намуналарини мерос қолдирган. Бедил бир ўринда:

Мард бояд ки фаҳми кор кунад,

Нашъаи ҳуш ихтиёр кунад, –

яъни мард меҳнатнинг маъносини билмоғи ва ақл кўрсатган йўлни танламоғи керак дейдик, унинг бадиий ижод жабҳасидаги меҳнати бунга ёрқин мисолдир.

Бедил асарларининг тили анча оғир, ифодалари мураккаб, маъно қатламларини очиш эса қийин. Файласуф шоирнинг ўзи ҳам буни билган. Шу боис бир шеърида менинг баланд маъноларим ўткир фаҳмни талаб қилади. Чунки менинг фикр сайrim осон кечмаган. Мен баланд бир тоғман, деган:

Маънини баланди ман фаҳми тунд меҳоҳад,

Сайри фикрам осон не, қўҳаму кўтап дорам.

Бедил қайси адабий жанрда қалам тебратмасин, унда, албатта, ўзининг мутафаккирлик, файласуфлик ва санъаткорлик салоҳиятини намойиш этишга эришган. У ҳатто ишқ ва ошиқлик ҳоли устунлик қилган ғазал жанрида ҳам муҳаббат, маърифат ва фалсафани моҳирлик билан бирлаштиради. Шоир кўпинча орифлик нуқтаи назари ва орифнинг сўзлари билан шеърхон қалбини эгаллашга уринади.

Маънилар офтоби бўл, нур сочибон сақла

сукут,

Сўз нурининг бақоси йўқ, мисли чарог

ўтиб кетар.

(М.Абдулҳаким таржимаси)

Бедил ғазални туйғу ва тушунча денгизига қиёслайди. Ва фикр кемаси билан шу денгизда яхши суза билган киши назм гавҳарини, албатта, кўлга киритишига ишонади:

Бедил, гуҳари назм касерост, ки имрўз,

Дар баҳри ғазал заврақи андеша давонад.

Ғазал нима? Ошиқнинг оҳу зори, дарду изтироби. Ғазал мутафаккирнинг ҳикмати, файласуф мушоҳадаси ва орифнинг ҳасби ҳоли. Руҳ ва руҳоний гўзаллик намойишида ғазалдан бежирим ва шаффофороқ кўзгу топиш душвор. Айни шу жиҳатлардан ҳам Мирзо Бедил ғазалиёти алоҳида эътиборга моликдир.

Бадиий ижод оламида рубоий ёзиш – учқунда қуёшни, қатрада денгизни акслантириш деган фикр

ўз-ўзидан пайдо бўлмаган. Ҳақиқий рубоийнависнинг нафаси, нигоҳи ва тафаккур тарзи бошқа шоирларнидан фарқланганидек, унинг сўз қўллаш, маъно кашф этиш маҳоратини айнан тақоролаш ҳам қийин.

Форсий тилда факат Умар Хайём эмас, Фаридиддин Аттор, Мавлоно Румий, Абдураҳмон Жомий каби мутасаввиф шоирлар ҳам ўқиса ўқигудек зўр рубоийлар яратишган. Аммо Бедилнинг рубоиёти нисбатан бошқа бир дунё, салафлариникига айтарли ўҳшамайдиган маъно нахридир. Бедил уч ярим мингдан зиёд рубоий ёзган. Дунёнинг нурли ва нурсиз, яхши ва ёмон ҳодисотлари, одамнинг юксак ва тубан, шодон ва ғамгин ҳолатлари, ҳаётнинг ўткинчи ва бокий ҳақиқатларидан ҳам кенг, ҳам изчил баҳс юритишига имкон берадиган рубоий жанрининг ички имтиёзларидан фойдаланишда Мирзо Бедил зўр маҳорат кўрсатган. Рубоий Бедил учун туйғу ва тушунча, ҳолат ва мушоҳада дастгоҳига айланиб қолган, деса хато бўлмайди. Тўртликларидан бирида у шундай ёзади:

Хоҳ кафқ гиру, хоҳ гавҳар бардор,

Мо дарёему, мавжи мо бисёр аст, –

яъни биз тўлқинланиб оқувчи бир сермавж дарёмиз. Хоҳла ундан кўпик ол, эпласанг гавҳар олгил.

Ҳақиқатда ҳам Бедил шеърларини ўқиб тушуниш, тушуниб шоир кўтарилиган тафаккур юксакликларига чиқиши денгиз тубидан дур ё гавҳар олишдан енгил бир иш эмас. Бедил ҳаётда ўлимдан бошқа айтарли барча ҳолат, кайфият ва таассуротларни шахсий тажрибадан ўтказиб иродасини шакллантирган шоир. Унинг “Мен”лиги олий ва енгилмас кучдан қувват олгани учун ҳам турмушдаги азоб-уқубат, не-не фусса ва кулфатларни ўзгача бир шуурда қабул қилган. Лекин у маъно ва моҳият, идрок ва мушоҳада йўлларида қанчалик илгарилаб кетмасин, ҳеч қаҷон шеър ва шоирликка ортиқча баҳо бермайди, ҳеч бир зайлда илоҳийлик иддаосини илгари сурмайди. Чунки Бедил ҳар лаҳзада юзлаб зиддият ва баҳтсизликка раҳнамолик қилиб турган шафқатсиз вокелик бағрида нафас олиб, ундан раҳм-шафқат ҳам, муруват ҳам тиламаган Сўз соҳиби эди. Шоир бир рубоийсида ҳаётдан ҳеч ажралмаганлигига урғу береби, мана нима дейди:

Шеърам, ки ба сад забон фурууд омадаст,

Дар чандин вақту он фурууд омадаст.

Таврот набуд, то бигўям, ки ҳама

Якбора зи осмон фурууд омадаст.

Мазмуни: Шеърим юз тил, яъни бир-бирига ўҳшамайдиган, ҳатто ўзаро зид келадиган юз хил фикр ва тушунчадан дунёга келган. Бу эса пешмапеш – бир неча вақт ва фурсатда содир бўлган. Чунки менинг ёзганим Таврот эмаски, осмондан бирданга тушгандир, десам.

Автобиографик ҳарактерга молик рубоийларнинг шоир таржимаи ҳолини билишда мухим манба сифатида хизмат қилиши ҳам бежиз эмасди.³

Айнийнинг қайд этишича, Бедил ўзининг 77 йиллик умри мобайнида ўн битта подшоҳ хукмронлигини кўрган. Ўша тож соҳибларидан иккитаси унинг 63 ёшигача бўлган пайтларига, қолган тўққизтаси эса ҳаётининг кейнги қисмига тўғри келади. Ўн битта хукмдор – ўн бир хил шахсият, бири-бирига ўхшамайдиган қисмат, ўзаро мувофиқ келмаган сиёсий бошқарув, оддий одамларнинг турли манзарадаги дардли, ҳасратли, ночор турмуш тарзлари. Шуларнинг ҳаммасини Бедил юракдан ўтказиб, гўё уларнинг асосий қисмини тўрт қаторли бир шеърида ифодалаб ҳам кетган:

Умрест шикасти бому дар мебинам,
Бунёди вафо зеру забар мебинам.
Ҳар субҳ ки сар зи хоб бармедорам,
Ошуби қиёмати дигар мебинам.

Мазмуни: Бир умр эшик ва томларнинг бузилиши вафо ва садоқатнинг остин-устун этилишини кўраман. Ҳар тонг гўйкудан бош кўтарганимда, аввалгисига ўхшамайдиган қиёмат, яъни ғавою тўполнонни кўраман. Албатта, бундай фожиалар ҳақгўй шоирнинг оромини кемирса-да, зулм ва тенгсизлик олдидаги унинг ночор, маҳзун ахволини ҳам тасавурда жонлантиради. Файласуф адид одамнинг дунёга келиш сабаби ва жамиятдаги мавқеи хусусида фикр юритар экан, қатъий бир қарорга келганди: “Инсон гаштан ба худ расидан будаст” – “Инсон бўлиш ўз моҳиятини билиш эрур”. Шунга эришиб, шуни чуқур билгани сайин одам оламга эмас, балки чархи даврон одамга тобелашиб боради.

Юз чарх бошимизда овора эмиш,
Юз субҳ бизни деб жигарпора эмиш.
Ой бирла қуёш шуъласи бизга не писанд,
Кўз ёши ўзи субиту сайёра эмиш...

(Жамол Камол таржимаси)

Мирзо Бедил руҳоний ҳаловат, маънавий интизом одами. Маъно излаш, моҳиятга этишишга фавқулодда осудалик ва хотиржамлик зарурлигини теран фаҳмламаганида у мана бундай деб ёзмасди:

Муллочки мудом жадалга мойил бўлди,
Олим санади ўзини, жоҳил бўлди.
То ўртага тушди у билим лофи ила,
Топган бари маънолари ботил бўлди.

(Жамол Камол таржимаси)

Олимми, шоирми ёки бошқа бир соҳа кишислими, бундан қатъи назар, одам ўз ахволини билмаса ёки билиш даражасига юксала олмай адашиб юрса, энг мудҳиш дарду бедаво ана шу. Бедил, энг аввало, бандасини кўпдан-кўп фожиа ўзани бўлган шу хасталиқдан огоҳлантиради ва ундан кутулиш йўлларини ҳам кўрсатади. Бу жиҳатдан тасаввуфни теран билгани ва рух ҳаётни билан изчил қизиқанлиги шоирга жуда қўл келган. Бедилда дунё ва ҳақиқат, ҳаёт ва охират, фано ва бақо тушунчаси битта бош мақсадга: инсоннинг ўзини ўзида кашф айлашга хизмат қилади.

Файласуфлик қобилиятига соҳиб шоирларнинг асарларидан Мирзо Бедилнинг шеър ва достонлари бир неча жиҳати билан ажralиб туради. Бедил шеъриятида шоир, файласуф ва мутасаввиф фикр-қарашларини уйғунлаштиришга эришганди. Унинг шеърларида маъно файласуф мушоҳадасидан ўтган, мутасаввиф руҳи ва ҳолидан жонланиб, санъаткор маҳорати билан талқин қилинган. Фалсафий маънони кўп шоир ва адиллар зоҳир йўли билан, асосан, ташки оламдан ахтарган бўлишса, Бедил учун фалсафий мазмун-моҳиятнинг бош манбай инсон Руҳи ва Кўнгли эди. Унинг шеъриятида файласуф нуқтаи назари билан дарж этилган мураккаб, зиддиятли фикр ва тушунчалар ҳам Инсон ахлоқи, нафси, руҳи, айниқса, юрагининг маҳсуллари эди. Ҳар қанча янги ёки аҳамиятли бўлмасин, кўнгилга кириб бормайдиган, кўнгил қабул этмайдиган шеърни Бедил шеър деб қабул қилмасди:

Ҳарфи номанзури дил як нуқта ҳам
бешасту бас,
Маъни дилҳоҳ гар сад нусха бошад
ҳам кам аст.

Мазмуни: Кўнгилга манзур ва мақбул келмайдиган гапнинг бир зарраси ҳам умуман кераксиз эрур. Дилга хуш келадиган ёқимли мазмун юз бўлса ҳам барибир камдир.

Улуғ Бедил Шарқ адабиётида биринчилардан бўлиб кўпчилик илм ва ижод ахли фалсафа деб юрган ақида, тушунча ва ҳукмлар фалсафа эмаслиги, фалсафа ўлароқ ҳали қабул қилинмаган ҳақиқатларда ҳаёт фалсафаси яширин ётганини муваффақият илиа кўрсатиб берган эди. Тўғри, ушбу йўл ва йўналишдаги интилиш ҳамда изланишларида Мирзо Бедил адашган, хатога эрк бериб, мавҳумлик хилватларида оғир азият чеккан вақтлар бўлган. Чунки маълум бир муддат у ҳинд, айниқса, юонон фалсафаси таъсирига берилиб, нафс ва рух, олам ва одам, фано ва бақонинг асл моҳиятига етишда чалғиган. Аммо чалғиш, адашиш, тушкунлик оғлатларидан уни Қуръони карим ва Ҳадиси шариф кутқазган. Шундан сўнг шоир касрат – кўплик ваҳдат – бирликнинг сояси эканлиги, мосуводан кутулмай, олий ҳақиқатни идрок қилиб бўлмаслигига асло шубҳаланмаган.

Бедил баъзан ҳеч иккиланмай шеърхонни инсон комиллиги унинг ожизлик ва ноқисликлари билан, маънавий кучи ахлоқий кучсизлиги билан, табиий майллари кибру ҳаво, ёлғон ва риёга қўшилиб-қоришиб кетганлигига тўла инонтиришга уринади. Гоҳо эса одам тақдирни, баҳт ва шодлиги, унинг жамиятдаги мавқеи хусусида фалсафа ва адабиётда илгари сурилган фикр ва хуносалар Бедил тасавvuriда ғафлат, ночорлик, калтабинлик, тахминбозликнинг жонли сувратлари бўлиб гавдаланади.

Бедил ижодиётида оқни қорадан, иссиқни совуқдан, эзгулик ва олижанобликни ёвузлик ва

тубанлиқдан ажратиб таърифлашнинг ҳеч иложи йўқ. Буни англамаган ёки англашга лаёқати етмаган шеърхонлар, хусусан, ўзини Бедилга издош санаган қаламкашлар улуғ шоир асарларини бир ёқлама тушуниб хато ва уйдирма мулоҳазаларни ўртага ташлашган.

Маълумки, ҳар қандай буюк ижодкор шахси ва меросини, имкон қадар бехато баҳолаш, энг аввало, у яшаган тарихий давр ва шарт-шароитни билишга боғлиқ. Бу гап Бедилга кўпроқ тегишли. Атоқли шарқшунос Е.Э. Бертельс айтганидай, ҳеч шак-шубҳасиз Бедил ўзига хос ва бетакрор шоир. Аммо унинг ижод оламига кириш йўли у мансуб ижтимоий, сиёсий, адабий муҳитни пухта ўрганишдан бошланмоғи керак⁴.

XVIII асрда Бедилга издошлик шеъриятда бир жараёнга айланган бўлса, XIX асрда Ўрта Осиёда бу пайравлик тақлид ва ҳаттоки кўр-кўронга бедилпрастликка айланган экан. Айний домланинг ёзишича, мазкур ҳодисанинг мағзи пуч ва бефойдалигини биринчи бўлиб донишманд адиб Аҳмад Дониш аник изоҳлаб ва исботлаб берган.

Баъзи буюк талантларнинг ижодидан ўрганиш, илҳом илиа ибрат олиш мумкин, аммо уларга тақлид қилиб бўлмайди. Чунки тақлид қилган қаламкаш ижодий қиёфадан бутунлай ажралади. Бедили соңий бўлишни хоҳлаганлар эса “Унга шакл ва услуб жиҳатидан тақлид қилиб, шоир ижодининг фалсафий, ижтимоий ва сиёсий моҳиятини тушунишмаган ёки тушунишини истамай, фақат тасаввуф томонига ёпишиб олганлар”⁵. Бедил шу бадбахтликни аввалдан кўргандай мана нима деган:

*Муддаи дар гузар аз даъвии тарзи Бедил
Сеҳр мушкил, ки ба қайфияти эъжоз расад.*

Мазмуни: Эй даъво бандаси, Бедилдай ёзиш ниятидан воз кечгил. Ахир, сеҳр билан мўъжизага эришиб бўлмайди.

Бедилнинг тасаввуфга муносабати, уни англаш, унга сунянишдан кўзлаган мақсади бутунлай бошқа эди. Ундаги илоҳий туйғу, маънавий завқшавққа тақлид этиб бўлмасди. Шоир ҳақиқий ишқ ва ирфон оламида воқелиқдан самовотга, моддиётдан руҳонийликка юксалиб, тахайюл водийларида қанчалик сайр қилмасин, инсоннинг инсон опидаги бурчи ва вазифасини ҳеч пайт унутмаган. Шунинг учун ҳам файласуф шоир юракни кучлан-

тирувчи неча юзлаб мана бундай сатрларни битиб қолдирган:

*Ҳасти жуз жон канию хун хўрдан нест,
Аз олами марг айши жон бурдан нест.
Дар ҳалқ буруни ҳалқ будан ғалат аст,
Суҳбат бо зиндагист, бо мурдан нест.*

Мазмуни: Тириклик ва тириклик жон узишу, қон ютишдан иборат бўлмаганидек, ўтар дунёда фақат жонни асрар ташвишида яшаш ҳам эмас. Кўринишида ҳалқ билан бирга бўлиб, ичда ўзни ҳалқдан четта олиш ғалатдир. Одамнинг одам билан суҳбати ўлим ҳақида эмас, балки ҳаёт ва инсон тўғрисида бўлмоғи лозим.

Бедил шеъриятини ўқиш ва англаш – оламнинг зоҳири ва ботинида қанча маъно, қандай товланишдаги моҳият мавжуд, шуларни бирма-бир билишга, мушоҳада юритишга бел боғлаш дегани. Бедилхонлик – инсон руҳи, тақдири ва ҳақиқатларини шеър ойнасида кўриш, шундан хулоса чиқариш демак...

Бизнинг юртимиизда бедилхонлик қадимий бир жараён. Олдинги замонларда унинг шеърлари асосан аслиятда ўқилиб, мулоҳаза ва шарҳ қилинган бўлса, кейинчалик улардан айримларини ўзбек тилида ўқишга ҳам эришилди. Шоирнинг “Комде ва Мудан” достонини Назармат, робой ва ғазалларини Ш. Шомуҳаммедов, Жамол Камол, Матназар Абдулҳаким ва Эргаш Очилов таржима қилган.

Бедилшуносликка келадиган бўлсак, бу илмий йўналиш дунё миқёсида устод Айнийнинг тадқиқотлари, хусусан, “Мирзо Абдулқодир Бедил” китоби билан бошланганлиги фанда аллақачон эътироф этилган. Шундан кейин Бедилнинг ҳаёти, ижодиётига бағишлиб аллома Абдурауф Фитрат, машҳур шарқшунос Е.Э. Бертельс, академик И. Мўминов, профессор Ш. Шомуҳаммедов, Ш. Шукуров ва бошқа олимлар ҳам илмий асарлар ёзишган.

Хуллас, Шарқнинг улуғ файласуф, мутафаккир ва мутасаввиф шоири Мирзо Бедил шеърияти тубсиз бир денгиздирки, ундан баҳра олиш, фикр ҳаёти учун фойдаланиш ҳеч қачон тўхтамайди. У ўзининг тафаккур кувватига тўла ишонганидан фалсафий идрок усули билан оламни ғафлатдан қутқазаман, деган:

*К-аз усули мадорики ҳикмат,
Оламеро барорам аз ғафлат.*

Шундай ҳикмат ва ҳимматга башарият ҳозир ҳар қачонгидан ҳам муҳтож.

¹С. Айни. Мирзо Абдулқодири Бедил. Куллиёт. Жилди 11. Китоби дуйум. Душанбе, 1964. Саҳ. 31.

²С. Айни. Бедиль и его поэма “Ирфон”. 1956. С. 54.

³Ш. Шукуров. Мирзо Бедилнинг поэтик мероси. Тошкент, 1979. 74–75-бетлар.

⁴Е.Э. Бертельс. История литературы и культуры Ирана. Москва, 1988. С. 352–353.

⁵С. Айний. Кўрсатилган китоб, 115-бет.

Yusuf HAMDAMOV,
Mirzo Ulug'bek nomidagi O'zbekiston
Milliy universiteti dotsenti

OMMAVIY AXBOROT VOSITALARI TILIDAGI O'ZIGA XOSLIKALAR

Ma'lumki, til moddiy va ma'naviy voqelikning, mavjudlikning ifodasi, inson tafakkuri va ruhiyatining zuhur bo'lish hamda moddiylashish vositasidir.

O'ziga xos, boy, jozibador, sermazmun ona tilimiz Davlat tili maqomini olganidan keyin (1989-yil 21-oktabr) unga e'tibor yanada kuchaydi. Respublikamiz mustaqillikka erishgach, o'zbek tili tom ma'noda o'z nufuziga ega bo'ldi. Mustabid tuzum yillarida tushovlab kelingan tilimiz erkin nafas ola boshladi.

Milliy o'zlikni anglash, milliy va ijtimoiy tafakkurni yuksaltirishda ommaviy axborot vositalari, xussan, matbuotning ahamiyati o'ziga xos, albatta. Bu muhim vazifani bajarishda tilning o'rni beqiyos desak, mubolag'a bo'lmaydi. Zero, Yurtboshimiz Islom Karimov ta'kidlaganidek, "... o'zlikni anglash, milliy ong va tafakkurning ifodasi, avlodlar o'rtasidagi ruhiy-ma'naviy bog'liqlik til orqali namoyon bo'ladi".

Ma'lumki, mustaqillik arafasida o'zbek tili "sof"ligi uchun sa'y-harakatlar boshlanib ketdi. Ba'zilar til me'yorlariga rioya qilmay ayrim so'zlarni o'zgartirib yubordi va bu uning keyingi taraqqiyotiga ancha-muncha noqulayliklar keltirib chiqardi. O'zbek tiliga boshqa tillardan kirib, ornashib qolgan so'zlar so'zma-so'z muqobiliga o'girila boshlandi. Masalan, *aeroport* – *tayyoragoh*, *rayon* – *nohiya*, *jurnal* – *jarida*, *majalla*, *oybitik*; *gazeta* – *ro'znama*, *samolyot* – *ichoq*, *institut* – *oliyoh*, *fakultet* – *kulliyot* deb ishlatala boshladi. O'zaro muloqot, matbuot sahifalarida ham o'yingoh, oliyoh, sihatgoh, tayyoragoh kabi so'zlar uchray boshladi. So'zlarning bu tarzda qo'llanilishi ancha-muncha qiyinchiliklarni yuzaga keltirdi.

Til shunday o'ziga xos tabiatga egaki, uni odamlar ongiga zo'r lab yoki majburlab tiqishtirib bo'lmaydi. Har bir so'z xalq tili, ko'ngliga yaqin bo'lsa, u oson va tez singadi. Vaqt o'tib, asta-sekin tildan unumli foydalanish, so'z qo'llash borasidagi muammolar yechimini topa boshladi. Bundan 20 yil ilgariga nisbatan tilimizda ancha ijobji o'zgarishlar, siljishlar ro'y berdiki, bularni kundalik hayotning o'zi ko'rsatib turibdi. Masalan, tilimizda ilgari programma deb ishlatalgan so'z – *dastur*, *otchyot* – *hisobot*, *soviet* – *kengash*, *plan* – *reja*, *soldat* – *askar*, *priyom* – *qabul*, *sudya* – *hakam*, *komandirovka* – *safar*, *kvartal* – *chorak*, *ofitser* – *zobit*, *rayon* – *tu'man*, *oblast* – *viloyat* deb ishlatala boshladi. So'zlarning bu kabi qo'llanilishi matbuotga ham o'z ta'sirini o'tkazdi. Keng o'quvchilar ommasi matbuot orqali tilga e'tibor bera boshladi, undan o'rgandi, saboq oldi.

Shuningdek, jamiyat taraqqiyoti, keng miqyosdagi integratsiyalashuv natijasida tilimizga yangi xorijiy so'zlar kirib keldi. Masalan, *biznes*, *audit*, *litsey*, *kollej*, *aksiya*, *lizing*, *bakalavr*, *magistr*, *ofis*, *reyting*, *fermer*, *investitsiya*, *marketing*, *aksiz* kabilar. Ayni vaqtida gazeta va jurnallar sahifalarida bosilayotgan har bir maqolada *biznes*, *marketing*, *ofis*, *lizing*, *fermer* kabi so'zlarni tez-tez uchratish mumkin. Aytish kerakki, tilimizda har kuni uchraydigan bu so'zlar og'zaki nutq, shuningdek, OAV-da ham ancha singib ketdi.

Til jurnalist uchun muhim ish "quroli" hisoblanar ekan, undan unumli foydalanish har bir ijodkorning so'z boyligi va tajribasiga bog'liq. Hozir nashr etilayotgan



gazetalarning shakllangan o'ziga xos tili bor. Kuzatishlar shuni ko'rsatyaptiki, respublika markaziy gazetalari hamda viloyat gazetalarining tilini alohida o'rganish kerak bo'ladi. Respublika gazetalari, o'z navbatida, tarmoq xarakteriga ham ega. Shu bois, ularning har biri auditoriya bilan mazkur nashrning xususiyatini ifodalovchi o'ziga xos tilda muloqot qiladi. Masalan, "O'zbekiston adabiyoti va san'ati" gazetasida kitobiy uslub ustun bo'lsa, "O'zbekiston sporti" gazetasiga ko'proq so'zlashuv uslubi xosdir. "Qishloq hayoti" gazetasida ijtimoiy-siyosiy, qishloq xo'jaligiga xos atalar ko'p uchrashi ham tabiiy.

Respublikamizda bir-biriga yaqin (qarluq, qipchoq, o'g'uz lajasida) so'zlashuv hududlari mavjud: Xorazm viloyati hamda Qoraqalpog'iston Respublikasining To'rtko'l, Beruniy, Ellikqal'a tumanlari aholisi Xorazm dialektida gapiradi. Qoraqalpog'iston Respublikasida qoraqalpoq tilida gaplashiladi va shu tilda gazetalar chiqadi. Buxoro, Samarqand, Qashqadaryo, Surxondaryo, Jizzax hamda Navoiy viloyatlarida, shartli ra-

vishda aytganda, janub dialektida gaplashiladi. Buxoro va Samarqand shahri aholisi esa tojik va o'zbek tilida gaplashadi. Toshkent shahri, Toshkent viloyati hamda Sirdaryo viloyatining bir qism aholisi Toshkent dialektda muloqot qiladi. Farg'on'a vodiysi aholisi esa badiiy tilga eng yaqin dialektda gaplashadi. Qirg'iziston Respublikasining O'sh viloyati aholisi ham shu dialektda so'zlashadi.

Dialektdagi sezilarli farqqa qaramasdan, u mazkur viloyat gazetalarida deyarli o'z ifodasini topmagan. Odadta, muallif qahramonning ko'chirma gapini berayotganda, tegishli dialektga xos xususiyatlar yuzaga



keladi. Masalan, validani janubliklar "ona", vodiyliliklar "aya", toshkentliklar "opa" deyishadi. Viloyat gazetalarini til jihatidan shunga o'xhash uncha sezilmaydigan belgilarga ko'ra farqlash mumkin.

Respublikamizda rus tilida nashr qilinadigan gazetalarni boshqa hududlardagi gazetalar bilan taqqoslaganda, tildagi o'ziga xoslik ancha aniq ko'zga tashlanadi. Hozirgi paytda O'zbekistonda yashaydigan aholi gapiradigan va yozadigan rus tilida turkiy yoki o'zbek tili qatlami ancha sezilib turadi. Ular mahalliy koloritni ifodalaydi. Masalan, turmushda foydalilanidigan narsalar (dasturxon, piyola, kosa), milliy taomlar (palov, lag'mon, mampar, dimlama), joy nomlari (adir, paykal, ariq), kundalik muloqot so'zlar (salom, hormang, marhamat, rahmat), hurmat belgisi (Hasan aka, Lutfi aya, Murodjon, To'raqul ota, Malikaoy) va hokazo. Mazkur til belgilari ko'ra O'zbekistonda chop etiladigan rus tilidagi gazetalarni Kavkaz, Boltiqbo'yи hududidan,

Ukraina, Belorus va hatto qo'shni Qirg'iziston, Turkmaniston, Tojikiston hamda Qozog'iston Respublikalari gazetalaridan ham osongina farqlash mumkin.

Keyingi yillarda matbuot tilida sezilarli ravishda ijobiy o'zgarishlarni kuzatish mumkin. Birinchidan, gazetalarda yirik-yirik maqolalar kam berilmoqda; ma'lum maqola yoki ocherklarda uzundan-uzoq dialoglar uchramaydi. Sababi, dialoglar qahramonning psixologiyasini olib berishga yordamlashmaydi va qahramonning ruhiyatidagi o'zgarishlarni tadqiq etishga imkon ham bermaydi.

Endi bugungi gazeta tili haqida to'xtalib o'tsak. Odadta, gazeta tili barcha uchun tushunrali, ommabop, hammabop bo'lishi kerak. Chunki gazeta faqat aholining ziyoli qatlami yoki jurnalistlarga qaratilgan mo'lajjalab chiqarilmaydi. Unda bosilgan turli-tuman maqolalarni oddiy dehqon, fermer, shifokor yoki tadbirkor – birdek o'qiydi.

O'zbekistonda bosilib chiqayotgan gazetalarning ma'lum muassasaga taalluqliligi, shakli, ko'rinishi va boshqa jihatlariga ko'ra davlat, nodavlat, mustaqil va soha gazetalariga bo'linadi. Bularning tili ham gazetalarning turi, ixtisosligi bilan bog'liq. Masalan, "Xalq so'zi" gazetasini davlat tizimidagi gazeta bo'lganligi bois uning tili birmuncha jiddiy, rasmiy til hisoblanadi. Siyosiy partiyaning gazetalari haqida ham shu fikrlarni aytish mumkin.

Tarmoq gazetalarida ma'lum tarmoq, soha haqidagi materiallar berib boriladi. Shunday ekan, gazetada o'sha sohaga oid til ustuvorlik qilishi tabiiy.

Shuni alohida ta'kidlash joizki, kishilarning har bir so'zni qabul qilish hamda ong-u shuuriga singib qolishida matbuot va ommaviy axborot vositalari muhim o'rinn tutadi. Chunki ishchi yoki o'qituvchi, o'quvchi yoki talaba, muhandis yoki shifokor, haydovchi yoki sportchi – kim bo'lmisin, har kuni gazeta o'qiydi, radioeshitirishlarni tinglab, teleko'rsatuvlarni kuzatib boradi. Ular gazetani o'qiganda, so'zlarning to'g'ri yozilishiga e'tibor berishsa, direktori yoki boshlovchi tomonidan ifoda etilgan har bir so'zning talaffuzini diqqat bilan tinglashadi. Qolaversa, aksariyat audiovizual (eshitish hamda ko'rish) holatlarda, so'z qo'llanishiga ko'proq e'tibor qaratiladi. Bu esa ommaviy axborot vositalari sohasi xodimlaridan o'z kasblariga yanada mas'uliyat bilan yondashishlarini talab etadi. Chunki ko'pchilik matbuotga ishonadi, qolaversa, kundalik hayotida undan ibrat, andoza oladi.

Foydalilanigan adabiyotlar ro'yxati:

1. I.A.Karimov. Yuksak ma'naviyat — yengilmas kuch. T.: Ma'naviyat, 2008. 83-bet.
2. I.Toshaliyev. Sarlavha stilistikasi (O'quv qo'llanma). T.: Universitet, 1995. 3-bet.

Шоҳиста МАҲМАРАИМОВА,
Термиз давлат университети ўқитувчиси

ТЕОМОРФИК МЕТАФОРА НИМА?

Аннотация. Бугунги кун жаҳон тилшунослик фанида метафоралар турли аспектларда тадқиқ этилмоқда. Бироқ фундаментал деб қаралаётган метафоралар тизимидағи айнан теоморфик метафораларнинг тўлақонли тадқиқи кузатилганича йўқ. Мазкур мақоладан ушбу метафоранинг когнитив ва лингвомаданинг хусусиятларига доир айрим муроҳазалар ўрин олган.

Калим сўзлар: метафора, теоморфик метафора, инсон онгининг когнитив фаолиятида теоморфик метафора.

Аннотация. В современной мировой лингвистике метафора изучается в разных аспектах. Однако теоморфическая метафора, тесно связанная с когнитивной деятельностью человека, еще не нашла своего отражения в узбекской лингвистике. В этой статье освещены отдельные размышления по вопросам когнитивных и лингвокультурологических особенностей теоморфической метафоры.

Ключевые слова: метафора, теоморфическая метафора, теоморфическая метафора в когнитивной деятельности человеческого разума.

Annotation. In the current world linguistics the metaphor is studied in various aspects. However, the theomorphic metaphor which is closely related to the human cognitive activity has not found its reflection in the Uzbek linguistics yet. The article presents some reflections on the questions of cognitive and linguocultural features of the theomorphic metaphor.

Key words: metaphor, theomorphic metaphor; theomorphic metaphor in the cognitive activity of the human mind.

Жамият маданият даражасининг ўсиши табиий ҳолда инсон онгининг ривожи билан боғлиқ. Инсоннинг борлиқни тафаккур этиши ундаги билиш қобилиятынинг бевосита ва пировард хусусиятига тегишли жараён бўлиб, воқеа-ҳодиса, атроф-муҳитдаги сифатий ўзгаришлар ундаги интеллектуал фаолиятга таъсир ўтказмай қолмайди.

Янгича илмий тафаккурнинг туб бурилишида инсон когнитив қобилиятынинг ўрни муҳим аҳамият касб этади, бинобарин, мазкур қобилиятынинг шаклланиши натижасида ундаги (инсондаги) билиш қобилиятынинг имкониятлари ҳам кенгайиб боради.

Оlamни билиш – ўзаро зиддиятли ва мураккаб жараён бўлибина қолмай, инсоннинг у қадар самарадор бўлмаган когнитив усуслардан шу буғунга қадар фойдаланиб келаётганилиги боисидан ҳам абстракт ечимларни касб этиб келаётган ҳодиса. Зоро, англанганларнинг репрезентацияси муаммоси осон изоҳланадиган масалалардан эмас. Мазкур муаммонинг тугал ечимга эга эмаслигини кўхна даврлардаёқ анъанавий шарқ фалсафасининг вакили Бодхидхарма ҳам қайд қилган эди: “Номаларда донишмандлик йўқ – сўз ва белгилар билан Қонунни англатмоқ мушкул”.¹

Шу маънода метафоралар англатиши керак бўлган моҳият фикрлашнинг таҳлилий имкониятидан келиб чиқкан ҳолда бир хилдаги натижаларни беравермайди. Бироқ когнитив ва “атомистик” семантикани ўрганган тилшунос олим А.Н.Баранов метафоранинг ички шаклдаги тасвирини унинг мақсад ва ҳосил бўлиш ўрнининг таҳлилий шарҳига тенглаштироқ мумкин эмас, деб ҳисоблади ҳамда “метафора тушунча шаклидаги ягона образ, бошқа бўлакларга бўлинмайдиган яхлит гешталт бўлиши лозим”, – деган қарашни илгари суради². Бунинг учун, дея давом этади олим, идрок этишининг ўзга, маънонинг парчаланиши – бўлинишига эмас, балки у орқали лисон эгасида мавжуд бўлган концептни англаш стратегиясига мурожаат этиш керак. Шундагина метафора ва образга нисбатан ягона гешталтга бўлгани каби аппелляция қилиш мумкин³. Бу ўринда мазкур стратегияда метафоранинг таҳлилий шарҳига эмас, тегишли образга етакловчи “триггер” – муайян ассоциацияга ишорага эътибор қаратмоқ зарур бўлади.

Шаклдаги маънони, моҳиятни ишорага кўра илғаш, англаш техникаси бевосита инсоннинг оламдаги

мавжуд шакллар ҳақидаги билимлари – когнитив категорияларга бориб тақалади. Демак, бу борада лисоний бирликларнинг семантик таърифи том маънода когнитив характерли бўлиб қолмасдан, семантик экспликацияда когнитив кўламнинг феномени бўлмиш метафорани намоён эта олади.

Айнан мана шу муносабат биз текшираётган теоморфик метафораларнинг табиатига тўла мосдир.

Хусусан, фанда теологик тушунчаларнинг концептуаллашиши номинациянинг тўғридан-тўғри амалга ошадиган усуслари билангина эмас, балки маъно кўчишининг алоҳида олинган турлари асосида ҳам юзага чиқиши маълум ҳодиса. Зоро, Аристотелнинг метафора ҳақидаги қарашларида “метафора буюмга аслида бирорвага тегишли бўлган номни беради” (Аристотель. Поэтика. М.: АСТ, Хранитель, 2006.) дейилади. Бинобарин, обьектлар хусусиятига тегишли лисоний маънонинг инъикос жараёнида иштирок этувчи когнитив метафора концептуал вазифани бажаради ҳамда мавхум маъноли концептларга ном беради. Теоморфик метафоранинг ўзига хос хусусияти шундаки, унинг асосий мақсади мавхум ёхуд “ботиний олам” обьектларини аташ, когнитив жараённинг заруратидан келиб чиқиб, тушунчаларни шарҳлашдир. Ваҳоланки, ана шу “кузатилмайдиган” моҳиятларнинг жами лисоний-теоморфик хусусиятига эга бўлиб, улар концептуалластириш жараёнида кенг кўламда метафоризацияяга юз тутади. Бундан истисно бўлмаган теоморфик метафора ҳам ўзида ноодатий интеграцион тизимни намоён этадики, семиотик, когнитив ва лингвистик ташкил этувчилар бу турдаги метафоранинг мавжуд табиатини муркаблассади.

Лингвистик бирликлар теоморфик метафоранинг тушунча ва акустик образини (тимсолини) акс эттираса, семиотик ташкил этувчилар ментал кўламдаги иккиси обьект ўртасидаги муносабатни, ундаги когнитив хусусиятлар эса алоҳида олинган аниқ вазиятлардаги ички тизим мутаносиблигини таъминлайди.

Теоморфик метафоранинг бир қатор ўзига хос хусусиятларини кўйидагича кўрсатиш мумкин:

1. Теоморфик метафора маданий ва индивидуал амалиётда ўзининг ишлатилиш даражасига кўра юқори кўрсаткични эгаллайди. Теоморфик метафорани байзи тилшунослар фараз қилганидек, фундаментал деб қаралган зооморфик ва техноморфик метафоралар ти-

зимида кўриб чиқиб, унинг сўнгиларга нисбатан паст салмоққа эга эканлигини тасдиқлаш мушкул. Зотан, бугунги технологик жараёнлар шиддат билан ривожла-наётган бир вақтда теоморфик метафоранинг ишлаб чиқариш ва кенг илм-фан жабхасидаги ўрнини бемалол кузатса бўлади. Фақат уни бошқа турдаги метафоралар ёхуд кўчимлардан фарқлай билиш лозим. Фундаментал метафоралар тизимида айнан теоморфик метафорагина инсониятнинг оламдаги мавжуд бўлиш сабабларини изоҳлай олади. Бу эса унинг мураккаб ва кўп қиррали феномен эканини исботлайди.

2. Теоморфик метафоранинг антропоморфик метафора билан бир кесимда жойлаша олиши инсоннинг англаш фаолиятида ҳам кўплаб зиддиятларни туғдиради. Теоморфик метафора ташувчи нотургун тушунча ва маънолар унинг юқоридаги табиатига асос бўлади. Бироқ теоморфик метафора нутқнинг барча турларида ўзининг шаклланган, тугал конструкцияларига эга. Ҳатто аксар ҳолларда муайян билимга эга бўлмаган одамларнинг нутқида ҳам кўпроқ учрайди ва бу табиий ҳисобланади. Маълум интеллектекта эга шахс бу турдаги метафораларни ўз ўрнида ишлатишга алоҳида эътибор қиласа, интеллектксиз шахс бундай метафоралардан эҳтиёtsизлик билан фойдаланади. Шунга қарамай, ҳар икки вазиятда ҳам мазкур метафора тил эгаси томонидан моҳиятан тўғри ишлатилган бўлади.

Теоморфик метафора билан антропоморфик метафоранинг “кардошлиги” инсон онгига олам ҳақидаги идеал образларни бирмунча яқдилластириди, на-тижада теоморфик метафора тизимига бирлашувчи семантик бирликлар бошқа турдаги метафоралардан фарқли ўлароқ, аниқ “ижобий” ва аниқ “салбий” кутбларга ажралади.

3. Таъкидланганидек, теоморфик метафора антропоморф шаклдошларига яқин турганлиги сабабли унинг намоён бўлиши адресатнинг фавқулодда индивидуал қарорига кўра ҳал этилади. Бунда метафора субстанциясида ётган тушунча ва маънолар адресат томонидан яратилмайди, балки “қайта ишланади”.

4. Теоморфик метафора тифайли тилда миллий көлорит сақланади. Унга мувофиқ, ҳар бир тил эгасининг кўллаган теоморфик метафоранинг когнитив хусусиятига қараб, миллий тафаккур, мафкура, эътиқод ва қарашларга баҳо бериш мумкин бўлади. Шу сингари когнитив хусусиятига кўра ҳам теоморфик метафоранинг универсал табиати унинг турли лингвомаданияларда нисбатан ўхшаш талқин этилишига асос бўлади.

Маълумки, бадий дискурс қамрови жиҳатидан бошқа турдаги дискурслардан кескин фарқ қиласи ва ўзида теоморфик метафоранинг ўз функциясини тўлақонли бажариши имкониятини беради. Шу боис замонавий тилшунослиқда метафорани ўрганишга семиотик ёндашув усуллари ҳам татбиқ қилинмоқда.

Бадий дискурс бошқа турдаги дискурслардан фарқли ўлароқ, рамзлар ва кўчимлар, турли тасвирий ифодалар алоҳида, бир қарашда умумийдек кўринган, айни вақтда фавқулодда ўзига хос маъновий ечимларига эга бўлади. Чунки бадий матн – рамзлар оламини ўзида ифода этувчи нутқ тури. Ана шу жиҳат метафоранинг кенг ижтимоий ҳаёт кўламига аралашувини тезластириди.

Қайд қилиш керакки, баъзи тилшунослар (жумладан, Кимов Р.С. 2012) таъкидлаганидек, ҳамма вақт

ҳам метафоранинг пировард ривожи метонимияни ҳосил қиласермайди. Ваҳоланки, инсоннинг билиш қобилияти оламни англашдаги мураккаб концептуал занжир бўйлаб бир текис силжимайди, ўрни билан тилдаги мавжуд метафораларнинг табиати метонимияни тақорллагандек туюлади, аммо теоморфик метафоралардаги концептуал кўлам бундай хулоса қилишга доим ҳам имкон беравермайди.

Теоморфик метафораларни дискурснинг барча турлари ҳам ифода этавермайди. Кучли тасвирий ифодага эҳтиёj сезувчи сўзлашув ва бадий дискурсдагина метафораларнинг мазкур тури нисбатан кўп қўлланади. Бунда фақат метафораларни метаморфозалардан ажрата олиш лозим бўладики, шеъриятда иккинчи турдаги ҳодисада “субстанция (моҳият) нинг тасодифан ўхшаш келиб қолиши” кузатилади. Концептуал метафора назариясига кўра метафоризацияда қуйидаги омил эътиборга олинади: яъни икки концептуал домен – маъна, билимлар структуралари ўртасидаги боғлиқ муносабат (фрейм, сценарийлар). Натижада маъна кўламидан нишон кўлами томон йўналаётган проекция бўйлаб ҳаракатланадаётган билимлар мажмуми концептуаллашган метафорани шакллантириб беради. Масалан, – *Аферист у. Ёмонам шайтон одам. Любойни алдайди...* (С.Аҳмад. “Жимжитлик”)

Когнитология метафорага инсон онгининг яширин имкониятларини юзага чиқаришда кўмак берувчи восита сифатида қарайди ҳамда кластерлаш орқали теоморфик-концептуал метафоранинг тизимлийка эгалигини исботлайди. Ҳолбуки, концептлар орасидаги ўзаро боғлиқ муносабатлар – образли ассоциациялар, сценарий, фреймлар назарияси шундай хулоса чиқаришга имкон беради. Ўхшатилаётган предметга нисбатан ўхшатувчининг ўзига хос тушунчалар мажмумининг ҳарактери шунга мос метафорик концептни шакллантиради:



Теоморфик метафора ўзида борлик, унинг яратиши, киши, нарса, воқеа-ҳодиса, хуллас, олам ибтидоси тўғрисидаги билимлар кўламини акс эттирувчи ҳодисадир. Бироқ вақт ўтиши билан концептуаллашган теоморфик метафора секин-аста муайян объективнинг хусусиятига берилган баҳо эмас, унинг ўрни билан салғый, ижобий, киши эмоциясини ўйғотовичи, масалан, ҳазил-мутойибага асос бўлувчи субъектив белгисига айланада боради.

Хулоса қилиб айтганда, теоморфик метафора алоҳида олинган концептларнинг шаклланишида фавқулодда аҳамиятга эга ва у олам ҳақидаги тасавурларимизда яшайди. Шунингдек, теоморфик метафора ибтидой одамнинг ҳаёлот олами чегарасини ёриб ўтиб, бугунги глобал дунёнинг мавжуд моҳиятини аниқ тушунириб беришга ҳам хизмат қиласиди.

¹Халипаева Империят. Метафора тайны и тайна метафоры (Основы нового научного мышления). 10.09.1998 г. Пoesия Джамала – <http://stihii.ru/2008/01/20/1788>: http28.03.2013.

²А.Н. Баранов. Семантика “Атомистическая” и когнитивная. Пятая международная конференция по когнитивной науке. Том 1/Тезисы докладов. Россия, Калининград, 2012. С. 230.

³А.Н. Баранов. Кўрсатилган маъна, 230-бет.

Шодия ГАНИЕВА,
Фарона давлат университети тилшунослик кафедраси
катта илмий ходим-изланувчи

ФРАЗЕМАЛАРНИНГ ШАКЛ ВА МАЪНО МУНОСАБАТИ

Аннотация. Маколада лексик ва фразеологик полисемия ҳамда омонимия ўртасидаги изоморфлик ҳолати, уларнинг ўзбек тилшунослигига ўрганилиши, фразеологик полисемия ва омонимиини моделиштириш муаммолари ҳақида сўз юритилади, омонимия ва полисемиянинг дифференциал белгиси модель орқали ифодаланади.

Калит сўзлар: изоморфлик, фразеологизм вариантлари, мотивловчи сема, мотивацион муносабат, моделлар дифференциацияси.

Тил – халқ маданиятини ўзида намоён қилувчи муҳим восита. “Шу нарса аниқки, халқнинг тийнати ва табиатини, руҳияти ва менталитетини тилдан айро ҳолда тасаввур қилиб ҳам, тадқиқ этиб ҳам бўлмайди. Тилдаги бирликларда, айниқса, образли сўз, образли ибора-ифодаларда халқнинг ментал ўзига хослиги у ёки бу тарза инъикосини топади”¹.

Шу маънода халқ фразеологизмлари, уларнинг кўпланиш усуллари ҳам маълум миллатнинг ўзига хослигини кўрсатишга хизмат қиласди.

Тилнинг ҳар бир сатҳ бирликлари маълум интеграл белги асосида умумийликни ҳосил қиласди. Шу билан бирга, турли сатҳ бирликлари ўртасида ҳам ўхашаш нуқталар мавжуд. Лексема ва фраземалар (фразеологизмлар) ўртасида ҳам ана шундай яқин ўхашашликлар бўлади. Бу лексема ва фразеологизмларнинг номинатив функцияларида ҳам, мазмуний тузилишида ҳам яққол намоён.

Тилшунослик назариясида лексик сатҳ ҳамда унинг бирлиги бўлган лексема ва унинг мазмуний тузилиши анча кенг ўрганилган. Фразеологизмларнинг шакл ва маъно муносабатидан ташкил топган бутунлик эканлиги кўпчилик томонидан эътироф этилган. Айни мавзу ҳам кўпгина тадқиқотларга асос бўлган. Аммо ҳали бу ишлар мавзунинг барча жиҳатларини қамраб олган дейиш қийин. Зеро, фразеологик маъно ва унинг тузилишини лексик маъно ва унинг тузилишига қиёслаган ҳолда ўрганиш фразеологизмлар семантикасини ёритиша катта аҳамиятга эга.

Фразеологик бирликлар ҳам худди лексик бирликлар каби ўзаро омонимик, синонимик, антонимик, градуонимик муносабатларда бўлади. Бу муносабатлар иккι ва ундан ортиқ фразеологик бирликларга дахлдордир. Бундан ташқари фразеологик полисемия ҳодисаси ҳам борки, бу бир неча бирликлар ўртасидаги муносабатни эмас, балки битта бирликнинг мазмуний мундарижасидаги семалар муносабатини ўз ичига олади. Биринчи турда фразеологик системадаги алоҳида-алоҳида фразеологизмлар ўртасидаги муносабат бўлса, иккинчи турда фразеологик системадаги битта аъзонинг шакл ва мазмуни ўртасидаги ва бир шакл остидаги семалар муносабатидир. Биринчи типдаги муносабатлар ичida омонимик муносабат ўзига хос хусусиятга эга.

Омонимия ҳодисаси лексик сатҳ доирасида чукур ўрганилди. Лекин фразеологик ва синтактик сатҳ до-

Аннотация. В статье представлены результаты изучения изоморфного явления между лексической и фразеологической полисемии и омонимией, степень её изученности в узбекском языкоznании, проблемы моделирования фразеологической полисемии и омонимии. По мнению автора, дифференциальные признаки омонимии и полисемии выражаются с помощью моделей.

Ключевые слова: изоморфизм, варианты фразеологизмов, мотивированные сема, мотивационные отношения, дифференциация моделей.

Annotation. The article presents the results of the study isomorphic phenomena between lexical and phraseological polysemy and homonymy, its investigation in the Uzbek linguistics, problems of modeling phraseological polysemy and homonymy. According to the author, the distinctive features of homonymy and polysemy are expressed by means of models.

Key words: isomorphism, variants of phraseological expressions, motivated seme, motivational relation, differentiation of models.

ирасида бу ҳодиса етарлича ўрганилгани йўқ. Шу кунга қадар ўзбек тилшунослигига лексик ва фразеологик омонимияга бағишиланган Т.Аликулов, М.Миртожиев, Ш.Раҳматуллаев каби қатор олимларнинг айрим тадқиқотлари майдонга келди². Бу борада, айниқса, Ш.Раҳматуллаев, Б.Йўлдошев, А.Маматов, А.Рафиев, Ш.Алмаматова ва бошқа тилшуносларнинг хизматлари катта³. Бу масалада Ш.Раҳматуллаев қарашлари эътиборга молик. Олимнинг талқинига кўра ўзаро фразеологик омонимлар ва фразеологик паронимлар, шунингдек, фразеологик омоформалар ва фразеологик параформалар бир-бирига шу қадар ўхашаш бўлади, улардан бири ўрнига иккинчисини хато ишлатиб юбориш мумкин⁴.

Профессор Ш.Раҳматуллаев омонимия ҳодисасини тил ва нутқ зидланиши асосида ўрганишни ўзбек тилшунослигидагина эмас, балки туркийшунослика илк бор тавсия этади. Унинг фикрича, бошқа лингвистик ҳодисаларда бўлганидек, омонимия ҳам тил ва нутқ босқичида алоҳида-алоҳида баҳолаш керак. У тил босқичида омонимиянинг тил бирликлари орасида мавжуд бўлишини таъкидлаган ҳолда, тил бирликлари сифатида лексема, морфема, фразеологик бирликларни эътироф этади. Лекин уларнинг нутқий оппозиция аъзолари сифатида сўзформа ва бирималарни тилга олади⁵.

Фразеологик бирликларни ҳам тил системаси ва унинг функцияси ўртасидаги қарама-қаршиликни ҳисобга олган ҳолда ўрганиш ҳақидаги фикр умумий тилшунослик назарияси ривожи учун муносабиҳ хисса бўлиб қўшилганини эътироф этиш лозим. Фразеологизм ва унинг нутқий қуршовда воқеланиши ўртасидаги муносабатни эътиборга олиш бевосита кузатишида реал воқелангандан фразеологизм вариантыларни перцептив ҳолатдан абстракт ҳолатга айлантириш, мавхумлантиришни тақозо этади.

Мавхумлантириш шаклий жиҳатдан бир хил бўлган омоформаларда қандай амалга оширилиши муаммоси тилшунослик олдига янги вазифаларни кўяди. Худди лексик омонимия билан лексик полисемияни фарқлаш зарурити бўлгани сингари фразеологик сатҳда ҳам фразеологик омонимияни фразеологик полисемиядан фарқлаш зарурити туғилади.

Лексик сатҳда ўзаро боғлиқ икки ва ундан ортиқ семемалар, яъни денотатлар лексик полисемия ҳисобланиши кўпчиликка маълум. Масалан, қўлтиқ

лексемаси полисемик таркибга эга бўлиб, ушбу лексеманинг маънолари беш жилдли “Ўзбек тилининг изоҳли луғати”да берилишича, унинг биринчи семемаси “қўлнинг елка билан туташган ерида ҳосил бўлган бурчак, қўл ости”ни, иккинчи семемаси “океан, денгиз ва қўлларнинг куруклиқ ичкарисига кириб турган ва асосий ҳавза билан сув алмашиб турадиган қисми, кўрфаз”ни (ЎТИЛ. 5-жилд. Тошкент: Ўзбекистон миллий энциклопедияси Давлат иммий нашриёти, 406-бет) билдиради.

Бу лексеманинг полисемиклиги шундаки, бир-бири билан семантик мотивланган икки маъно бир лексеманинг мазмуний мундарижасига киради. Лексеманинг қайси семемада қўлланаётгани синтагматик куршов орқали англашилади.

Лексик омонимиянинг лексик полисемиядан фарқи шундаки, лексик омонимия ҳодисаси шакл ва мазмун муносабати бутунлигидан ташкил топган икки ва ундан ортиқ лексемаларнинг шаклан тенг келиб қолишидир. Лексик полисемия битта лексема доирасида бўлгани учун икки ва ундан ортиқ семемалар ҳам бир туркумга мансуб бўлса, лексик омонимия бир неча лексемалар муносабати бўлганилиги сабабли, кўпинча омонимик муносабатдаги лексемалар бир неча сўз туркумига мансуб бўлади. Масалан, *туш* “уйқудаги хотирлаш”, *туш* “юқоридан қўйига ҳаракат”. Булардан биринчиси от, иккинчиси феъл туркумига мансуб бўлиб, муҳими, уларнинг семантик муносабатида мотивловчи сема мавжуд эмас. Демак, лексик омонимия ва лексик полисемия ўртасидаги дифференциал белги мотивловчи семанинг мавжуд ёки мавжуд эмаслиги билан изоҳланади. Полисемия бу белгига кўра оппозициянинг кучли, омонимия эса кучсиз аъзоси саналади.


Худди мана шу белги тилнинг бошқа сатҳларига хос бўлган омонимия ва полисемия ҳодисаларини ҳам фарқлаш учун хизмат қилади. Профессор Б.Йўлдошевнинг фикрича, “Пфлар (полисемик фраземалар) таркибидаги маънолар ҳам худди лексик маъноларда бўлгани сингари ўзига хос контекстда, синтактик қуршовда намоён бўлади. Айрим Пфларнинг маънолари (семалари) ўзаро лугавий маъносидан ташқари лексик контекстида, грамматик табиати ёки синтактик қуршовида фарқланиши мумкин”⁶.

Хусусан, фразеологик сатҳ бирлиги бўлган фразеологизмларни олиб кўрайлик. Жумладан, *gap teğmoq* фразеологизми “танбех, эшитмоқ” ва “сўз навбати келмоқ” семемаларини ифодалаб, улар ўртасида мотивацион муносабат сақланган. Иккала семема “нутқа дахлдорлик” семаси билан туташиб туради. Фразеологик бирликни битта интеграл сема бирлаштириб туради. Шунинг учун *gap teğmoq* фразеологизми икки семемага эга бўлган битта тил бирлиги ҳисобланади.

Кўзи очиқ фразеологизмida бир неча семемалар уйғун бўлиб, Ш.Раҳматуллаевнинг “Ўзбек тилининг изоҳли фразеологик луғати”да фраземанинг дастлабки семемаси “тирик”, “барҳаёт”, иккинчи семемаси эса “яҳшини ёмондан, фойдана зарардан фарқлашга қобилиятли” тарзида изоҳланади.

Шунингдек, *бошига кўтармоқ* фразеологизми 1) “эъзозламоқ” (устозини бошига кўтаради); 2) “шовқин солмоқ” (хонани бошига кўтарди) маъноларини ифода этади. Фраземанинг дастлабки маъноси субъект валентлигига, иккинчи маъноси эса локал валентлигига эгалиги билан ўзаро фарқ қилади. Биринчи семема билан иккинчи семема ўртасида мотивация муносабати узилган. Шунинг учун “эъзозламоқ” ва “шовқин солмоқ” семемаларини ифодаловчи *бошига кўтармоқ* фразеологизми омонимик характерга эга бўлиб, шаклий бир хил иккита тил бирлиги саналади. Бу фразема тарихан полисемик табиатга эга бўлган битта фразеологизмнинг семемалари ўртасидаги мотивацион муносабатнинг узилиши натижасида майдонга келган.

Фразеологик омонимия икки ва ундан ортиқ тил бирликларининг шаклан ўхшаб қолиши экан, мазкур хусусият унинг моделида ҳам акс этиши зарур. Унинг умумий модели куйидагича:



Бу учбurchакнинг чап тарафи (A_1 ва A_2) ифодаси билан берилган томонлар – *шакл* бир-бирига устма-уст тушган шаклий томонни, ўнг тарафи (A_1 , $A_2 + C_1$, C_2 томонлар – *сигнификат*) икки ва ундан ортиқ маънони, остки тарафи (B_1 , $B_2 + C_1$, C_2 томонлар – *денотат*) эса икки ва ундан ортиқ денотатни ифодалайди. Омоним моделида A_1 , A_2 нуқтаси билан C_1 , C_2 нуқталари ўртасида контур чизиқли алоқа бўлса, полисемияда A нуқтаси билан C нуқтаси ўртасидаги муносабатнинг тўғри чизиқли алоқа орқали белгилаш мумкин, бу чизик мотивацион муносабатни ифодалайди.

“Сўз нутқий даража кўрсаткичи ва маъно нисбий тафовути полисемия ҳодисасини ҳосил қилади. Семантик структура шаклланиш қонуниятлари айнан ички моҳият кенгайишини тайин этади. Фраземада маъно тугаллигига мантикий таъкид юкланди. Бундай маъно кенгайиши ПФ табиатини белгилайди”⁷.

Кўринадики, тилнинг барча сатҳларида полисемияда семемалар ўртасидаги ички боғлиқлик сақланади, бир семема асосида иккинчиси келиб чиқади, улар ўртасида мотивацион муносабат мавжуд бўлади. Омонимияда ҳам икки ва ундан ортиқ семема мавжуд бўлса ҳам, лекин бу семемалар ўртасида семантик боғлиқлик, мотивацион муносабат мавжуд бўлмайди. Худди ана шу фарқланиш уларнинг моделлари дифференциацияси учун асос бўлиб хизмат қилади.

¹Н. Маҳмудов. Ўхшатишлар ва миллий образ// Ўзбек тили ва адабиёти. 2013. 1-сон. 3-бет.

²Т. Аликулов. Полисемия существительных в узбекском языке. Автореф. дис. канд. филол. наук. Т., 1966; М. Мирто-жиев. Ўзбек тилида полисемия. Т.: Фан, 1975; Ш.Раҳматуллаев. Ўзбек тили омонимларининг изоҳли луғати. Т., 1984 ва бошқалар.

³Ш. Раҳматуллаев. Ўзбек тилининг изоҳли фразеологик луғати. Т.: Ўқитувчи, 1978; Б. Йўлдошев. Ҳозирги ўзбек адабий типида фразеологик бирликларнинг функционал-услубий хусусиятлари: Филол. фан. докт....дис. автореф. Т., 1993; А. Маматов. Ўзбек тили фразеологизмларининг шаклланиши масалалари: Филол. фан. докт....дис. автореф. Т., 2000.

⁴Б. Йўлдошев. Ўзбек фразеологияси ва фразеографияси масалалари. Т.: Муҳаррир, 2013. 27-бет.

⁵Ш. Раҳматуллаев. Ўзбек тили омонимларининг изоҳли луғати. Т.: Фан, 1984. 6-бет.

⁶Б. Йўлдошев. Ўзбек фразеологияси ва фразеографияси масалалари. Т.: Муҳаррир, 2013. 126-бет.

⁷Б. Йўлдошев. Ўша асар, 129-бет.

«ҚИСАСИ РАБГУЗИЙ»ДА ҲАРАКАТ ФЕЪЛЛАРИ

Аннотация. Ушбу мақолада «Қисаси Рабгузий»да қўлланган ҳаракат феъллари мавзуий гурухларга тақсимлаб ўрганилган. Шунингдек, айрим ҳаракат феълларининг маъно нозикликлари ёритиб берилган.

Калит сўзлар: эски ўзбек тили, ҳаракат феъллари, семантик гурухлаш, маъно ўзгаришлари, маъно тараққиёти.

Маълумки, феъл бошқа сўз туркumlарига қараганда грамматик категорияларга бой сўз туркумидир. Шунингдек, турли синтактик конструкцияларда ҳам марказий ўринни эгаллади, гапнинг структурасини белгилайди, унинг қандай маъноли сўзлардан таркиб топишини билдириш имконига ҳам эга бўлади¹. Ушбу мақолада «Қисаси Рабгузий» асарида қўлланилган ҳаракат феъллари ва улар ифода этган маънолар ҳақида сўз юритилади. «Қисаси Рабгузий»да истифода этилган феълларни кўйидагича гурухлаштириш мумкин:

1) йўналма ҳаракат феъллари: *izala-* (5v17) – «юбормоқ», *yogri-* (88v5) – «юрмоқ», *čap-* (35v14) – «чопмоқ», *kir-* (33v20) – «кирмоқ», *čiç-* (7r3) – «чиқмоқ», *aq-* (16v6) – «оқмоқ», *qaç-* (12v1) – «қочмоқ», *kel-* (6r21) – «кељмоқ»;

2) тик ҳаракат феъллари: *tüs-* (89v16) – «тушмоқ», *in-* (89v12) – «тушмоқ», *sal-* (38r1) – «солмоқ», *yağ-* (22v14) – «ёғмоқ», *qaz-* (16r10) – «қазмоқ», *batur-* (46v2) – «ботирмоқ», *tam-* (40v20) – «томчиламоқ»;

3) айланма ҳаракат феъллари: *egir-* (13v11) – «айлантирмоқ», *ewrúl-* (197r4) – «бурилмоқ, айланмоқ», *ağna-* (69r13) – «аганамоқ», *kez-* (5v10) – «кеzmоқ», *umalan-* (165v1) – «юмаламоқ»;

4) тебранмана ҳаракат феъллари: *irğa-* (135r8) – «тебратмоқ, ирғамоқ», *qumrul-* (206r6) – «қимилламоқ», *silkin-* (113r12) – «силкинмоқ», *tebrän-* (42v7) – «тебранмоқ», *yelpi-* (143v14) – «еллимоқ»;

5) фаолият натижаси бўлган ҳаракат феъллари: *baqla-* (19r17) – «боғламоқ», *ula-* (193r10) – «уламоқ», *anuqla-* (92v9) – «тайёрламоқ», *anut-* (81v5) – «хозирламоқ», *qundaqla-* (33r19) – «йўргакламоқ», *yar-* (82v21) – «ёпмоқ»;

6) жисмоний таъсир ҳаракати феъллари: *ter-* (47v15) – «тепмоқ»; *tel-* (28 v13) – «тешмоқ»; *emlä-* (87v1) – «даволамоқ»; *sanč-* (44r13) – «санчмоқ»; *bas-* (77v4) – «босмоқ»; *ez-* (192r5) – «эзмоқ»; *yamur-* (31v2) – «йиқитмоқ»;

7) оғиз бўшлиғида амалга оширилувчи ҳаракатларни ифодаловчи феъллар: *tüwkür-* (23v8) – «туфламоқ», *sor-* (115r5) – «сўрмоқ»; *ür-* (178r19) – «пупфламоқ»; *tişlä-* (25v3) – «тишламоқ»; *oqī-* (84r3) – «ўқимоқ»; *chauna-* (11v6) – «чайнамоқ»; *em-* (37v10) – «эммоқ»; *ič-* (17r1) – «ичмоқ»;

8) адресив ҳаракат феъллари: *ber-* (10v19) – «бермоқ»; *at-* (41v20) – «отмоқ»; *sat-* (73r5) – «сотмоқ»; *uzat-* (84v21) – «узатмоқ»; *ulaš-* (31r20) – «улашмоқ»; *sač-* (60v20) – «соҷмоқ»; *böl-* (178v14) – «бўлмоқ».

XIV аср обидаси бўлмиш «Қисаси Рабгузий» асари лексикасини тарихий жиҳатдан ўрганиш жараё-

Аннотация. В данной статье глаголы действия в книге «Кисаси Рабгузи» изучены по тематическим группам, а также, показаны семантические тонкости глаголов действий.

Ключевые слова: староузбекский язык, глаголы действия, семантические группы, семантические изменения, семантическое развитие.

Annotation. The article studies the action verbs in the book “Qisasi Rabguzi” in thematic groups, as well as shows the semantic subtleties of action verbs.

Key words: old Uzbek language, action verbs, semantic groups, semantic changes, semantic progress.

нида ёдгорлиқда қўлланилган лексик бирликларнинг кўпчилиги полисемантик сўзлар ҳисобланниб, моносемантик бирликлар ҳам ўз ўрнига эга эканлигининг гувоҳи бўлдик. Ҳусусан, қадимги туркӣ тилда ва «Қутадгу билиг», «Девону луготит-турк» асаrlарида² а) «олмоқ», б) «эга бўлмоқ», в) «керағини олмоқ», г) «хотин олмоқ», д) «сотиб олмоқ», е) «тортиб олмоқ», ё) «тутмоқ», ж) «ишғол қилмоқ» (ДТС,32) каби маъноларда истифода қилинган **al-** (Тафсир,12964) ҳаракат феъли қиссада қўйидаги семаларни билдирган:

1. **Al-** лексемаси «Қисаси Рабгузий» ёдномасида ўзининг бош (денотатив), яъни «бирор нарсани ушлаб ёки тутиб қўлга киритмоқ» маъносида қўлланишда давом этган: *Yana kündä ikki kümüs mändin alur...* (239r19).

2. «Харид қилмоқ, сотиб олмоқ»: *Mundağ sigir kimdä bar ersä keltürsün ağrı bahā berip alurmen* (128v1).

3. «Эммоқ»: *Halima sağ emükin berdi ersä aldī* (185r3). Бу ўринда мазкур феъл **em-** сўзининг синоними сифатида кўзга ташланади: *Yettinci bir emükin din süt emär, ammā yana bir emükindin suw içär* (170v20).

4. «Кетказмоқ, йўқотмоқ»: *Yer üzä suwlarin aldī, kök yağımadı* (26v3).

5. «Асрармоқ, ўғил қилиб олмоқ»: *Sen bu oğlannı meniň qaparıqmında qoyğııl, kişilär kelip asramaqşa qolğaylar. Ančada sen asramaqqa alğııl, tedi* (33v5).

6. «Кўнгил овламоқ, таскин бермоқ»: *Köňüllärni yaxšılıq birlä alğaysen* (177v8).

7. «Тутмоқ»: *Oğlum teyü ilkimdän kim alğay, ulğartmışda kimni atam tegäy, təp yiğlađı* (183r5).

8. «Мехмон қилмоқ, едириб-ичирмоқ»: *Yarlığ: mäniň xalqımnı mändin özgä kim qonuqlay alur* (138r21).

9. «Бажармок, уддаламоқ»: *Bani İsräilda birägү ummatıň bu yükni kötäřä almađay* (213v3).

10. «Оёқ остига олмоқ, босиб ўтмоқ»: *Suw keldi ašuqığına tegdi, oğlı bar erdi, anı ayaq astığa alıp təpäsığına ađdı* (24v12).

11. «Рұхсатсиз, ноўрин қўлга киритмоқ»: *Mu'āviyanıň başı yastıuqqa tegdi ersä Yazidgä vasiyat qıldı: Husaynnı ağırlađı, sähä kelmiştä öz orniňda olturğııl. Mäl qolsa bergil. Bu qamuğ ularnıň haqı turur. Yolsuz alıp tururman tedi* (244r12).

Айни пайтда, лексик бирлиқ **-i(b)** аффиксли равиши дошлар ҳамда равишидош шаклидаги бошқа феъллар билан бирлишиб, кўшма феъллар ҳосил қилган ва бир қатор маъноларни ифодалаган:

1. «Тортиб олмоқ»: *Seni oğlanlarıň birlä öltürürmän, qızıñı tartıp alurman* (63v4).

2. «Олиб қолмоқ»: *Biz Yusufğa mundağ ögrätü berdük, qarındaşlığıň bu adă birlä alıp qalğııl* (97v10).

3. «Олиб бормоқ»: *Yigirmi yetti kişi öz mavlalarindin alu bardi* (244v5).
4. «Келтирмоқ, олиб келмоқ»: *Bu kelmişdä yarmaqları yoq erdi, tawar, juväl, kiyiz, arğamči alip keldilär* (101v16).
5. «Етказмоқ, хабардор қилмоқ»: *Bu kün biziñ hasratimizgä safar qıldığ ummatlarıňja alu bargılı* (214r20). Шунингдек, тадқиқ этилаётган лексеманинг характеристики томони шундаки, у обида тилида етакчи феъл сифатида от туркумидаги сўзлар билан биргаликда кўшма феъллар ясаган ва қуйидаги маъноларни англатган:
1. «Қўлга киритмоқ, ўлжа қилмоқ, эга бўлмоқ»: *Ani körüp qamuğ musulmānlar takbir aydilar. Ğanimatlar aldilar* (222r16).
2. «Ишғол қилмоқ, фатҳ этмоқ»: *Qırq yıldın soñ yana yābändin kelib Misriñi aldilar* (117r9).
3. «Кўтармок»: *Ya'qub yüzindä Yusufni Rubil egninä aldi...* (69v2). Ушбу мисолда лексема **kötär-** феъли билан маънодошлиқ қаторини юзага келтирган: *Yunus uluğ oğlin kötärdi, xatunı kiçik oğlin kötärdi* (152v13).
4. «Уйланмоқ, хотин олмоқ»: *Habil birlä tuğgan qıznı Qabilga berür boldi ersä Qabil ünämädi, meniñ birlä tuğgan qıznı alurmen, tedi* (15v7).
5. «Ушламоқ»: *Muhammadni(c.a.e.) kördilär tewäcılär tonın kiymiş, buruduqnı belinjä bağılamış, ilkinjä tayaq almiş* (188r10).
6. «Жавоб қайтармоқ, жавоб бермоқ»: *Sarsabil iñi yarlıqı birlä kelip Yunusşa salâm qıldi, Yunus alik aldi* (154r20).
7. Асар муаллифи «жанг қилмоқ, урушмоқ» маъносини **uruš-** лексемаси билан биргаликда **al-** феълига ҳам юклаган: *Jälut ham ilgäri keldi, aydi: ne birlä uruŞursen?* (133v3); *Elliç-elliç birlä ilik alisip, atlar yarişip, arqış tüşgän yergä keldilär* (76r2).
8. «Бироннинг номини эсламоқ, йўқламоқ»: *Rasulni, andağ duşman erdikim, atin ağızında almas erdi* (196r19).
9. «Жудо қилмоқ, айирмоқ»: *Ya'ni mənjä bir mu'jiza körgüzungil, yoq ersä, başını alurman tedi* (208r14).
10. «Асир олмоқ»: *Rasul alayhis-salâm sahâbalar birlä ularنى xatunların, oğul-qızların bulun alib keldilär* (230r7).
11. «Вафот этмоқ»: *Dävud ornığa kelip sağ qolın üzä yattı, Azräil jänin aldi* (137r3).
- al-** феъли кўмакчи феъл шаклида ҳам кенг кўлланилади:
1. «Намуна, ибрат олмоқ»: *Qamuğ xalayıq Mavlä qudratın bilsünlär, öz äjizlïqların änjasunlär, ibrat alsunlar...* (138v19).
2. Қиссада «севиб қолмоқ, ошик бўлмоқ» семаси **sew-** феъли ёрдамида очиб берилган: *Hadiça Muhammadni sewdi nubuvvat körmäsdän burun* (189r1). Айни пайтда зикр этилган маъно **al-** лексемаси орқали ҳам ифодаланган: *Dävud ul saçni, ul körknı körüb körjül aldurdı* (135r9).
3. «Үч олмоқ»: *İlahi banu qurayzadan öćümni almağunça jänimni almağıl* (229v16).
- «Бирор нарсани ушлаб ёки тутиб кўлга киритмоқ» ўрганилаётган феълнинг дастлабки маъноси бўлиб, қолганлари ҳосила маънолар³ ҳисобланади.
- Асарда қўлланилган **tüs-** – «тушмоқ» тик ҳаракат феъли қадимги туркий тил манбалари ва эски туркий адабий тилнинг илк ёдгорликларида «юкоридан, баланддан ёки бирор нарса устидан пастга, ерга ҳаракат қилмоқ» дастлабки мустақил маъносидан ташқари «бирор транспорт воситаси ёки уловдан тушмоқ», «сафарда бирор жойга бориб тўхтамоқ», «ёғмоқ», «узилиб тушмоқ», «бирор нарса ичига кирмоқ, чўммоқ» (ДТС, 600) сингари маъноларини ҳам ифодалаган. Шунни қайд этиш жоизки, «Ўзбек тилининг изоҳли луғати»да тушмоқ феълининг 26 та маъноси берилган (ЎТИЛ. II жилд. 237 – 239). Кузатишлар шуни кўрсатди, **tüs-** феъли мазкур асарда қуйидаги маъноларда қўлланган:
1. «Юкоридан, баланддан ёки бирор нарса устидан пастга, ерга ҳаракат қилмоқ»: *İbn Yaminniň yaşı aqa taxtdın tüsüp ewgä kirdi* (101v21). Шу ўринда қайд этиш жоизки, мазкур маъно сўзнинг бошқа семалари учун денотат вазифасини бажарган.
2. «Пасайиб бирор даражага етмоқ»: *El yük alğandın soñ narx tüsdi* (189v12).
3. «Мустаҳкамланган, қотирилган, тутиб турпилган еридан узилиб, ўз оғирлиги билан пастга кетмоқ»: *Eltip salâm qıldilar ersä, qufl tüsdi, qapuğ ačıldı, ravzadın ün keldi* (199v11).
4. «Умуман бирор ерга бориб кўнмоқ»: *Suwđin kečärdä altunnı suwğa tüsürdi* (164r4).
5. «Бирор нарса ичига кирмоқ»: *Oğlan emgäkläp barıp tanurğa tüsdi* (172r16).
6. «Ҳаволаб, учиб бориб ўз оғирлиги билан маълум жойга етмоқ»: *Aymışlar: yetmiş hijäbdin orta barmaq andazasında tajalliy nuri köründi, tağ altı kesäk boldi, üçüçü üçüp Makkagä tüsdi* (121v5).
7. «Сафар чоги бирор ерда дам олиш учун тўхтамоқ»: *Makkagä bir künlük yer qalıp erdi, tüsdi* (179v21).
8. «Маълум бир йўналишда тарқалиб, муайян нуқтага ёйилмоқ»: *Qaçan ul tünjlüklardin kün tüssä, ul gavharlär yaruqlıq berürlär erdi* (147r7).
9. «Илминмоқ»: *Bu kün neçä balıq tutsaq sähä berälij tedilär, ağı saldılar, närsä tüsmedi* (144v14). Ушбу мисолда тадқиқ этилаётган лексик бирлик **ilin-** феълининг маънодошлиқ сифатида кўзга ташланади: ...Közi Körklükka tüsdi, al qıldi, ağıga ilindi (77r10).
10. «Пайдо бўлмоқ, босмоқ»: *Ul-oq sāatda ölmädi, valekin ot andamininga qurt tüsdi* (231v18).
11. «Бирор хонадонга узатилмоқ, келин бўлмоқ»: *Tewäläri čalıqliq qılıpburunduqlatmasalar yanı tüşgän kelinlärni keltürüp, ún tüzüp irlaturlar* (198r2).
12. «Эга бўлмоқ»: *Abdul Mutallib aydi: alhamdulil-lähkim, mäniñ ixtiyärüm savab tüsdi* (186r13).
13. «Бирор хатти-харакатга киришмоқ»: *Berk yolga tüsüllär, ağış-iinişi te-lim* (225v8).
14. «От-уловдан ерга, пастга тушмоқ»: *Ba'zi rivâyatda kelmiş: Yusuf atdin tüsdi, atası birlä körüsdı* (106v19).
15. «Қандайдир сабаб ва мақсад билан бироннинг олдига бормоқ»: *Aydi: qaçan malikka bir iş tüssä, ul xoruslar çaqırur* (141w14).
16. «Межмон бўлмоқ»: *Rasul alayhis-salâm aydi: tewämni qoyuñ, kimniñ eşigijä čoksä, anda tüşgäymän tedi* (220v19); *Qonaq tüsüp aš yedi* (87v19).
17. «Боқмоқ, назар солмоқ»: *Kimniñ közi Musäga tüssä, tirik barınča közi körmäs erdi* (123v15). Бу ўринда лексема **baq-** феъли билан синонимик қаторни юзага келтирган: *Malik yana bekläriñja baqdı, yegimi tört miñ er birlä atlaniñ, keldilär* (64r16).
18. «Нуромоқ, ағнамоқ»: *Bir tam kördilär tüşgälü turur* (130v5).
19. «Дучор бўлмоқ, содир бўлмоқ»: *İblisgä ul häl tüsüñ berü közümüz yaşı qurımiş yoq* (209v8).
20. «Юзтубан ётмоқ»: *İsmail yiğlidayur turur erdi, ünin eşitsä, yetip keldi, körär İsmail öwrülüp yüzün tüsmiş* (48v13).
21. «Узоклашмоқ»: *Bu maqsuddin iraq tüsärmez* (198v5).
22. «Бирор мансабдан бўшамоқ, ҳурмат-эътибордан четда қолмоқ»: *Quđi tüşgänlärni yoqaru kötärgän, örä qopqanlarnı yumurlağan, bergänsän, alğansan, bu abušşaşa oğullar karāmat qılğıl* (78r21).
- Тахлил этилаётган лексема от ҳамда феъл сўз туркумларига оид сўзлар билан бирикиб, мураккаб

(қўшма) феъллар ҳам ҳосил қилган ва улар қўйидаги маъноларни англатган:

1. «Фитна қилмоқ»: *Haqiqat yüzürjä surat niqâbïn kemišdi qullarim fitnagä tüsmaşunlär tep* (76r14).

2. «Бошига қайғу, мусибат тушмоқ»: *Qaçan ularga bir mün̄-qađođu tüsśä, yağıları bilgürsä, ul tâbutnî ćıqarıp ilgärü qoyup, duâ qılsalar ul muñ, ul yağıdırın qutulur erdilär* (131v10).

3. «Хабар тарқалмоқ»: *Misr xalqı ara xabar tüsđikim, Mâlik Za'r bir qul oğlan ketürmiş* (75r4).

4. «Хомиласидан айрилмоқ»: *Yüklük urağutlar qatuğrı oğlan tüsürdilär* (136v12).

5. «Овоза бўлмоқ»: *Nâahllardin, kâfirlardin, zîndîqlardin musulmânlar ağızığa tüsdi, bilmâslîkdän sözlâyurlär* (145v1).

6. Асар муаллифи «севмоқ, яхши кўрмоқ» маъносини **sew-** феъли билан биргаликда **tüs-** лексемасига юклаган: *Köz körgäni jamâl ul, Sewmâk anî halâl ul* (78v18); *Mâhir erân mehriî tüsüti, mehriî bergân telim* (249v7).

7. «Йикимоқ, чўккаlamоқ»: *Anamnij aðaqiñga tüsüp, uzr qolup, sewük diydârin körüp qalgay erdim* (51r20).

8. «Ёнмоқ, ёниб тушмоқ, куюб тушмоқ»: *Qayu quş hawâda uçsa, qanatları kuyüb tüsär erdi* (41r8).

9. «Бошига тушмоқ»: *Maşriqdin Mağribğa tegi qayu yerdä tayaq taşlasa, kişi başingä tüsär erdi* (23r9).

10. «Ёдига келмоқ»: *Birägû keldi, qılıç birlä urayin tədim ersä, Rasul(c.a.v.) vasiyatı könlümägä tüsüti* (228r13).

11. «Қўлга тушмоқ, гирифтор бўлмоқ»: *Sänij ilkinjä tüsmaşäm qatuğrı örgränür erdim* (141v7).

12. «Балога қолмоқ»: *Sulaymân bin Yasar anî bilip, balâga tüsümägäyin teps Madinadin qaçtı va Sâmga bardi, anda ornadî* (82r14).

Айни пайтда, қиссада ўрганилаётган феълнинг **in-** маънодоши ҳам учрайди: *Mavlâdin ilk qat kök fariştalâriñjä yarlıq keldi, yergä indilär* (121r2).

Шундай қилиб, юқорида билдирилган фикр-мулоҳазалардан аён бўладики, матнинг турли стилистик тузилишига кўра, сўзларни ҳар хил маъноларда ишлатиш мумкин. Рабғузий сўзларнинг бу хусусиятидан лингвистик қоидаларга мувофиқ тарзда фойдаланиб, уларни ранг-баранг маъноларда кўллашга муваффақ бўлган. Бу эса муаллифнинг тилшуносликка оид билимларни пухта ўзлаштирганингдан далолатdir.

“Қисаси Рабғузий” асарида кўлланилган ҳаракат феълларининг таҳлили тарихий тараққиёт жараёнида тилдаги сўзлар бош маъносидан ташқари кўчма маъноларига ҳам эга бўлишини кўрсатади. Шу жиҳатдан олиб қараганда, сўз маъноларининг ривожланиш қонуниятларини диахрон аспектда текшириш тилнинг лексик бойлигини аниқлашга, луғат тузиш ишларига ёрдам беради.

¹Р. Расулов Ўзбек тилидаги ҳолат феъллари ва уларнинг облигатор валентликлари. Т.: Фан, 1989. 3-бет.

²Древнетюркский словарь. Л.: Наука, 1969. С. 32.

³Сўзнинг лексик маъноси орқали юзага келган иккичи лексик маъно ҳосил маъно деб номланди. Қаранг: М. Миртохиев. Ўзбек тили семасиологияси. Т.: Mumtoz so'z, 2010. 76–112-бетлар.

Эрнст БЕГМАТОВ,

филология фанлари доктори, профессор

МОТИВЛАРИ ЎЗ ЭЛИДА ҚОЛИБ КЕТГАН ИСМЛAR

Аннотация. Ушбу мақола атоқли отларнинг дастлабки ва ҳозирги мотивларини – асос маъноларини қиёсий ўрганишига бағишиланган. Унда муаллиф бир қатор исмлар – антропонимларнинг манба тил ва ҳозирги ўзбек тилидаги маъноларини таҳлил қўлган.

Калим сўзлар: атоқли от, исмшunoslik, мотив, мотивланганлик, қадимиги яхудий тили, араб тили, форс тили.

Бизни ўраб турган чексиз олам, унда юз бераётган сири синоатлар, турфа хил ҳодисалар ўзининг муайян сабаблари, қонуниятларига эга. Улар табиат қўйнида, ижтимоий ҳаёт, маънавият ва маданият соҳасида, жамиятнинг энг кўхна этник анъаналарида, шахсларнинг ҳайрон қоларли кашфиётларида амалга ошса ҳам сабаб ва оқибатнинг реал қонуниятлари натижаси сифатида юз бераверади. Ҳаттоқи фанда “табиат стихиялари” деб юритиладиган ҳодисаларнинг ҳам асосли сабаблари мавжуд. Бу хусусиятлар тилга татбик қилинганда ҳам кўринади.

Тилда коммуникатив вазифа учун керакли бўлмаган лисоний восита йўқ. Ўз навбатида, муайян воситалар учун номинатив асос бўлган тушунчасиз ном ҳам йўқ.

Аннотация. Данная статья посвящена сравнительному изучению первоначальным и современным мотивам имен собственных. В ней автор истолковывает значения антропонимов в языке-источнике и современном узбекском языке.

Ключевые слова: имя собственное, антропонимика, мотив, мотивированность, древний еврейский язык, арабский язык, персидский язык.

Annotation. The article focuses on the comparative study of the original and modern motives of proper nouns. The author interprets the values of anthroponyms in the source language and in the modern Uzbek language.

Key words: proper noun, anthroponymics, motive, motivation, ancient Hebrew language, Arabic language, Persian language.

Тилшунослиқда нарса ва ҳодисаларга ном бериш учун таянч бўлган белги ва тасаввур мотив деб юритилади. Бошқача қилиб айтганда, мотив бу – нарса ва ҳодисаларни номлашда сабаб, боис, важ бўлган¹ таянч белги, тушунчадир. Одатда, мотив нарса-ҳодисанинг нега шундай номланганига асос, далил бўла олади. Бу мотивланганлик термини орқали ифодаланади.²

Бирор ҳалқ тилидаги барча номланишлар мотиви мажмии тилшунослиқда мотивизация термини билан юритилади. Руҳшунослик фанида мотивни “...инсон фаолиятида муайян мақсадни бажаришга сабаб бўлувчи омил, важ”, – дейилади.³

О.С.Ахманова мотивланганлик тушунчасини шундай изоҳлайди: “Мотивланганлик шуки, ушбу мазмун кўзда тутилаётган ифодага у ёки бу даражада мос тушади”.⁴

Мотив, мотивация сўзларининг тилшунослик термини сифатидаги маъноси изоҳли луғатларда берилмайди ёки берилган ўринларда эса улар адабиётшунослик нуқтаи назаридан талқин қилинади.⁴ “Ўзбекистон миллий энциклопедияси”да эса **мотив** лексемаси руҳшунослик ва мусиқашунослик термини нуқтаи назаридан тушунтирилган. Мотив, мотивация тушунчаларини англатувчи лексемалар тилшуносликда кенг кўлланилади. Айниқса, бу терминлар атоқли отлар – ономастик бирлликларни ўрганишда илмий метод сифатида ишлатилади. Масалан, жой номлари ва антропонимларнинг номланиши хусусиятларини очишда мотив терминидан фойдаланилади.

Мазкур фикр объектив борлиқдаги ҳар бир нарса ва ҳодисаларнинг, тушунча ва тасаввурларга илк бор ном бериш жараёни ва ушбу жараённинг маҳсулни бўлган номлар учун ҳам тегишли. Шу маънода, мотив тилдаги ҳар бир лексема учун ҳам дахлдор. Аммо у ёки бу нарса ва ҳодисанинг нега шундай номлангани ҳар доим ҳам аниқ сезилиб турмайди. Чунки номнинг илк мотиви, уни ижод қилган шахсларгагина маълум бўлган сабаблари вақт ўтиши билан унтилиши мумкин, ном эса ўзи мансуб бўлган нарса ва ҳодисанинг номи сифатида тилда яшашда давом этади. Масалан, ўзбек тилидаги бир қатор қадимий лексемаларнинг мотиви ҳозирда биз учун тушунарсиз: кўл, оёқ, тош, сув, бузоқ, кўй ва бошқалар.

Шу билан бирга, тилда номлаш учун асос бўлган белги, моҳият, хусусияти сезилиб турадиган лексемалар маълум миқдорни ташкил қиласди: қирқоёқнинг (хашарот) номланиш мотиви унинг оёқлари миқдори, қизилиштон (куш)нинг номланиш мотиви қанотларида қизил рангли патларнинг борлиги, балиқчи күш мотиви балиқларни тутиб, шу билан озиқланувчи күш, билагузукнинг мотиви узукнинг билакка тақиши, болтабалиқ, болтатумшукнинг болтага ўхшаш шаклдаги, буғқозон (қозоннинг нимага мўлжаллланганлигига кўра), буғдойранг, бўзранг (рангининг кўриниш ҳолатига кўра) белгилари мотив бўлган ва ҳоказо.

Объектни номлашдаги мотивлар, айниқса, шахсга исм танлашда ёрқин намоён бўлади. Тилда бирор мотивга сабаб бўлмаган исм йўқ. Болага исм танлашда қабила, элат, ҳалқ ёки миллатнинг ижтимоий-иқтисодий, маданий ва маънавий, этномаданий расм-русумлари, орзу ва интилишлари, болани турли касалликлар, бевақт ўлимдан асрарни ифодалайдиган тушунчалар, чора-тадбирлар мотивлик ролини ўйнаган. Болага мана шундай омилларга таяниб қўйилган исмларнинг аксариятида этнолингвистик, социологик мотивлар аниқ кўриниб туради. Чунончи, болага соғлиқ ва узоқ умр тилаб берилган исмлар: *Ўсар*, *Турсун*, *Умрзок*, *Борбўлсин*; фарзандли бўлгани учун ном берувчиларнинг шодлик, мамнунлигини англатадиган исмлар: *Сеяндик*, *Қувондик*, *Суюнч*, *Суюнбой*; оиласда болалар кўпайишини исташ мотиви асос бўлган исмлар: *Кўлпайсин*, *Үйтўл*, *Үйтўла*, *Иўлдош*, *Эшбўл*, *Тиркаш*; қиз боланинг гўзал, келишган бўлиб балоғатга етишини исташ мотив бўлган исмлар: *Ойсулув*, *Ойтоза*, *Сулувхон*, *Сўлимой*, *Барно*, *Зебохон*, *Хурлиқо*, *Малоҳат*; ўғил боланинг кучли, жасур, шижаотли йигит бўлиб ўсишини исташ мотиви асос қилиб олинган исмлар: *Полөон*, *Паҳлавон*, *Жасур*, *Шербой*, *Шербўл*, *Миқлибой* ва бошқалар.

Ўзбек тилидаги барча исмларнинг мотиви юқорида келтирилган номларники каби аниқ сезилиб турмайди. Исм, одатда, оила аъзолари (ота-она, яқин қариндошлар) томонидан қўйилади. Шу сабабли исм-

нинг танлашиши ва болага ном сифатида қўйилиши айни жараёнда қатнашган шахслар (номинаторлар) гагина маълум, ўзгаларга номаълум бўлиши мумкин. Исм мотивининг номаълум бўлиши иккى сабабга кўра юз беради: 1) болага ном бериш жараёнида ўзга шахсларнинг иштирок этмагани туфайли; 2) баъзи исмларнинг узоқ ўтмиш (тарихий давр)да яратилган, вақт ўтиши билан ном мотивининг унтилгани, исм эса анъанавий ном сифатида тилда сакланиб қолгани туфайли. Биринчи ҳолатда исм мотиви оила аъзолари даврасида маълум, ўзгалар учун номаълум бўлади. Иккинчи ҳолатда исм мотиви кенг ҳалқ оммаси орасида ҳам номаълум бўлади. Масалан, *Ёвбосди*, *Ёвқочар*, *Ёвқочди*, *Черикбой*, *Уккибой*, *Чилон*, *Юмуқ*, *Ўрмон*, *Эгат* каби исмлар. Ушбу исмларнинг мотивини ишларимизда ўзимиз тахмин қилганимизча изоҳлашга ҳаракат қилганимиз⁵, бу изоҳлар мазкур исмларнинг ҳақиқиёт, илк мотивларини тўгри ва тўлиқ очиб бермаслиги мумкин. Исмнинг яратилишига асос бўлган мотивни аниқлаш иши ниҳоятда мураккаб иш бўлиб, бу кўплаб объектив ва субъектив омилларни аниқ белгилаш билан боғлиқ. Айни жиҳат ўзбек антропонимия тизимига ўзга тиллардан олинган ва ўзбек фарзандларининг анъанавий атоқли отига айланган исмлар мотивини аниқлашда яқъол намоён бўлади.

Ўзбек антропонимиясига ўтмишда форс-тожик ва араб тилларидан маълум миқдордаги исмлар ўзлашган. Исм учун асос абеллятив (турдош лексема) нинг луғавий маъноси араб ва тожиклар учун тушунарли бўлганидек, ўзбекларга ҳам тушунарли бўлгани боис бу лексемаларнинг исм вазифасига кўчгандан кейинги мотиви ўзбеклар учун ҳам осон англашилади: *Доно*, *Хуррам*, *Шодмон*, *Паризод*, *Хуршид*, *Рухсора*, *Лола*, *Мард*, *Шердил*, *Шерзод*, *Покиза*, *Покдила*, *Тозагул*, *Наврўз*, *Ганжина* (тожикча исмлар); *Азиз*, *Собит*, *Умид*, *Иқбол*, *Эҳсон*, *Ҳадя*, *Латиф*, *Иzzат*, *Олим*, *Олима*, *Моҳира*, *Анвар*, *Сокина*, *Малоҳат*, *Сижоат*, *Ҳилола*, *Нодир*, *Магрут*, *Одил* (араб тилидан ўзлашган исмлар ёки арабча ўзлашма лексема асосида ўзбеклар ясаган исмлар). Аммо ўзбек тилидаги ўзлашма антропонимлар барчасида ҳам мотив қайд қилинган номлардаги каби сезилиб турмайди.

Ўзбек антропонимлари орасида шундай номлар ҳам борки, уларнинг исм (шахснинг атоқли оти) вазифасига ўтишининг илк мотиви ном аслида мансуб бўлган тил соҳибларига (масалан, арабларга) тушунарли бўлса-да, ўзбеклар учун тушунарсиз бўлади. Чунончи, ўзбек тилидаги форс-тожикча олинма исмлар: *Сакия*, *Саббой* (хушёр), *Гарзан* (гулчамбар), *Дебоҳон* (дебо – матодек нафис), *Берун*, *Беруна* (бегона, ёт), *Тўнг* (шиша идиш), *Жазбия* (ёқимтой), *Нарина* (мулойим), *Родина* (саҳоватли), *Ануш* (бахтили, баҳтиёр), *Рўзбэҳ* (баҳтили), *Тирбой* (тengdoш, эш); *Жунайд* (гувалла, кесак), *Ҳазора* (турғун, собит), *Жазолат* (дилкаш, чечан), *Фузайл* (яхши хислатли), *Козим* (сабр-тоқатли), *Шомил*, *Шомила* (баркамол, етук), *Лабиба* (зийрак), *Зубай* (сарапланган, танланган), *Сабия* (кенжя қиз), *Сўгра* (энг кичик қиз) араб тилидан олинган исмлар ва бошқалар.

Ўзлашма исмлар орасида шундай номлар ҳам мавжудки, бу исмларнинг мотиви ўзи мансуб тилда, шу тиллар соҳиби бўлган ҳалқ орасида қолиб кетади. Номни ўзбек фарзандларига исм сифатида танлашга бу мотивлар асос бўла олмайди. Аслида қадимги яҳудий, араб ёхуд форс тилига мансуб бўлган бундай исмлар ўзбеклар учун маълум бўлган янги мотив асосида чақалоқча ном сифатида танланади. Буни қўйидаги чизмада аниқ тавсифлаш мумкин:

Ислам ёки лақаб	Исламнинг илк, асл мотиви	Ўзбек тилига ўтгач асос бўладиган мотив
Иброҳим	Қадимги яхудийча – “Библия”даги Абраам исменинг арабча шакли бўлиб, “халқлар отаси” маъносини англатади. Ривоятга кўра дунёдаги халқлар Иброҳимнинг ўғиллари Исҳоқ ва Исмоилдан тарқалган деб ишонилади.	Пайғамбарнинг исми, хосиятли исм сифатида берилади.
Исҳоқ	Қадимги яхудийча – айнан кулги, хандон; кулувчи, куладиган. Бу ном Исҳоқ пайғамбарнинг номи.	Пайғамбарнинг исми, хосиятли исм сифатида берилади.
Яъқуб	Қадимги яхудийча – ўчка, товон, эргашувчи. Ривоятга кўра эгизаклардан бири акасидан қолиб кетмаслик учун акаси товонидан ушлаб юрган эмиш.	Пайғамбарнинг исми, хосиятли исм сифатида берилади.
Исмоил	Қадимги яхудийча – худо эшитди ёки Аллоҳдан ўтиниб сўраб олинган бола, Аллоҳ тухфаси. Иброҳим пайғамбарнинг хотини фарзанд сўраб Аллоҳга илтижо қилган, кейин туғилган болага Исмоил исми берилган. Бу исм Мұхаммад (с.а.в.) пайғамбар ўғлининг исми ҳам бўлган.	Пайғамбарнинг исми, Мұхаммад (с.а.в.) ўғлининг исми бўлгани учун берилади.
Айюб	Қадимги яхудийча – ўқинувчи, афсусланувчи. Баъзи манбаларда сабр-тоқатли, чидамли; ибодат қилувчи.	Пайғамбарнинг исми, хосиятли исм сифатида берилади.
Идрис	Қадимги яхудийча, айнан: ўқувчи, ўрганувчи; тиришқоқ. Ушбу фазилатларга эга бўлгани учун Идрис пайғамбар мана шу лақабни олган.	Пайғамбарнинг исми бўлгани учун берилади.
Юнус	Қадимги яхудийча – иона. Ионис – капитар, кабутар.	Пайғамбарнинг исми бўлгани учун берилади.
Мусо	Қадимги яхудийча – “сувдан тортиб олинган” ёки қадимий мисрча: бола, чақалоқ. Мусо (Моше) яхудийлар пайғамбари.	Пайғамбарнинг исми бўлгани учун берилади.
Хорун	Арабча < қадимги яхудийча – тоғлик; ўжар, қайтмас ёки бой, бадавлат. Ҳорун Аарон номининг арабча шакли. Мусо пайғамбарнинг катта акасининг исми ҳам Хорун бўлган.	Пайғамбарнинг исми бўлгани учун берилади.
Илёс	Қадимги яхудийча – Аллоҳнинг курдати ёки халқларнинг севиклиси. Обиҳаёт ичib Хизр каби мангубирик деб ҳисобланадиган пайғамбар номи.	Пайғамбарнинг исми, хосиятли исм сифатида берилади.
Яхъе	Яхудийча – сахий, қўли очик; яшовчан, барҳаёт.	Пайғамбарнинг исми, табаррук ном сифатида берилади.
Довуд	Қадимги яхудийча – меҳрибон, чин дўст; шифо берувчи, соғинтирувчи.	Пайғамбарнинг исми, хосиятли исм сифатида берилади.
Сулаймон	Қадимий яхудийча – ҳимояланган, шикаст етмайдиган ёки осойишта, тинчликсевар. Асли Шелома\Саломон\Сулаймон пайғамбар номи.	Пайғамбарнинг исми, табаррук ном сифатида берилади.
Абубакр	Арабча – айнан: “бўталоқнинг отаси” ёки айбиз, гунохсизнинг ростгўйнинг отаси. Баъзилар “тонг отаси” деб изоҳлашган. Мұхаммад (с.а.в.) пайғамбар билан бирга намоз ўқигани учун Бакр лақабини олган	Пайғамбарнинг сафдошларидан бирининг номи бўлгани учун берилади.
Умар	Арабча – барҳаёт, яшайдиган. Бу исм баъзи манбаларда “зиёратчи”, “ҳожи” деб ҳам талқин қилинган.	Мұхаммад (с.а.в.) пайғамбарнинг сафдошларидан бирининг номи бўлгани учун кўйилади.
Усмон	Арабча – синиқчи, синган жойларни даволовчи ёки оғир, босик; мард.	Пайғамбарнинг сафдошларидан бирининг номи бўлгани учун кўйилади.
Али	Арабча – энг улуғ, энг юксак; юқори мартабали.	Пайғамбарнинг сафдошларидан бирининг номи бўлгани учун кўйилади.
Фотима	Арабча – “кўкракдан ажратилган” маъносида бўлиб, Мұхаммад (с.а.в.) пайғамбар кенжаша қизининг исми.	Мұхаммад (с.а.в.) пайғамбар кизининг табаррук исми сифатида кўйилади.
Хадича	Арабча – “чала туғилган” маъносида бўлиб, Мұхаммад (с.а.в.) пайғамбар хотинининг исми.	Мұхаммад (с.а.в.) пайғамбар хотинининг табаррук исми бўлгани учун берилади.
Зайнаб	Арабча – “тўлиқдан келган”, гўзал. Мұхаммад (с.а.в.) пайғамбар қизининг исми.	Мұхаммад (с.а.в.) пайғамбар кизининг табаррук исми сифатида кўйилади.
Ойша	Арабча – жони тошдек мустаҳкам, яшайдиган қиз. Мұхаммад (с.а.в.) пайғамбар хотинларидан бирининг исми.	Мұхаммад (с.а.в.) пайғамбар хотинининг табаррук исми бўлгани учун берилади.
Марям	Қадимий яхудийча – жуда аччик, заҳар-заққум ёки покдомон, номусли. Исо пайғамбар онасининг исми.	Исо пайғамбар онасининг табаррук исми бўлгани учун кўйилади.
Ҳасан	Арабча – яхши, тузук. Баъзи манбаларда эзгулик, фасоҳатли. Ислам Али ибн Толибининг Фотимадан туғилган ўғли, Мұхаммад (с.а.в.) пайғамбар набирасининг исми бўлган.	Мұхаммад (с.а.в.) пайғамбар набирасини ҳам шундай номлагани учун кўйилади.
Ҳусан	Арабча – сахий, чиройли маъносида бўлиб, Али ибн Абу Толибининг Фотимадан туғилган ўғлининг, яъни Мұхаммад (с.а.в.) пайғамбарнинг набираси исми.	Мұхаммад (с.а.в.) пайғамбар набирасини ҳам шундай номлагани учун қўйилади.

Чизмадаги маълумотлардан кўринадики, мазкур номларни ўзбекларнинг болага исм сифатида танлаши номнинг илк мотивлари билан боғлиқ эмас, балки исм соҳибининг қандай шахс эканлигига кўра боласига исм сифатида танлашидадир. Исмга асос бўлган илк мотив

ўз элида исмни биринчи бор танлаганлар хотирасида қолиб кетаверади. Демак, исм янги, иккинчи мотив асосида ўзбек фарзандининг атоқли отига айланади. Вақт ўтиши билан исмнинг илк мотиви тамоман унтилади, у ўзбек антропонимиясининг мулкига “айла-

нади”, ўзбек фарзандларига анъанавий ном сифатида кўйилаверади.

Хуллас, асосий, илк номинатив мотиви ўз элида – араблар, яхудийлар орасида қолиб кетган ўзлашма

исмлар ўзбек антропонимиясида муайян миқдорни ташкил қиласи. Бу исмлар маъно ва мотивларини изоҳлаганда бунга эҳтиётлик билан ёндашиш мақсадга мувофиқдир.

¹Русско-узбекский словарь, I том, Т., 2013. С.639.

²Ўша луғат, ўша бет.

³Ўзбекистон миллий энциклопедияси, 6-жилд. Т.: ЎзМЭ, 2008. 203-бет.

⁴О.С.Ахманова. Словарь лингвистических терминов. М., 1969. С. 245.

⁵Ўзбек тилининг изоҳли луғати. М.: “Рус тили” нашриёти, 1981; Ўзбек тилининг изоҳли луғати, иккинчи жилд. Т.: ЎзМЭ нашриёти, 2006. 618-бет.

⁶Қаранг: Э.Бегматов. Ўзбек исмлари маъноси. 2-нашри. Т., 2007.

Сайёра АЗИМОВА,

Фарғона давлат университети ўқитувчиси

ТАРЖИМА АСАР ТАҲЛИЛИДА ДЕТАЛНИНГ ЎРНИ

Аннотация. Таржима асарлар мазмун-моҳиятини очиб беришда таржимоннинг услиби аҳамиятли. Ушбу мақолада таржима жараённида аспилятдаги ҳар бир сўз, деталь ва жумлага дикқат билан ёндашиш лозимлиги, уларнинг асар мазмуний структурасига таъсири хусусида сўз юритилади.

Калим сўзлар: таржима, деталь, асар, семантика, структура, образ, лингвистика.

Аннотация. В данной статье автор утверждает, что в процессе перевода необходимо уделять особое внимание каждому слову, детали и предложению произведения-оригинала, поскольку раскрытии содержания и сути произведений-переводов важную роль играет стиль переводчика, кроме того, освещается вопрос их влияния на семантическую структуру произведения.

Ключевые слова: перевод, деталь, произведение, семантика, структура, образ, лингвистика.

“Таржимани ўрганиш ўз олдига, биринчи галда, реал таржима фактларининг ифодасини мақсад қилиб қўяди, яъни у прескриптив эмас, балки дескриптив характеристга эга бўлади”.¹ Бу эса асар таржимасининг синхрон тасвири, унданда ҳар бир шаклий ва мазмуний компонентларнинг ўзаро мувофиқлигини талаб қиласидир. Бу жараён адабий ҳамда лингвистик қонуниятларни ўрганишдан иборат.

Мазкур жараёнда деталнинг алоҳида ўрни бор. Чунки “деталь – бадиий образнинг ажralиб турадиган компоненти. Кенг маънода деталь – персонажларнинг психологияк ҳолати, фикр-мулоҳазалари ва кечинмалари ни аниқ тасвирлаб беради. Деталь образга айланishi ҳам мумкин”.² Масалан, американлик ёзувчи О.Генри “Сўнгги япроқ” ҳикоясида дугонасининг зотилжам қасалидан тузалишига ёрдам берган қўшни чол – жаноб Берманнинг вафот этгани ҳақидаги гапни эндиғина ҳаётга қайта бошлаган Жонсига қандай айтишини билмаётган ва чолнинг вафотидан азоб чекаётган Сьюнинг ички кечинмасини шарф детали орқали жуда таъсирли очиб берган: “That afternoon, Sue came to the bed where Johnsy lay, contentedly knitting a very blue and very useless woolen shoulder scarf”³ (Тушдан кейин Сью ўзи тўқиган тўқ кўк ва фойдасиз шарфни ўраб Жонси ётган каравотга яқин келди).

Сью дугонасига Берман ҳақидаги хабарни айтишига қўйналиб турган пайтда шарфни ўрайди. Бу билан дугонасини ҳаётга қайтаришда чол катта ҳисса қўшганлигини, шу боис унга нисбатан миннатдорлик ҳиссини намоён қиласи. Шунинг билан бирга вафот этган чолга нисбатан ачиниш ҳиссини ҳам ифодалайди.

Ҳикояда кўлланган дераза, печакгул, унинг барги, шўра, расм, куз, шамол, ёмғир, молберт каби деталлар ҳам Нью Йорк шаҳрида яшовчи икки рассом дугоналарнинг реал ҳаёти ва ички оламини очиб беришга хизмат қиласи. Ёзувчи учун “деталь воқеликни яратиш

Annotation. In this article, the author claims that it is necessary to pay special attention to every word in the process of translation, details and sentences of the original work, as the interpreter style, plays an important role in the disclosure of the content and nature of the translation works. Moreover, the article discusses the question of their influence to the semantic structure of the works.

Key words: translation, detail, work, semantics, structure, image, linguistics.

воситаси – ашёси бўлиб, у тасвирланаётган нарса-ходисани конкретлаштиради, уни ҳиссий идрок қилиш мумкин бўлган тарзда гавдалантиради”.⁴

Ҳикоядаги дераза детали образларнинг руҳий оламини катта олам билан боғлайдиган тафсилот вазифасини бажарган. Асарнинг биз фойдаланган асл нусхасида дераза детали 5 марта тилга олинган.

Ҳикоянинг ўзбек тилига М.Абдуллаев ўғирган вариантида дераза детали 12 ўринда қатнашган.⁵ Зухра Асқарова ўғирган вариантида эса 4 марта қатнашган.⁶ Ҳар иккала таржима ҳам инглиз тилидан ўғирилган бўлиб, М.Абдуллаев ҳикоя сарлавҳаси (THE LAST LEAF)ни “Сўнгги япроқ”, З.Асқарова эса “Сўнгги барг” деба таржима қиласи. Кейинги таржимада баъзи ўзгартиришлар кўзга ташланади. Асар экспозицияси қисқартирилган. Бу эса ҳикоядаги воқеликнинг аспилятдаги бадиий-эстетик, поэтик, лингвистик вазифаларини пасайишига олиб келган.

Таржимонлар деталнинг аҳамиятига баъзи ўринларда етарлича эътибор беришмаган. Шу боис ҳикоянинг асл нусхасидаги таъсирни сақлаб қолиш қийин кечган.

Ҳикоялар таржимасидаги бундай фарқлар аслида таржима жараённи ва манбаси билан боғлиқ ижодий манбашунослик вазифаси бўлгани учун улар ҳақида батафсил тўхтамаймиз, балки тадқиқотимиз объекти бўлган бадиий деталь, унинг асардаги бадиий-эстетик вазифалари ҳамда таржима жараёнда уларни сақлаб қолиш ҳақида сўз юритамиз, холос.

М.Абдуллаев таржимасида дераза биринчи ўринда тасвир детали бўлиб, даҳанинг умумий тасвирида шимолга қараганлиги баён қилинади. Иккинчи ўринда деразанинг кичкина ва голландча эканлиги айтилади. Голландча дейилишида қия шипли хона (мансард) деразаси назарда тутилади. Бу эса дугоналарнинг ижтимоий-иқтисодий аҳволини ҳам билдирад эди. Кейинги ўринда эса дераза ва кўз деталлари ўзаро

қиёсланади: “Жонси кўрпанинг тагида билинар-билинмас ётар, кўзлари эса дераза томон қадалганди”. Бу ерда кўз ва дераза деталлари мазмуни структура хосил қилиб, Жонсининг ички оламини ташки оламга боғлаган. Инглизча вариантда эса бу структура салгина бошқачарор тарзда берилган: “Johnsy's eyes were open. She was looking out of the window and she was speaking quietly” (Жонсининг кўзлари очиқ. Удеразадан ташқарига қаради ва хотиржам гапиравади). Ёзувчи кўз ва дераза деталларини келтирап экан, ҳикоядаги эпик кечинманинг кескин ва динамик эканлигига ишора қиласди. Чунки кўз кишининг ички дунёсидан хабар берса, дераза ўкувчидаги ташки дунё ҳакидаги фикрлар асоссацияни уйғотади. Бу билан Жонсининг кейинги ҳайтига қизиқиш кучаяди.

Шу ўринда айтиши керакки, асл манбада келтирилган юқоридаги гап ва унинг таркибидаги кўз ва дераза деталлари М.Абдуллаев таржимасида тўртинчи ўринда келтирилган: “У нигохини деразадан ташқарига қадаган кўйи санаради – тескари тартибда санаради”. Бу тасвирдан Жонси совуқдан бир-бир узилаётган печакгул япроқларини санаётганини англаш мумкин. Унда ана шу япроқ тугаса, умрим ҳам тугайди, деган фикр уйғонади. Бу ҳол эса асадраги эпик кечинманинг кескинлигини ва Берман образи моҳиятини очища мухим ўринга эга.

Дераза деталининг кейинги қўлланиши эса Сьюнинг қалбидаги хавотир билан боғлиқ ҳолда келади: Sue looked out of the window (Сью хавотир олганча деразага қаради).

Мазкур ҳолатдан кейин ёзувчи илк бор асар содир бўлаётган саҳнага ҳикоянинг сарлавҳасига кўтарилилган печакгул япроғини олиб киради: “Изларидан чирий бошлаган, эгри-буғари қари печакгул гишт деворнинг ярмигача чирмашиб кетганди”.

Эътибор бериб ўқилса, шу пайтгacha ҳикояда печакгул ҳақида ҳам, унинг япроғи ҳақида ҳам сўз юритилмайди. Бир қарашда оддий ҳолатдек туюлган бу тасвир кейинчалик бошқа деталлар билан муносабатга киришиб, воқеликнинг тўлақонли ва конкрет тарзда шаклланишига ёрдам беради. Айниқса, асадарда деярли ҳаракатсиз ётган бемор қиз – Жонси образининг кураши содда ва таъсирли тарзда етказилади. Бу билан муаллиф образнинг жонли чиқишига эришган.

Бундан ташқари, печакгулга нисбатан эгри-буғари, қари каби элитетларининг жорий қилиниши уни ёш қиз Жонсига нисбатан мазмуний зидланишига олиб келган. Умумий тасвирда антитеза усули ёрдамида ёш ва қари мазмуний контрасти юзага келган. Бу эса Сьюнинг қалбига таъсир этади. У дугонасига садоқатли қиз ва оддий инсон сифатида Жонсининг фойритабии холатидан қайғуради. Кейинчалик бу хавотирини биринчи қаватда бир ўзи, чоғроқина квартирада яшайдиган рассом чол – Берманга куйиниб айтиб беради ва улар биргалиши қизнинг хонасига киришади.

Тасвирга эътибор берилса, печакулдаги кексалик, қарилек ва шунда ҳам орзу-умидларини йўқотмаслик, ҳаётга ташналик сезилиб туради: “Кузнинг совуқ нафаси унинг баргларини аёвсиз тўкиб юборган, деярли

яланғоч бўлиб қолган новдалари эса уқаланиб кетаётган гишт деворга жон ҳолатда тирмашиб турарди”. Мазкур тасвир ва ундаги печакгул деталида Берман образининг дастлабки тасвири билан ҳамоҳанглик бор: Old Behrman lived downstairs. He was also an artist, but he had never painted a good picture. He was sad about this and he was angry about it too. ‘One day, I will paint a wonderful picture,’ Behrman often said. ‘One day, I will paint a masterpiece.’ But he had never painted a masterpiece. And he was more than sixty years old” (Кекса Берман пастки қаватда яшайди. У рассом бўлган, лекин ҳеч қачон расмни яхши чиза олмаган. Шунинг учун бўлса керак, жуда баджахл ва ғамгин эди. У ўзига ўзи тез-тез: “Бир куни ажойиб расм чизаман”, – деб қайтаради. Лекин чизгандлари шоҳ асар бўлмаган).

Иккаласи ҳам кекса, иккаласи ҳам омади юришмаган. Печакгул унумдор тупроқ қолиб, гиштин деворга чирмашиб яшашига маҳкум. Қария эса ҳамон илҳом пасрисини кутиб яшайди. Лекин иккаласида ҳам қалб бор. Яъни иккаласи ҳам ҳаётга ташна, иккаласи ҳам гул – кишиларга нимадир беришга интилади.

Ҳикоя структурасидаги ана шу қисмда Берман ва печакгул образлари ўзаро бирлашади. Аниқроғи, печакгул шамол ва ёмғирга қарамасдан Жонсига умид бағишлишга уринаётгандек туюлиши Берманга ҳаётдаги шоҳ асарини яратишга илҳом беради. Қиздаги умид сўнмаслиги учун учинчи қават деразасидан кўриниб турадиган дараҳт шоҳига тунда сунъий япроқ ясад, бўяб илиб қўяди. Узи совуқ ва ёмғирда қолганига қарамай, қизга умид бағишлиш учун умрими унга баҳшида этади.

Бунга у Сьюнинг гапидан кейин, Жонсининг хонасига кириб япроқни илк бор кўргандаётк киришган эди. Шунинг учун Сью Берманнинг қаҳрамонлиги олдида лоп қолганча, дугонасига унинг жасоратини кўк шарфини ўраб келганча айтиб беради.

Япроқ детали ва Сьюнинг овозидаги ҳазинлик бирлашиб Берман образининг зиммасидаги катта эстетик вазифа – инсонпарварлик ғоясини жуда ишонарли тарзда ифодалаб берган. Тўғри, бир қарашда чолнинг бесамар ҳаёти ўз якунига етди. Аммо у бир умр кутиб яшаган илҳом парисини топиб, етук асарини яратиб бўлгач, вафот этди. Бу билан ҳар қандай киши ҳам у каттами, кичикми, ҳаётда асл мақсадини бажариши кепрак, деган ғоя илгари сурилган.

Ёзувчининг маҳорати шундаки, у сўз билан айтиб бўлмайдиган катта дардни деталлар ёрдамида кўрсатиб бера олган. Шунинг учун В.В. Набоков ўз маърузаларида: “Careless the details!” (Деталларни эркаланг!) – деб тақоррлар экан.⁸ Гарчи деталь унча катта бўлмаган, майда тафсилот бўлса-да, у йиғилиб бориб асар мазмунидаги ҳаётсеварликни, меҳр-оқибат ғояларини очиб берган.

Шундай қилиб, О.Генри ўз асарларида бадиий деталь кўпллаш орқали ўкувчининг бадиий воқеликни қабул қилиш қобилиятини кучайтиради, матннинг таъсирчанигини оширади. Ёзувчининг истеъоди қаҳрамонлар характеристидаги чин инсонийлик фазилатини кичик деталлар орқали очиб бера олишида кўринади.

¹ В.Н. Комиссаров. Теория перевода (лингвистические аспекты): Учеб. для ин-тов и фак. иностр. яз. М.: Высшая школа, 1990. С. 20.

² Литературная энциклопедия терминов и понятий / Под ред. А.Н. Николюкина. Институт научной информации по общественным наукам РАН. М.: НПК «Интервал», 2003. С. 221.

³ www.literturecollection.com/a/o Henry/. Entnommen aus: HEINEMANN ELT GUIDED READERS. O.Henry, The Last Leaf and Other Stories.

⁴ Д.Куронов, З.Мамаконов, М.Шералиева. Адабиётшунослик луғати. Т.: Академнашр. 2010. 89-бет.

⁵ О.Генри. Сўнгги япроқ // Шарқ ўлдузи. 2011 йил №4, 92–96-бетлар.

⁶ http://www.ziyouz.com/jahon-nasri-antologiyasi/o-genri

⁷ www.literturecollection.com/a/o Henry/. Entnommen aus: HEINEMANN ELT GUIDED READERS. O. Henry, The Last Leaf and Other Stories.

⁸ http://www.rae.ru. В.А. Павленко. Деталь в творчестве Франца Кафки: сущность и функционирование.


«РИГВЕДА» – ХИНД АДАБИЁТИ ВА МАДАНИЯТИНИНГ АСОСИ

Хинд адабиёти фоят бой, ранг-баранг, кўп тилли бўлиб, камида уч ярим минг йиллик тарихга эга. Кўп нарсалар вақт гирдобига фарқ бўлиб йўқолиб кетди, аммо унинг асосий устуни «Ригведа» бардавом бўлиб колди. Бу асос заиф ва хира эмасди, балки яшиндек чакнок эди. «Ригведа» аллакандай шилдираган жилгача эмасди, балки ундан замонлар оша буюк дарё вужудга келди. Аслида уни четлари кўринмас кўлга ўхшатиш мумкин, ундан вужудга келган нарсадан кўра унинг ўзи аклни кўпроқ хайратга солади, у ҳамиша битмас-туганмас манба бўлиб қолаверди. Албатта, «бошланиш»гача ҳам нимадир бўлиши керак эди, аммо биз бу борада ҳеч нарса билмаймиз, фақат тусмол қилишимиз мумкин, холос. «Ригведа» ўз миқёсига кўра факат аниқ ва равшан ашё бўлибгина қолмай, балки Хиндистон тарихи учун катта даврийлик аҳамиятига молик воеа-ҳодиса билан узвий боғлиқдир.

Эрамизгача II мингйилликнинг тахминан ўталарида хозирги Панжоб минтақасига гарб томондан – Хиндикуш довонлари оркали ўзларини орийлар деб атаган жангари қабилалар бостириб кира бошлайди. Улар келиб чиқиши ҳинд-европа оиласидан бўлган қадимги тиллардан бирида гаплашган. Бу тил қадимги Эронда истиқомат килган қўшни қабилалар тилига яқин бўлган, улар факат ҳарбий салоҳияти бўйичагина эмас, балки шеъриятбоп сўзлари билан ҳам ажralиб турган. Шу тилда улар ўзлари кўришни орзу қилган дунёкарашларини маҳорат ила назм ипига тизганлар. Бу қабилаларнинг асосий хазинаси уларнинг келажакдаги йигноғи бўлмиш «Ригведа»га замин бўлган мадҳиялар эди.

«Ригведа»нинг қадимги ҳиндлар маданиятида, шунингдек, умумий ҳинд-европа маданиятининг янада кенгрок маънода тутган алоҳида ўрнини тушуниш учун у юзага келган шарт-шароитларга мурожаат қилмоқ керак. Орий қабилаларининг кўчишлари кўплаб асрларга чўзилган ва ўз тўлқинлари билан кенг майдонларни қамраб олган. Орийларнинг Хиндистонга кириб келгунига қадар жойдан-жойга кўчиб юришлари ва босиб ўтган йўллари ҳакида аниқ маълумот йўқ. Аммо орийлар у ерда илк бора пайдо бўлганларида уларда фақат жанг араваларигина бўлиб қолмаган, балки худолар шаънига айтилган, уларнинг жанговар руҳини кўллаб-кувватлайдиган, душманлар устидан ғалаба қозонишга интилишларини акс эттирадиган, шон-шуҳрат, сарват, мардона фарзандлар, гуллаб-яшнашни тараннум этган диний мадҳиялар, оятлар бор эди. Бу мадҳия ва оятлар коҳинларнинг оиласидан оғиздан-оғизга, авлоддан-авлодга ўтиб келган. Турли ҳалқларнинг диний шеърияти, умуман, қадимпарастлиги (архаиклиги) ва эскиликтарастлиги (консерватизми) билан ажralиб ту-

ради. «Ригведа»да қадимги «Авесто» (анча кейинги) билан диний афсоналар (мифология) ва урф-одатлар борасида ўхшашликлар жуда кўп учрайди; «Ригведа» илоҳларининг айрим ноаниқ мифологик сиймолари ёки сабаби кўрсатилмагандек туюловучи хусусиятлари бошقا



қадимги ҳинд-европа анъаналари (шу жумладан, славян ва болтиқ)нинг тегишли қаҳрамонларини бир-бири билан таққослагандан кейин маълум бўлади. Ниҳоят айрим шеърий усуллар, қадимги адабий қоидалар, умуман, коинотни яратишга кодир олий ижодий қудрат сифатидаги СЎЗ ҳақида тасаввур ушбу шеърий ёдгорликни юоннлар, германлар, кельтлар ва бошқа ҳинд-европа ҳалқларининг қадимги шеърияти билан боғлаб туради, умумий ҳинд-европа шеърий тилининг айрим қисмлари ёки муҳим хислатларини тиклашга ёрдам беради. Бу жиҳатдан «Ригведа» кўрсаткичлари шуниси билан муҳимки, бу жуда қадимги ёдгорлик ҳажм жиҳатидан ҳам жуда катта («Илиада» ва «Одиссея» икковига teng келади) бўлган.

«Веда» – муқаддас билим бўлиб («Ригведа» эса бу мадҳияларни ўз ичига олган веда), ўша даврдаги инсоннинг ўзи ва уни курсаб турган олам: маъбудлар, девлар, коинот, расм-руsum, ижтимоий тузилма, ахлоқ-одоб қадриятлари ва ҳоказолар ҳакидаги билимларнинг ҳаммасини ўзида мужассам этади. «Ригведа» – маъбудларга бағишлиган мадҳиялар йигноғи, яъни диний ёдгорлик ҳисоблангани боис унинг муаллифлари – хонанда ришилар вазифасига, энг аввало, маъбудларни орийлар томонга оғдириш кирган: маъбудларга ҳамду санолар айтилган, уларнинг жасоратлари ва фазилати алқанган, уларни қурбонликларга таклиф қилганлар, орийларнинг ҳаётий фаровонликлари учун зарур бўлган раҳматлар ёғдиришни, кўллаб-кувватлашни сўраб илтижолар қилганлар. Шу ўринда маъбуд ва унинг муҳиби ўртасида

вазиятлар алмашинуви рўй беради. Қадимги маданиятлар учун бу хос ва мос одоблардан бири бўлган. Илоҳга таъсир ўтказишнинг энг муҳим воситаларидан бири ғоят нозик дид билан тўқилган мадхия бўлган, тил билан орйлар учун энг асосий ва айни вақтда жимжимадор сўзлар замирида эзгуликни яшириб турган шартли тимсолларни ифода этган. Қутлуғ Сўзнинг бу олий шеърий санъати фавқулодда маҳоратга етишган ришиларнинг неча-неча авлодлари томонидан чархланган. Аммо уларнинг диний шеърияти ҳеч қаҷон ўз қабиладошларининг мавжуд ҳаётини тавсифлашга мўлжалланмаган эди. Бу ҳаёт ҳакида билвосита тарзда гоҳ унинг мифологиядаги акслари бўйича, гоҳ расм-русум ва урф-одатларнинг алоҳида жиҳатлари бўйича, гоҳ турли афсоналар бўйича фикр юритиш мумкин. Албатта, гоҳо ҳакиқий ҳаёт бевосита мифологик воқеа-ходисалар ҳакидаги ривоятга жанг шовқинлари (отлар, жанг аравалари, ўқ-ёйлар) билан афсонага кўчиб ўтади ва вақт яна ўз даврасини ниҳоясига етказади. Веда ришиси нигоҳи марказида модель колади: инсон – маъбуд, модель атрофида колган ҳамма нарса жойлашган бўлади. Бу модель дин ва этнография тарихи нуқтаи назаридан қадимги инсон руҳиятини ўрганиш учун катта маърифий аҳамиятга эга.

Ҳинд маданиятининг тури-туман соҳалари куч оладиган манба сифатида «Ригведа»нинг аҳамияти бекиёсdir. Муқаддас билим ҳаммасини ўзида мужассам этган. Бундан кейинги ривожланиш фарқлама йўлидан кетган. Мумтоз ҳинд фалсафасининг барча асосий мактаблари у ёки бундай тарзда «Ригведа» коидаларидан келиб чиқади. Гоҳ уларни қабул қиласа ва бундан кейин ишлаб чиқса, гоҳ улар билан баҳсга киришади. Чўққиси Панини сарфу нахви (грамматикаси) деб ҳисобланган (эрамизгача V аср) машхур ҳинд тилшунослиги фонетик рисолалар асосида аста-секин вужудга келган, уларнинг мақсади муқаддас веда матнининг тўғри талаффузини сақлаб қолишдан иборат эди. Математика (риёзиёт) ва геометрия (ҳандаса) каби аниқ фанлар муйайн тарзда дунёning тўрт томонига қараган меҳробнинг тузилиши билан боғлик ҳисоб-китоблардан бошланган. Астрономия (фалакшунослик) осмондаги «Ригведа» курбонликлари вақтини белгилаган ёриткичларнинг ҳолатини ўрганиш билан бошланади.

Ҳинд адабиёти «Ригведа»дан бошланади. Оғзаки холда юзага келган, сақланиб қолган ва авлоддан-авлодга ўтиб келган бу ажойиб йигноқда кейинчалик эпик ва мумтоз адабиётда ишлаб чиқила бошланган қаҳрамонлик ривоятлари (энг аввало, Индрга бағишлиган ҳамду санолар), лирик шеърият, фалсафий лирика, драматургия («Ригведа»нинг сухбат тарзидаги мадхиялари) каби жанрларга асос бўлди. «Ригведа»да кейинчалик санскрит адабиётида турли вариантларда учрайдиган сюжетлар сираси биринчи марта тақдим этилган. Санскрит адабиёти ўзининг қадимги намуналарга анъанавий тарзда йўналганлиги билан ажralиб туради. Дунёвий шоҳ Пуруавас ва Калидас пъесасига асос бўлган самовий фаришта Урвashi севгиси тарихи ана шундай; кудукка ташланган ва ҳаёлан маъбудларга курбонлиқ келтиргани боис омон қолган Триба тарихи ҳам шундай (у «Махобҳорат»да қайта гавдалантирилган); «Ригведа»да тилга олинган, кишинлардан озод бўлган браҳманлар, «Махобҳорат» ва «Рамаяна»да батафсиликр оқс эттирилган Шунаҳшен воқеаси ҳам шу сирага киради; та-насидан фалакни яратиш учун маъбудларга курбон

килинган самовий улкан Пуруш (одам) мавзуси ҳам «Ригведа»да қайта ишланган ва ведадан кейинги адабиёт – «Атҳарваведа», упанишад ва бошқаларда давом этирилган. Ниҳоят эрамизгача вужудга келган қадимги хинд шеърияти ҳам антиқалиги ва ғоят ўткирилиги билан ажralиб турган, ведавий ришиларнинг олий даражадаги шеърий санъатисиз улар вужудга келмаган бўларди. Веда ришилари тилни «ўйнатиб» юборар, товуш воситасида мазмунни ифода этар ва сўз воситасида қўшалоқ рамзлар келтириб чиқарар эди (таққосланг: Ўрта аср ҳинд шеъриятида ухвани назарияси).

«РИГВЕДА» ВА «АВЕСТО»

«Ригведа»нинг аниқ тадрижини белгилашда унинг «Авесто» билан муносабатини ҳисобга олмаслик мумкин эмас, бироқ бу икки ёдгорликни тадрижий жиҳатдан қиёслашу мүкаррар сувратда шунга олиб келадики, ҳар бири ўз навбатида аниқлаш ва қўшимча ўрганишга муҳтоҷ катор соҳаларга мурожаат этиш заруриятини туғдиради. Маълумки, «Ригведа» ва «Авесто» тил бўйича, энг аввало, ўзларининг энг қадимги қисмларида («Ригведа»нинг «эътиборли» мандаллари, «Авесто»нинг гатлари) бир-бирига ҳаддан ташкири яқин. Ўхшашлик шу қадар яқинки, гоҳо ҳар иккала матн бир архематининг икки хилидай туюлади, факат товуш мувофиқлиги турли қоидалар билан ажralиб туради, холос. Айрим олимларнинг баъзи шеърларни «Авесто»дан ведага таржима қилишдаги ҳаракатлари, натижада асилигининг веда тилидан ажратиш қийин бўлган шеър келиб чиқкан, сабаби шунда. Бундан ташкири «Ригведа» тили ўз хусусиятлари бўйича «Авесто» тилига яқинлиги эътиборни тортади. Ҳинд адабий ёдгорликларининг анча кейинги ёдгорликлари, масалан, эпос тили ёки мумтоз санскрит шеърияти тилига қараганда ҳам яқинроқдир.

Шеърий тилнинг катор умумий тавсифлари мавжудлиги ҳам «Ригведа»ни «Авесто» билан бирлаштиради. Бу ерда шоирнинг жамиятдаги ўрни ва ҳаракатлантирувчи куч сифатида унинг шеърий санъатига берилган баҳо муҳим, бу куч самовий тартиботни сақлаб туради, шоир ҳакиқатни тараннум этади; ҳолбуки, у умумий ҳинд-европа тиллари сирасига кирмайди ва ҳоказо; катор умумий шеърий қоидалар (улар бундан кейинги санскрит шеъриятига ёт) қўлланган. Барқарор фразеологизмлар, ёқимли иборалар қадимги умумий орий шеърий анъанаси бўлганидан гувоҳлик беради. Умумҳинд-европа шеърий тили бўйича ҳозирги ишларда (бу соҳа кейинги ўн йилликларда шитоб-ла ривожланмоқда) «Ригведа» ва «Авесто» ягона минтақавий шеърий анъана асарлари сифатида талқин этилмоқда, унинг юон шеърияти билан кейинги алоқалари ҳинд-европа жамияти доирасида шарқий ҳудудни ташкил этади.

«Ригведа» ва «Авесто» ўртасидаги бундай катта яқинлик, энг аввало, тилга ва қисман шеърий нуткка тааллуқлидир. Бунда у, айтиш мумкинки, юзада ётади. Мифологияда иш бирмунча ўзгачароқ, чунки бу иккала ёдгорликда умумий мифологик мерос икки хилмажил диний тизимга кўшилиб кетган, шулар доирасида тегишли равишида турлича ўзгаришларга дучор бўлган. Биринчиси қадимги «Авесто» зардустийликнинг муқаддас матнлари йигноғидан иборат. Зардустийлик – қадимги дин бўлиб, ҳозирги вақтда ҳинд парслари шу динга сиғинади¹. Бу диннинг асосчиси Заратуштра (Зардуст) диний ислоҳотчи бўлган. Табиийки, эски

умуморий мифология янги диний тизимга алоҳида қисмлар ва бўлаклар сифатида кириши мумкинлиги муносабати билан янги тизим таркибида олдингидан бошқачароқ маъно касб этиши эҳтимолдан холи эмас. Хинд заминидаги орий дини гарчи эрон тилига бўлган таъсири бощдан кечирмаган бўлса-да, маҳаллий динлар билан муносабатга киришиб, ўз тараққиёт йўлида давом этди. Хуоса қилиб айтиши мумкинки, умумий манзара «Ригведа»да яхши сақланиб қолган, бироқ барабир қатор ҳолларда айрим мифологик хусусиятлар «Авесто»да «Ригведа»дагидан кўра анча қадими тус касб этган.

Энг аввало, мифологик қаҳрамонларнинг икки синфи мавжудлиги умумий мифологик меросга киради: *veda deva – авес. daeva; veda asura – авес. ahura*. «Ригведа» ва «Авесто» ўртасидаги тафовут шу икки синф талқинидан иборат. «Ригведа»да *deva* маъбуллар, «Авесто»да эса *daeva* – девлар хисобланади. Иккичи синфга нисбатан бундай кескин қарама-қаршилик йўқ: «Авесто»да *ahura* факат маъбулларни билдиради (Таққосланг: *Ahuramazda*), «Ригведа»да эса *asura* маъбул сифатида ҳам бўлиши мумкин (энг аввал Адитйалар синфидан; Митра, Варуна ва ҳоказо), девлар синфи ҳам бўлиши мумкин. Хинд заминидаги бундан кейинги ривожланиш шундай йўналишида содир бўлганки, кейинги веда адабиётида *asura* сўзи мутлақо салбий тус касб этади ва браҳманлар мифологиясида маъбуд – дев ва унинг рақиби – *asurlar* синфи ўртасидаги доимий кураш акс эттирилган. Девлар ва асуrlар ўртасидаги дастлабки нисбатни факат «Ригведа» ва «Авесто» ашёларини таққослаш ёрдамида қайта тиклаш мумкин бўлади.

«Ригведа»да маъбуллар зумраси (пантеони) бошлиги – момакалдироқ ва уруш маъбуди, дев ва душманларни енгувчи Индра хисобланади. Унинг асосий самовий жасорати дарранда иблис Вритра (*Vritra* – тўсик) ни ўлдиришдан иборат эди. Вритра дарёни бўғиб кўйган бўлиб, уни ўлдиргани учун Индрага *Vritrahui* – «Вритранинг қотили» деган унвон берилган. «Авесто»да *Varadragna* деган мустақил мифологик қаҳрамон мавжуд. Индра эса майда иблис сифатида танилган. Қайта тиклаш ёрдамида шу нарса кўрсатилганки, хиндулардан кўра бу афсонани, афтидан, «Авесто»да анча кўхна шакли сақланиб қолган.

«Ригведа» ва «Авесто»нинг алоҳида мифологик қаҳрамонлари орасида турли суратларда ривожланган ирсий алоқани пайқаш мумкин. Улар этимологик жиҳатдан ўхшаш исмлар бўлиши, бир хил сифатлар билан белгиланиши, гоҳо кенг кўламни камраб олган ўхшаш вазифалар, (фаолиятлар) билан тавсифланиши мумкин. Масалан, «Ригведа»даги *Mitra*, «Авесто»даги *Mithrani* олайлик. Шулардан биринчиси «Ригведа»да хира ва мавхум бўлиб Варуна билан биргаликда, одатда, жуфт маъбуд сифатида кўлланади (*Mitravaruna*). Иккичиси эса «Авесто» тизимида марказий ўринлардан бирини эгаллаб, уни Ахура Мазда яратган хисобланади ва келиб чиқиши бўйича қадимги шахс деб карапади. У одамларни бирлаштиради, уларга муносиб лавозимлар беради, яхшиликни химоя киласи ва ёмонликни бартараф этади. Ҳар икка-

ласига бир хил маросимий амаллар билан хурмат бажо келтирилади. Бунда «Ригведа»даги мавхум самовий Митра, афтидан, «Авесто»даги унга мос қаҳрамон анча қадимиюроқ, кейингиси заминдаги ижтимоий тузилмага анча яқин кириб борган. Ирсий жиҳатдан бошқа умумий прототип «Ригведа»даги Варуна, «Авесто»даги Ахура Мазда каби шахсларнинг фаолият ўхшашлиги асосида очилади. Буни Г.Ольденберг ҳам тасдиқлаган. Буларнинг ҳар бири Митра билан бақамти келади. Самовий тартиб ва қонунни кўллаб-кўлтиқлайди. Күёш билан боғлиқ (уни муҳофаза қиласи, унга йўл очади). «Ригведа»даги Варунага берилган сифатлар: *asura va medhira* «доно», этиологик жиҳатдан *Anura Mardah* исмининг таркиби қисмлари билан ўхшаш («Авесто»даги *Mardra* «доно» билан ҳам таққосланг).

«Ригведа»даги бир қатор мифологик қаҳрамонлар «Авесто»да ўз муносибликларига эга, боз устига умумий тил қоидаларига бориб тақалувчи исмлар билан боғлиқ. Одатда, улар ўхшаш вазифалар ва ўхшаш сюжетларни ташкил этган. Масалан, «Ригведа»да *Jama, Vivasyantning ўғли* – «Авесто»да *Jimi Vivaハンning ўғли*; «Ригведа»да *Aram Napat* (сув зурриёди) – «Авесто»да *Aram Nupat* ва ҳоказо.

Бу икки хилма-хил диний тизим таркибига умумий динлар ҳам кирган бўлиб, уларнинг ҳар бирида бу динлар ғоят муҳим роль ўйнаган. Биринчидан, бу олов дини бўлиб (холбуки, олов номлари бу анъаналарда хилма-хилдир), унинг барча зуҳурларини ўзида намоён этади: курбонлик оловининг ердаги оловдан тортиб, осмондаги күёш ва күёш илоҳларигача. Иккинчидан, мұқаддас ўсимликка сифиниши («Ригведа»да *soma*, «Авесто»да *haoma*), ундан мангуплик баҳш этувчи ичимлик тайёрланади. «Ригведа» ва «Авесто»даги бу дин умумий мифология билан балки боғлиқдир.

Soma (haoma) – ўсимликлар шохи хисобланаб, у баланд тоғда ўсар эди, уни у ердан лочин олиб келади. Шарбат тайёрлаш расм-русларни ҳам бир-бирига жуда ўхшаш: шарбатни сикиб чиқаришган, уни кўй жунидан қилинган элакдан сузуб ўтказишган, сигир сути билан қотишган. Расм-русларниң айрим унсурларигина ўхшаш эмас, хатто уларнинг номлари ҳам ирсий жиҳатдан бир-бирига яқин. Курбонлик қилинадиган жойга курбонлик поҳоли тўшалган, алоҳида рутбага эга бўлган коҳинлар кироат қилган. «Ригведа» ва «Авесто»даги энг қадимги хилдаги мадҳияларда ҳам ўхшаш жиҳатлари кўзга ташланади.

Бу барча далиллар кўпчиликка яхши маълум, вақт ўтиши билан уларнинг миқдори ортаверади. Ҳамма гап шундаки, уни қандай талқин қилиш керак ва шунга боғлиқ равищда «Ригведа» ва «Авесто» оралиғидаги тадрижий нисбат қандай аниқланади? Турли хил қарашлар унинг маҳаллий ва жуғрофий мансублигига, шунингдек, унинг характеристига даҳл қиласи. Э.А. Грантованинг таъкидлашича, уни муайян даврда ва нисбатан чекланган ҳудуддаги аник тарихий ҳодиса сифатида тушунмоқ керак. Тадқиқотчиларнинг вақт ва жойни аниқлаштиришга килган саъй-ҳаракатлари уларни «Ригведа» ва «Авесто» мифологиясини нисбий-тарихий ўрганишга туртки берди.

¹Мусулмонларнинг VII–X асрларда Эрондан Ҳиндистонга қувғин қилиниши оқибатида келиб қолган парслар ҳозир мустақил этно-диний гуруҳни ташкил этади. Парсларнинг кўпчилиги ҳозирги Маҳораштр (жумладан, Мумбай) ва Гужаратда жойлашган.

Ширин ЖАЛИЛОВА ва Амир ФАЙЗУЛА таржимаси

Yorqinjon ODILOV,
O'zbekiston Respublikasi Fanlar akademiyasi
Til va adabiyot instituti ilmiy xodimi

TEST – TO'G'RI YECHILADIGAN SAVOLLAR TO'PLAMI

Ma'lumki, «Ta'lim to'g'risida»gi qonun va Kadrlar tayyorlash Milliy dasturining qabul qilinishi respublikamiz ta'lim tizimida jiddiy va keng ko'lamli islohotlarning olib borilishiga zamin yaratdi. Ana shunday islohotlardan biri sifatida oliy o'quv yurtlariga kirish imtihonlarining xolis tartibi – test shakliga o'tkazilishidir. Dunyoning rivojlangan mamlakatlarida keng qo'llaniladigan mazkur sinov shakli yuzasidan O'zbekistonda ham katta tajriba to'plandi.

Mazkur maqolada ona tili fani yuzasidan tuziladigan testlarning o'ziga xos tomonlari, testga qanday yondashish lozimligi, test topshiriqlarida qo'yiladigan savollarning mohiyatini ilg'ab olish kabi jihatlarni muayyan til bo'limi va unga taalluqli konkret testlar yordamida tu-shuntirishga harakat qilamiz. Quyida Fonetika bahsi yuzasidan ba'zi testlarni tahlilga tortamiz.

Fonetik bilimlar yuzasidan tuziladigan test topshiriqlari, asosan, tovushlar tasnifi, tovush o'zgarishlari, urg'u va bo'g'in mavzularini qamrab oladi. Shuning uchun mazkur mavzularni yaxshi o'zlashtirib olish, ayniqsa, tovushlar tasnifini yod olish o'quvchiga test yechishda katta yordam beradi. Va albatta, o'quvchi umumta'lim maktablari, akademik litsey va kasbhunar kollejlarining amaldagi darsliklarini ham puxta o'rgangan, ulardagi mavzularni sinchkovlik bilan qiyoslab, tekshirib chiqqan bo'lishi zarur. Negaki test topshiriqlari har uch tipdagi darsliklarni qamrab olgan holda tuziladi. Quyidagi ana shunday testlarni yechishda e'tibor berilishi lozim bo'lgan o'rnlarga to'xtalamiz.

Birinchi tahlil

1.Kongress so'zi tarkibida qanday undosh til tovushlari mavjud?

- A) 2 ta til orqa, 2 ta til oldi undoshlari
- B) 2 ta til orqa, 4 ta til oldi undoshlari
- C) 2 ta til orqa, 3 ta til oldi undoshlari
- D) 1 ta til orqa, 1 ta chuqur til orqa, 4 ta til oldi undoshlari

Mazkur test topshirig'ini bajarish jarayonida o'quvchida B va C javoblar bilan bog'liq holda ikkila-nish paydo bo'ladi, ya'ni "umuman, til undoshlarining soni so'ralmoqdamni yoki undosh tovushlarning biror turiga ko'ra sonini aniqlash talab qilinmoqdam?" degan savol tug'iladi. Diqqat qilinsa, bu test savolida kongress so'zidagi til undoshlarining umumiyligi sonini aniqlash topshirilgan. Shunday ekan, to'g'ri javob B. Negaki mazkur so'zdagi k, n, g, r, s, s tovushlari undosh til tovushlari bo'lib, bulardan k, g – til orqa undoshlari, n, r, s tovushlari esa til oldi undoshlaridir.

Ikkinchi tahlil.

Agar ushbu test topshirig'i «Kongress so'zi tarkibida necha xil til undoshlari mavjud?» tarzida berilgan-

da edi, testga butunlay boshqacha yondashish lozim bo'lardi. Bunda til undoshlarining umumiyligi soni emas, necha xildagi til undoshlari borligini aniqlash talabi



qo'yilmoqda. Shunga ko'ra, k, g – til orqa undoshlari, n, r, s – til oldi undoshlari sifatida olinar va to'g'ri javob C variant deb belgilanar edi.

Uchinchi tahlil.

Asosga qo'shimcha qo'shilishi bilan yuzaga keladi-gan fonetik o'zgarishlar mavzusi asosida tuziladigan testlar ham o'quvchilardan alohida ziyraklikni talab etadi. Negaki bu kabi testlar ham fonetika, ham morfemika, ham so'z yasalishi yuzasidan puxta bilimga ega bo'lishni talab etadi. Buni 2010-yilgi kirish imtihonlarida berilgan ba'zi testlar misolida ko'rib o'taylik. *Singlimning ancha ulg'ayib qolgan o'g'li yig'lab o'rnidan turida, yana onasining bag'rida uxlab qoldi.* Ushbu gapdag'i nechta so'z tarkibida tovush tushishi kuzatiladi?

- | | |
|----------------|----------------|
| A) 3 ta so'zda | B) 4 ta so'zda |
| C) 5 ta so'zda | D) 6 ta so'zda |

Savolga ilova qilingan jumladagi *singlim*, *o'g'li*, *o'rni*, *bag'ri* so'zlaridagi tovush tushish hodisasi shu so'zlar asosiga sintaktik shakl yasovchi qo'shimchalar (-im, -i) ning qo'shilishi bilan, *ulg'ayib*, *yig'lab* so'zlaridagi tovush tushish hodisasi esa so'z yasovchi qo'shimchalar (-ay, -la)ning qo'shilishi bilan bog'liq: *singil+im=singlim*;

$o'g'il + i = o'g'li$; $o'r'in + i = o'rni$; $bag'ir + i = bag'ri$; $ulug' + ay = ulg'ay$; $yig'i + la = yig'la$. Ko'rinadiki, mazkur so'z asoslaridagi ajratib ko'rsatilgan tovushlar yasalmada tushib qolgan. Demak, 6 ta so'zda tovush tushishi yuz bergen. Shunga ko'ra to'g'ri javob D variant.

To'rtinchи tahlil.

Shuni eslatib o'tmoqchimizki, fonetik o'zgarish bilan bog'liq test topshiriqlarini yechishda ikki jihatga alohida diqqat qilish zarur: 1-holatda testlar so'zda yuz bergen har qanday fonetik o'zgarishlarni belgilashga yo'naltiriladi. 2-holatda esa konkret tovush o'zgarishini, ya'ni tovush tushishi, tovush ortishi va tovush almashinishini aniqlashga yo'naltiriladi. Misol uchun, 2010-yilgi kirish imtihonida tushgan quyidagi test topshirig'ini ko'rib o'taylik: *Mening bu voqeadan xabardorligimni unga ayta ko'irma*. Ushbu gapdagi so'zlar tarkibida qanday fonetik o'zgarishlar ro'y bergen?

- A) tovush tushishi
- B) tovush orttirilishi va tushishi
- C) tovush orttirilishi, tushishi va almashinishi
- D) tovush orttirilishi

Ko'rinadiki, bu test topshirig'ida, umuman, fonetik o'zgarishlar so'rалмоқда. Tahlilni davom ettiramiz: **men** = **men + ning**; **xabardorligimni** = **xabardorlik + im**; **unga** = **u + ga**. *Mening so'zida n tovushi tushgan, xabardorligimni so'zida -lik qo'shimchasidagi k tovushi g ga almashgan, unga so'zida esa bitta n tovushi orttirilgan*. Demak, mazkur jumlada tovush tushishi, almashinishi va orttirilishi ro'y bergen. Shundan kelib chiqib, to'g'ri javob sifatida C variant belgilanishi lozim.

Beshinchи tahlil.

Shunday testlar uchraydiki, ularda tovush o'zgarishlarining yo so'zning asos qismida, yoki qo'shimchada yuz bergenligini aniqlash topshiriladi. Ma'lumki, bunday fonetik o'zgarishlardan tovush tushishi so'zning asos qismi bilan bog'liq holda ro'y bersa, tovush almashinishi esa ko'pincha qo'shimcha tarkibida yuz beradi. Tovush orttirilishi hodisasingin lisoniy tabiatidan kelib chiqib, asosda ortganmi yoki qo'shimchadami, degan savol qo'yilmaydi. Tovushlar tasnifi bilan bog'liq quyidagi test va uni yechish texnologiyasi ham o'ziga xos: *Qaysi so'zda hosil bo'lish usuliga ko'ra bir guruha mansub undoshlar qatnashgan?*

- A) romanlar
- B) sezuvchi
- C) kitobxon
- D) xushbichim

Ma'lumki, undosh tovushlar hosil bo'lish usuliga ko'ra portlovchi, sirg'aluvchi va qorishiq tovushlarga ajratiladi: 1) portlovchilar: **b, p, d, t, g, k, j, q, m, n, ng**; 2) sirg'aluvchilar: **v, f, z, s, g', x, h, y, sh, l, r**; 3) qorishiq: **ch**.

Ayni tasnifga tayanib ish ko'radigan bo'lsak, A variant (romanlar)dagi **m, n** tovushlari portlovchi, **r, l** tovushlari esa sirg'aluvchidir. B variant (sezuvchi)dagi **s, z, v** tovushlari sirg'aluvchi, **ch** tovushi esa qorishiq undoshdir. C variant (kitobxon)dagi **k, t, b, n** tovush-

lari portlovchi, **x** tovushi bo'lsa sirg'aluvchi undosh sanaladi. D variant (xushbichim)dagi **b, m** tovushlari portlovchi, **x, sh** tovushlari sirg'aluvchi, **ch** tovushi esa qorishiq undosh tovushdir. Ko'rinadiki, A hamda C variantlarda hosil bo'lish usuliga ko'ra ikki guruuh (portlovchi va sirg'aluvchi)ga mansub tovushlar, B variantda ham yuqoridagidan farqli tarzdagi ikki guruuh (sirg'aluvchi va qorishiq)ga aloqador tovushlar joy olgan. D variantda esa uch guruuh (portlovchi, sirg'aluvchi va qorishiq)ga mansub undosh fonemalar o'r'in olgan. Demak, bir qarashda javoblarning hech birida hosil bo'lish usuliga ko'ra bir guruha mansub fonemalar yo'qdek. Lekin unday ham emas. Ushbu testning murakkabligi ham ana shunda. Diqqat qilinsa, A variant (romanlar)dagi **m, n** tovushlari o'pkadan kelayotgan havo oqimining bir qismi og'iz bo'shlig'ida til, tish va lablar to'sig'iga uchrab portlab chiqadi, bir qismi esa burun bo'shlig'i orqali sirg'alib chiqib ketadi. Shu bois mazkur tovushlar burun undoshlari, deb ham yuritiladi. Test tuzuvchi **m, n** undoshlarining ayni jihatini nazarda tutgan. Abituriyent testning ana shu nozik texnologiyasidan ham xabardor bo'lishi, testni nozik ilg'ay olishi lozim. Tabiiyki, bu tuyg'u, albatta, tinimsiz o'qish, izlanish va o'qituvchi ko'magi bilan shakllanadi. Ayonki, bir qarashda xatodek tuyulgan testning to'g'ri javobi A variantdir.

Oltinchи tahlil.

Yuqoridagi testda **n** undoshi sirg'aluvchi deb qaralgan bo'lsa, quyidagi testda portlovchi deb olingen va yuqoridagi istisno holat, ya'ni shu tovushning hosil bo'lishida burun bo'shlig'idan havo oqimining sirg'alib chiqishi nazarda tutilmagan. Masalan: *I, n tovushlari qaysi jihatdan bir guruha mansub emas?*

- A) sirg'aluvchi undoshlar
- B) jarangli undoshlar
- C) til oldi undoshlari
- D) jarangli va til oldi undoshlari

Diqqat qilinsa, mazkur test topshirig'ida **I, n** tovushlarining qaysi jihatiga ko'ra bir guruuhda bo'lmasligini belgilash topshirilgan. Yuqorida keltirganimiz undosh tovushlarning hosil bo'lish usuliga ko'ra tasnifiga tayanih, **I** tovushini sirg'aluvchi, **n** tovushini bo'lsa portlovchi deb aytish mumkin. Berilgan javoblarni ko'zdan kechiradigan bo'lsak, B variant noto'g'ri. Negaki har ikki undosh fonema tovush paychalarining ishtirokiga ko'ra jarangli undoshlardir. Demak, shu jihatiga ko'ra bir guruuh – jaranglilarga mansub. C variantda ham to'g'ri javob berilmagan. Chunki bu undoshlar hosil bo'lish o'rniga ko'ra ham bir guruhdan joy oladi, ya'ni til oldi undoshlari hisoblanadi. D variant esa B va C variantlarning umumlashtirilgan shaklidir. Demak, to'g'ri javob A.

Yuqoridagilardan kelib chiqib aytish mumkinki, har bir test topshirig'i alohida ziyraklikni, alohida yondashuvni talab qiladi. Albatta, bu ziyraklik yillar davomida chekilgan mashaqqatlar evaziga shakllanadi. Shu ma'noda test – tez yechiladigan savollar emas, to'g'ri yechiladigan savollar to'plamidir.

ХАЛҚ ҚАЛБИДАН КУЧ ОЛГАН АДИБ

«Адабиёт» (9-синф). Ўзбекистон халқ ёзувчиси, «Дўстлик», «Эл-юрт ҳурмати» орденлари соҳиби Одил Ёкубов. «Улуғбек хазинаси» романи.

ИРОДА САБОГИ

Дарахт илдизлари она заминдан узилмаса, кўкка бўй чўзиб, ҳосил бераверади. Моҳиятан, ўз тарихи, анъаналари ва қадриятларига эга миллатнинг бунёдкорлик салоҳияти ҳам юқори бўлади. Зоро, Президентимиз Ислом Каримов таъкидлаганидек, ўзликни англаш тарихни билишдан бошланади. Тарихий хотираси бор инсон – иродали инсон.

Шу маънода милллий адабиётимизда улуғ аждодларимиз образларининг гавдалантирилиши, аввало, ҳалқимизнинг милллий ғурурини мустаҳкамлайди. Ўзбекистон халқ ёзувчиси Одил Ёкубовнинг «Улуғбек хазинаси» романи ана шу жиҳати билан қадрлидир. Бу асар дунёнинг 47 тилига таржима қилингани – унинг милллий, бадиий чегаралардан чиқиб, умуминсоний кўламга ўтганидан далолатдир.

Ўзбек адабиётида ҳозирга қадар ёзилаётган тарихий мавзудаги асарларда икки алоҳида жиҳат кўзга ташланади:

- тарихий фактларга изчил риоя этиш;
- тарихий ҳодисаларни бадиий синтезлаш.

Тарихий фактларга изчил риоя этиш. Бунда ижодкор том маънода фактларга боғланиб қолади. Бу кўринишдаги асарни соф бадиият ва бадиий публицистика нуқтаи назаридан фарқлаш бир мунча мураккаблашади. Чунки аниқ факт, далилга суюниш кўпроқ публицистикага хос, соф бадиият эса инсон тасаввури ва тафаккурининг бадиий инъикосидир.

Тарихий ҳодисаларни бадиий синтезлаш. Бунда тарихий фактлар ё шахслар асарга асос қилиб олинса ҳам, хаёлотга, бадиий тўқимага эрк берилади. Бундай асар соф бадиият қонуниятларига тўла мос келса-да, айрим тарихчи олимлар яна ўша тарихий воқелик ва факт нуқтаи назаридан эътиroz билдиришади. Ва бу – табии.

«Улуғбек хазинаси» романи кўпроқ иккинчи турга мансуб. Чунки асарда Улуғбек, Али Қушчи, Абдулатиф каби аниқ тарихий шахслар билан бирга Қаландар Қарноқий, Хуршидабону, Уста Темур Самарқандий, Босқонбек, Мухиддин каби бадиий тўқима образлар ҳам анча. Асарнинг тасвир мароми, кўпгина тарихий асарлардан фарқли равишда, хийла тезкор, шиддатли. Асарда ўткир драматик лавҳалар кўп. Ички руҳий кечинмалар, характер ва ғоялар тўқнашуви асос қилиб олинган.

Мирзо Улуғбек шахси, бу улуғ зотнинг фожиалари ниҳоятда мураккаб. Бунда шахснинг ҳар ютуғи ўз қутбида бир мағлубиятни етаклаб кела-веради: осмон сирлари (юлдузлар ҳаракати)ни англаган Олим-Ҳукмдор қўл остидаги амир-умароларнинг кўнглини ё салтанат ичida бўлаётган қарама-қаршиликлар (иғволар, фитналар)ни англай олмайди; Ер юзида ўхаши кам расадхона куриб, жаҳон миқёсида энг билимли ва салоҳиятли ёш олимларни тарбиялашга қодир Устозга ўз фарзанди панд беради.

Бу парадоксал тўқнашувлар «Улуғбек хазинаси»нинг асосини ташкил этган.

Асарда образлар, айниқса, Улуғбек шахсини очишида адид бир қатор бадиий воситалардан самарали фойдаланган.

Диалог. Асар диаологлари анча соддалиги ўқувчига воқеалар ривожи, ҳолат ва характерларни енгил «ҳазм» қилишига ёрдам беради.

«– Амир Жондор ҳақ гапни айтдилар. Ҳукмингизга бўйсунармиз, Онҳазратим!


– Ҳукмингизга бўйсунармиз!.. Ўз бошларинг қайда?

– Бошимиз сизнинг кўлингиздадур, Давлатпаноҳ...

«Ҳа, бошларинг кўлимда, аммо қалбларинг кимнинг ихтиёрида? Таассуфлар бўлғайким, бундан бехабармен!».

Фикр ифодаси. Асарда Улуғбекнинг фикр ифодаларида қатор ибратли фазилатларга гувоҳ бўламиз. Айтайлик, андиша туйғуси. Ўзини англаган, ўз манфаатини эл-юрт равнақи билан бирлаштирган, ўзига лойик билганни элдошларига ҳам раво кўрган инсонда андиша туйғуси жуда кучли бўлади. Мирзо Улуғбекда бу туйғу бир неча мавқеларда намоён бўлади. Адолатли ва маърифатпарвар ҳукмдор андишаси:

«Йўқ! – деб хитоб қилди. – Мен салтанатдан айрилишдан кўркмаймен. Фақат бу элга қирқ йил



рахнамолик қилиб орттирган бойлигим – мадрасаю расадхонам, нодир хазинам – тўплаган кутубхонам ва ниҳоят яратган асарларим – барчаси поймол бўлишидан қўрқамен. Мирзо Улуғбекдай коинот сирларини очмоқни тилаган, фозилликни даъво этган мавлоно, ҳайҳот, охир-оқибат барча шоҳ, барча тахт соҳибларидаи салтанатни деб, ўз пуштикамаридан бўлган фарзанди билан тожу тахт талашибдур-да, деган ном қолдирмоқдан қўрқамен, мавлоно Али!» (12-бет).

Ёки мана бу фикр ифодасида ота андишаси, афсуси ва хавотири ёрқин акс этган: «Мен ўзимдан қўрқмаймен, Али. Ҳақ таоло инъом этган умрни яхшидур, ёмондур, ўткардим. Бу норасо дунё лаззати шунчалик бўлур. Аммо... пуштикамаримдан бўлган бу фарзандимнинг тақдери не бўлади? Оға-ини бирбирини не қиласди? Буни ўйласам, юрагим эзилади, зеро унинг жисми ногирон, қалби мажруҳ, Али!» (19-бет).

Бу туйғу асар давомида изчил ривожлантирилади. Ва Абдулатиф васваса билан отасининг юзига оёқ тирашгача боргач, Мирзо Улуғбек ноқобил фарзандига сўнгги сўзини айтади: «Бу сухбатдан ёлғиз муддаом – оталик насиҳатимни бермоқ эди. Таассуфлар бўлғайким, сенга падар насиҳати эмас, олтин керак экан!.. – Шаҳзода гапини бўлмоқчи эканини кўрган Мирзо Улуғбек кескин кўл силтаб: «Тўхта!» деб буюрди. – Ота сўзин амри вожиб, деб билурсенми, йўқми – ихтиёр сенда. Ва лекин сўнгги насиҳатимни эшит, хоҳла ўз падарингни қатл эт, хоҳла Мовароуннаҳр сарҳадидан ҳайдаб дарбадар қил – ихтиёр сенدادур. Лекин ёлғиз тилагим, илим йўлида отанг қилган ишларга, унинг шогирд ва устодларига тегмагайсен. Тегсанг... ота қарфишига учраб тоабад бадном бўлурсен!.. Ота рози – Худо рози, ёдингда бўлсин: ал қасосил миналҳақ! Ҳеч бир ёмонлик интиқомсиз² қолмайдур! Сенга айтадурғон бошқа сўзим йўқ! Чакир ясовулингни!» (104–105-бетлар).

Хаёл. Инсон хаёлидай чексиз нарса йўқ. Фикрга чегара, ўйга тўхтам йўқ. Инсон сиртига чиқара олмаган фикрларини ичидан, ўзидан ўтказади. Асада Мирзо Улуғбек хаёллари турли ракурсларда намоён бўлса-да, уларни бир жиҳат бирглаштириб туради: эл-юрт ташвиши, халқ ғами, авлодлар ҳаёти хавотири. Эътиборлиси, асада ҳар бир хаёлни ҳосил қилувчи рамзлар мавжуд. Масалан, *шам терилган тилла қандил хаёли*: «Ё тавба бу тожу тахтда не сеҳр, не сир-асрор бор эканким, унга ўлтирган ҳар бир кимса



дарҳол ўзгаради? Одамийликни, умри бебақо бир факири ҳақир эканини дарҳол унугади?» (100-бет). **Юлдузлар хаёли:** «О, юлдузлар... юлдузлар!.. Мирзо Улуғбек эллик йил уларга ошуфта бўлди. Кечаларни бедор ўтказиб, ҳар бир ситора, ҳар бир юлдузнинг буржини, яъни ҳаракатидаги чамбар йўлини кузатди. Ҳайҳот! Қирқ йил умрини сарф қилиб, юлдузлар сирини ўрганди-ю, замин сирига, инсонлар ҳаётига келганда ғафлатда қолди» (57-бет).

Туш. Инсон онги уйкуда ҳам ишлаши, бунда руҳ чексиз бир оламда ҳаракат қилиши – фанда маълум ва сирли. Туш – хабарчи, огоҳлантириш, башорат, ўнгнинг рӯёси. Психоаналитиканинг асосий воситаси – тушдан романда ўринли фойдаланилган. Улуғбекка қарши Бароқхон бош кўтарганда бобоси Амир Темурни тушида кўради. Бобоси Бароқхон қўшинлари Яссини забт этиб, «бу муқаддас даргоҳни топтаб, хор этиш»идан оғоҳ этади. Уйғонгач, худди шу хабарни ўнгидга эшитади. Абдулатиф ўлим топадиган туни «баркашга солинган ўз боши»ни тушида кўради. У таскин топиш мақсадида Низомий асарининг дуч келган жойини очиб, кўз югуртиради. Ундаги «падаркуш салтанатда олти ойдан ортиқ ўтира олмайди», деган маънони уқиб, янада даҳшатга тушади. Ва худди ўша куни, отасини ўлдиригандан 6 ой ўтгач, ўзи ҳам қатл этилади.

...Президентимиз Ислом Каримов таъкидлаганидек, Улуғбекдай муносиб фарзандлари бўлган миллат ҳар қайси замонда ва ҳар қандай шароитда ҳам янгидан-янгиғояларни яратишга ва ривожлантиришга қодир ҳалқдир. Шу маънода «Улуғбек хазинаси» романи ва Улуғбек образи тимсолида ҳалқимизга хос юксак интеллект, ахлоқ, дид, эътиқод, тасаввур ва тафаккурнинг энг эзгу ғояларидан, ҳар қадамда фидойи бўлиш ва маънавий жасорат ҳисси билан яшаш саодатидан сабоқ беради.

¹О. Ёкубов. Улуғбек хазинаси. Т.:Faafur Fулом номидаги Адабиёт ва санъат нашриёти, 1994. 55-бет (Кейинги иқтибослар ҳам шу манбадан олинган бўлиб, сахифаси қавс ичидаги кўрсатилади).

²Интиқомсиз – жазосиз.

БУТУН БОРЛИҚ ИЖОДХОНА

**Адибнинг рафиқаси Марямхон Ёқубова
 билан сұхбат**

– «Улуғбек хазинаси» асари ёзилиш жараёни билан боғлиқ хотираларингиз ўқувчилар учун қизиқ...

– Ҳаммаси Одил аканинг газетада Улуғбек кутубхонаси түғрисида кичик бир мақола ўқиб қолишидан бошланган. Үнда бу китоблар Улуғбек шогирдлари томонидан Ургут тоғларига ёки Шахрисабз яқинидаги бир ғорга яширилганилиги таҳмин қилинганди. Шу сабаб бўлади-ю адаб Улуғбек шахси, фолияти ва тарихини жиддий ўрганишга киришади. Самарқандга йўл олади. Гўри Амир ва Улуғбек мадрасаларининг ғира-шира, ним қоронғу йўлакларида кезади, атоқли риёзиётчи Қозизода Румий ва Улуғбек навжувон талабаларига сабоқ айтган машҳур мадрасанинг улкан ўша вақтдаги ярим вайронна хонасида ўйга чўмади. Неча дафъа буюк расадхона харобаларини титроқ ва ҳаяжон билан кўздан кечиради.

Эсимда: ҳовлида фарзандлар қий-чуви, тарақтуруқ, бақир-чақир авжида. Ўйда эса «Улуғбек хазинаси»нинг дастлабки қўллэзмаси ёзилмоқда, учиримоқда, яна тузатиб ёзилмоқда. Тарихий асар эмасми, жуда зийраклик ва эътиборни талаб этади. Ўша даврнинг руҳини сингдириш, қаҳрамонларнинг кийим-бошларини тўғри тасвирлаш лозим. Тил масаласига ҳам алоҳида урғу берилиши шарт. Асарнинг З нусхасини саралаш, тузатиш ишлари менинг зиммамда эди. Асар устида сабр-бардош билан бирга тер тўкканимиз. Шунинг учун «Улуғбек хазинаси» – оиласизнинг «фарзанди».

– Адибнинг жуда кўп асарлари ёзилишида диалогларни жонли ижро этар экансиз. «Улуғбек хазинаси»да қандай роль ўйнагансиз?

– Хуршидабону образини Одил акага кўп ўйнардим. Йиғлаб-йиғлаб чин дилимдан ижро этганман. Унинг ҳамма дардларини ролда курсатиб берганим учун, балки Хуршидабону образи жуда чиройли чиққан. Умуман, мен – Хуршидабону, бу кишим Қаландар Қарноқий эдилар.

– Ёзувчи бир сұхбатида асарнинг айrim камчиликларига ҳам тўхталиб, «Али Қушчи образида бир ёқламалик бор», деган экан. Бу ҳақда ба-тафсил гапирган пайтлари бўлганми?

– Бу асарнинг камчилиги бор, дея олмайман. Назаримда, Али Қушчи образида ҳам бир ёқламалик йўқ.

– Ёзувчи ва сизда отамаконларингиз – Туркистоннинг Қарноқ қишлоғи билан боғлиқ гўзал хотиралар сақланиб қолган. Баъзан шулар

Қаландар Қарноқий образини юзага келтирғанмикан, деб ўйлаб қоламан...

– Тошкентда туғилиб, вояга етганман. Лекин Одил ака билан ота-боболарим юрти – Туркистоннинг



Қарноқ қишлоғидаги дўконда танишганмиз. Одил ака дўконда бухгалтер, опаси Заҳро эса сотувчи бўлиб ишлар, баъзан опасига ёрдам бериш учун сотувчилик ҳам қилар экан. Ўша вақтлар адибнинг «Тенгдошлар» қиссасини «Тонг ўлдузи» газетасида ўқиб, унинг муаллифи билан ич-ичдан танишишни истардим.

Тақдир экан, оила курдик. Кейинчалик ҳам Қарноққа биргаликда кўп бордик. Қишлоққа борганди, албатта, боғимиз бўйидаги катта ариқ сувидаги сокинлиқдан дилимиз ором оларди. Агар ўзим гап бошламасам, Одил ака сувга термулганча соатлаб хаёл сурibi ўтираверарди. Одил аканинг болалик хотираларини тинглаш жуда мароқли эди. Тақдиримиз мана шу қишлоқ, мана шу сой билан боғланганди. Одил аканинг қайси асарини варакламанг, уларда ана шу табиат манзарапари – қир-адирлар, яйловлар, баъзан сокин, баъзан ҳайқириб оқадиган сувлар, тоғ-тошлар, болалиқдан бир умр кўзларига муҳрланиб қолган сой манзарапари маҳорат билан тасвирланган. Шу каби Қаландар Қарноқий образи ҳам шу қишлоққа бўлган меҳр-муҳаббатнинг меваси эканига шубҳа йўқ. Аслида ҳам юртни севиш учун одам аввал ўз қишлоғига меҳр қўйиши керак.

– Улуғ ёзувчиларимиздан бири Ойбек «Навоий» романи қаҳрамонлари юз тасвирини кўпроқ хиёбонларда ўтириб, одамлардан излар экан. Бу борада Одил Ёқубов қандай йўл тутган?

– Нафақат хиёбон, балки кўчалар, ҳатто меҳмонга борганди ҳам Одил ака фақат одамларни кузатарди. Бир неча одамлардан битта образ

юз тасвири, характеристи шаклланарди. Одамларнинг кийиниши, юриш-туриши, ўзаро муносабатлари ни ҳам синчковлик билан ўрганардилар. Шу сабаб асар ёзиш жараёни у қадар қийин кечмасди. Ҳар ҳолда Одил аканинг оқ қоғозга термулиб, ўйланиб ўтирганини ҳеч кўрмаганман.

Меҳмонга борсак, уй эгасининг болалар билан муносабатини, ўзларини тутиши-ю гап-сўзларини жимгина кузатиб ўтирадилар. Одил ака учун бутун борлиқ ижодхона эди.

– «Улуғбек хазинаси»нинг турли йиллардаги нашрлари ўртасида фарқлар борми?

– Фарқ бор. Асарнинг илк нашрида кимларгадир ёқмаган ўринлар қисқартирилган, мустакиллик давридаги нашрида эса тарихий ҳақиқат тикланди, асарнинг аслидан халқимиз баҳраманд бўлди.

– Адид, барибир, гуманист. Балки шу боис асарда Абдулатиф кўз юмаркан, падаридан ғойибона узр сўрайди. Асл воқелик эса сир. Улуғбек фожиаси, аввало, ота фожиаси эди. Шундан келиб чиқсан, ёзувчининг ота сифатида қандай тарбия усуслари бор эди?

– Абдулатиф образи ҳамма асарда турлича талқин қилинган. Баъзи бир асарларда Абдулатифни Улуғбекнинг суюкли фарзанди деб ҳам талқин

қилишган. Одил ака эса бу образни айнан падаркуш сифатида ёритганлар. Одил ака болаларни меъёрдан ортиқ эркалатмаганлар ҳам, уриб-сўкмаганлар ҳам. Тўрт ўглимиздан ташқари яна қайнимнинг учта фарзанди – 7 фарзандни тарбиялаганмиз. Тонг сахардан Одил ака болаларимизни турғизиб, жисмоний тарбия машқини ўтказардилар, ёзув-чиズувларини ҳам кузатардилар.

У киши, ишонасизми ё йўқми, фарзандларимизга «дўстим» дейа мурожаат қилардилар. Айrim ҳолларда фарзандларимиз менинг гапимга қулоқ солишмаса, оталарига арз қилардим. Шундай ҳолларда «гуноҳкор» ўғилни олдиларига чақириб: «Бундай ишларни иккинчи тақрорламанг-да, жон дўстим», – деб танбех берардилар.

Ота-оналар мажлисига кўпроқ мен борганман. Болаларим ҳар доим ўкув иили сўнггида Мақтов ёрлиғи олиб келишарди. Улар мактабни битирганидан кейин олий ўкув юртларига киришди, ўз соҳасининг устаси бўлиб етишган. Умуман олганда, Одил ака болалар тарбияси билан жиддий шуғулланганлар. Шунча йил бирга улар билан турмушнинг енгил-оғирини бирга енганимиздан мингдан минг розиман...

Суҳбатдош: У. Абдураҳмонова

АСАР ҲАҚИДА ФИКРЛАР*

Китоб (“Улуғбек хазинаси”) Туркияда катта қизиқиш ва ҳаяжон билан кутиб олинди. Ёзувчилар, адабий жамоатчилик уни қўллэзма ҳолида ўқибоқ, катта баҳо беришди. Одил Ёқубов ҳақли равища жаҳоннинг энг забардаст ёзувчилари билан бир сафда туради. У замонамизнинг кўркам адиби сифатида Туркияда ном қозонди.

Жонип ГИРФТИН ўғли, Туркия.

Биз бу ерда – Оврупо марказида туриб, мамлакатингиз тараққиётини катта ифтихор ва қизиқиш билан кузатиб боряпмиз, шунингдек, сизнинг ижодингизни ҳам. Яқинда мен ибн Сино ҳақида “Кўхна дунё” деган янги роман ёзиг тугатганингиз ҳақида ўқиб қолдим. Мен унинг русча нашрини сабрсизлик билан кутаяпман, ўйлайманки, “Улуғбек хазинаси”ни чоп этган “Янги ҳаёт” нашриёти бу романингизни ҳам мамнуният билан нашр қилажак...

Хелмут ЦЕМКЕ, Олмония.

* Маълумотлар турли вақтли матбуот нашрларидан олинди.